



প্রিন্টার—শ্রী নবেন্দ্রনাথ কোঁড়াব
ভারতবর্ষ প্রিন্টিং ওয়ার্কস্
২০৩/১৫, কর্নওয়ালিস কোর্ট, কলিকাতা



উৎসর্গ

প্রকাশ্যদ, উদ্যবচরিত, সবল, বিস্তোৎসাহী,

শ্রীযুক্ত লোকেন্দ্রনাথ পালিত, আই, সি, এন্

মহোদয় কর-কমলেশু—

বন্ধুবর :

আমার প্রতি তোমার অটল প্রীতি ও

অনুগ্রহের যৎসামান্য প্রতিদান—

স্বরূপ আমার “পাষণী”

তোমার হস্তে সমর্পণ

করিলাম ।

কলিকাতা,
আশ্বিন, ১৩০৭

}

ভবদীয় মেহাকাজী
শ্রীদ্বিজেন্দ্রলাল রায়

কুশীলবগণ

পুরুষ

মহর্ষি গৌতম ।

রাজর্ষি জনক ।

ব্রহ্মর্ষি বিশ্বামিত্র ।

মহারাজ দশরথ ।

শতানন্দ—গৌতমের পুত্র ।

চিরঞ্জীব—গৌতমের শিষ্য ।

ইন্দ্র ।

মদন ।

ত্রীরাম । ত্রীলক্ষণ । বশিষ্ঠ । বসন্ত ।

অশ্বাত্ত দেবতাগণ, তাপস বালকগণ, যোগিগণ, পুর্ববাসিগণ,
পুর্বোহিতগণ, ভূতা, দূত ইত্যাদি ।

স্ত্রী

অহল্যাদেবী—গৌতমের স্ত্রী ।

শচী—ইন্দ্রের স্ত্রী ।

রতি—মদনের স্ত্রী ।

মাধুবী—গৌতমের শিষ্যা ও চিরঞ্জীবের স্ত্রী ।

অশ্বাত্ত দেবীগণ, তাপস বালিকাগণ ও পুর্ববাসিনীগণ ইত্যাদি ।

পাষণী

প্রথম অঙ্ক

প্রথম দৃশ্য

স্থান—রাজর্ষি জনকের প্রাসাদ-কক্ষ । কাল—প্রভাত

[জনক ও বিশ্বামিত্র কক্ষ দিয়া চলিয়া যাইতেছিলেন]

বিশ্বামিত্র । রাজর্ষি জনক ! এই ব্রাহ্মণস্ব ? এত করে দর্প বিপ্র জাতি এই সম্পদের ? হেলায়, ইঙ্গিতে, আমি তুচ্ছ তপস্বায় লভিয়াছি তাহা ; সম হেলায় তাহারে বিনা ক্ষোভে অনায়াসে পথের কর্দমে ছুড়ে ফেলে দিতে পাবি ।

জনক ।

বিশ্বামিত্র ঋষি
করিও না অহঙ্কার ! লভিয়াছ যদি
ব্রাহ্মণস্ব তুমি, তাহা বিপ্রের বিনয়ে

আপনার গুণে নহে ! জানিও তথাপি,—
যদিও ব্রাহ্মণ তুমি, তোমার আসন
ব্রাহ্মণের বহু নিম্নে ।

বিশ্বামিত্র ।

প্রমাণ ?

জনক ।

“প্রমাণ” ?

যাও ঋষি এক দিন গৌতম-আশ্রমে
নদীর অপর পাৰে ; পাইবে প্রমাণ !

বিশ্বামিত্র ।

মহর্ষি গৌতম ? পত্নী অহল্যা বাঁহাব
অনিন্দ্যসুন্দরী ! গৃহী তাঁহার আসন
আমার উপরে ?

জনক ।

বহু উর্দ্ধে বজ্রবর !

দেখিও চাক্ষুষ ।

বিশ্বামিত্র ।

সত্য ? উত্তম ! দেখিব ।

দ্বিতীয় দৃশ্য

স্থান—তপোবনাভ্যস্তবস্থ বহু-বীথী । কাল—প্রভাত ।

[পবিত্রজমান তাপস বালকবালিকাগণ]

তাপস বালকবালিকাদিগের গীত ।

বনের তাপস মোরা থাকি বন ভবনে,

কান্তারে, প্রাস্তরে, শ্যামপুষ্পিত উপবনে ।

প্রভাতে কোকিল পাখী, কুঞ্জবন মাঝে থাকি’,

জাগায় মোদের ঢালি’ স্বরসুধা শ্রবণে ।

মধ্যাহ্নে তরুর ছায় বোসে থাকি, চাহিয়া,
 দেখি নদী বহে' যায় কুলুরবে গাহিয়া ;
 সায়াহ্নে প্রকৃতি আসি', অধরে মধুর হাসি',
 শুনান অমর গীত মৃদুমন্দ পবনে ।

চিরঞ্জীবের প্রবেশ ।

চিবঞ্জীব । এখানে কে আছি?

তাপস বালকবালিকাগণ । এই যে আমবা ।

চিরঞ্জীব । হুঁঃ, তোবা ত ভারি লোক ! যাঃ—

[তাপস বালকবালিকাগণ যাইতে উদ্যত]

চিরঞ্জীব । আচ্ছা দাঁড়া, তোদেব দিয়েই হবে । আবে শোন্ শোন্ ।

তাপস বালকবালিকাগণ । কি ?

চিরঞ্জীব । ওরে কি কবি ব'লতে পাবিস্ ? একটা বড় ধোঁকাই
 পড়িছি ।

১ম তাপস বালক । কি ধোঁকা মহাশয় ?

চিবঞ্জীব । ধোঁকাটা হ'চ্ছে এই যে, ধপাস্ ক'বে পড়ে, কি প'ড়ে
 ধপাস্ করে ?

২য় তাপস বালক । এ ত ভারি ধোঁকার কথা বটে ।

৩য় তাপস বালক । তা মহর্ষিকে জিজ্ঞাসা কবেন না কেন ?

চিরঞ্জীব । ক'রেছিলাম ।

৩য় তাপস বালক । মহর্ষি কি বলেন ?

চিরঞ্জীব । মহর্ষি কিছুই বলেন না ।

২য় তাপস বালক । আর আপনি ?

চিরঞ্জীব । আমারো ঐ মত ।

৪র্থ তাপস বালক । তবে আর মীমাংসা হবে কি ক'রে ?
 চিরজীব । ঐ ত গোল । দর্শন শাস্ত্রের কোন ব্যাপারেরই
 মীমাংসা হয় না । ওরে তোরা একটা দর্শন শাস্ত্রের কথা শুন্বি ?
 তাপস বালকগণ । শুনি ।

চিরজীবের গীত ।

বাহবা দুনিয়া কি মজাদার রঙিণ ।

দিনের পরে রাত্তির আসে, রেতের পরে দিন ॥

গ্রীষ্মকালে বেজায় গরম শীতকালেতে ঠাণ্ডা ;

একের পিঠে দুইয়ে বারো, দুই আর একে তিন ।

শিয়াল ডাকে হোয়া হোয়া আর গরু ডাকে হান্সা,

হাতির উপর হাওদা আবার ঘোড়ার উপর জিন ।

২য় তাপস বালক । বাঃ এ ত ভাবি দর্শনশাস্ত্র দেখছি !

চিরজীব । কেমন ! কথাগুলো ঠিক কি না ?

তাপস বালকগণ । খুব ঠিক, খুব ঠিক ।

চিরজীব । আমি ভেবে ভেবে বের ক'রেছি ।

৩য় তাপস বালক । বলেন কি ম'শয় ?

মহর্ষি বিশ্বামিত্রের প্রবেশ ।

বিশ্বামিত্র । [চিরজীবকে] এই কি মহর্ষি গোতমের তপোবন ?

চিরজীব । [বিশ্বামিত্রের আপাদমস্তক নিরীক্ষণ করিয়া] কি
 রকম বোধ হয় ?

বিশ্বামিত্র । ঐটি কি মহর্ষির আশ্রম ?

চিরজীব । নয় ত কি ওটা তাড়ির দোকান ব'লে বোধ হ'চ্ছে ?

বিশ্বামিত্র । একটু সোজা ভাষায় উত্তর দিলেই বা ।

চিরঞ্জীব । নাই বা দিলাম ।

বিশ্বামিত্র । মহর্ষি কোথায় ?

চিরঞ্জীব । কেন সে খোঁজে তোমার প্রয়োজন কি বাপু !

বিশ্বামিত্র । প্রয়োজন আছে, তিনি এখন আশ্রমে আছেন কি ?

চিরঞ্জীব । না, তিনি বাঘ শীকাব ক'র্ত্তে বেরিয়েছেন ।

বিশ্বামিত্র । তুমি ত ভারি মুখব ! কে তুমি ?

চিরঞ্জীব । তুমিই বা কে ?

বিশ্বামিত্র । আমি মহর্ষি বিশ্বামিত্র ।

চিরঞ্জীব । আমি—অর্শী চিরঞ্জীব শর্মা ।

বিশ্বামিত্র । অর্শী কি রকম ?

চিরঞ্জীব । এই অর্শ হ'য়েছে । তার বেশী এখনো হয় নি । কিন্তু অর্শটা যেকপ অধিক মাত্রায় দাড়িয়েছে, তা'তে মহর্ষি হবার বড় বিলম্ব নাই ।

বিশ্বামিত্র । কি ? আমার সঙ্গে পরিহাস ?

চিরঞ্জীব । নাঃ, পবিহাস কর্কার সম্পর্কটা এখনো হয় নি ।

বিশ্বামিত্র । দেখো ! আমাকে দেখছো ?

চিরঞ্জীব । তা দেখছি বৈ কি ।

বিশ্বামিত্র । কি রকম দেখছো ?

চিরঞ্জীব । একবারে নবকান্তিকটি ! শরীরটি বর্ন্তুলাকার ! মস্তকটি পক্ষার চেয়ে চওড়ায় বেশী ! মুখের বং দাড়ির সঙ্গে টক্কর দিয়ে চ'লেছে ।

বিশ্বামিত্র । দেখো ! আমার মনে ক্রমে ক্রোধের উদয় হ'চ্ছে !

চিরঞ্জীব । তা নিজের ঐ রকম কেছা শুনে, ক্রোধের উদয় না হ'য়ে কি প্রেমের উদয় হবে ?

বিশ্বামিত্র । অভিশাপ দিয়ে তোমাকে ভস্ম ক'রে দেবো না কি ?

চিরঞ্জীব । মুষ্ঠাঘাত দ্বারা তোমাকে তুলো ধুনে দেবো না কি ?

বিশ্বামিত্র । নাঃ, ভগ্ন ক'রেই দিতে হ'ল দেখুছি । হর হর হব
হর হর [পরিক্রমণ]

চিবঞ্জীব । রাম রাম বাম বাম রাম [বিপরীত দিকে পরিক্রমণ]

বিশ্বামিত্র । রাম নাম ক'চ্ছিস্ যে ?

চিবঞ্জীব । রাম নাম ক'লে, শুনিছি ভূতের ভয় থাকে না ।

বিশ্বামিত্র । আমি কি ভূত নামাচ্ছি ?

চিবঞ্জীব । নয় ত কি বিয়েব মন্ত্র পড়'ছিস্ ?

বিশ্বামিত্র । তুই অতি অকীচীন । যাঃ [গলে ধাক্কা দিলেন]

চিবঞ্জীব । বটে ! তবে আয় না দেখি ।

[বিশ্বামিত্রকে প্রহাব আবস্ত]

গৌতমেব প্রবেশ ।

গৌতম । এ কি চিবঞ্জীব ? এ কি ?

চিবঞ্জীব । [অপ্রস্তুত ভাবে] আঁ ! এই মহর্ষির সঙ্গে একটু কুন্তি
ক'চ্ছিলাম ।

গৌতম । [বিশ্বামিত্রকে] আপনি কে ?

বিশ্বামিত্র । আমি মহর্ষি বিশ্বামিত্র ।

চিবঞ্জীব । শুনলেন ম'শয় ? মহর্ষির ঐ বকম চেহারা হয় ?
আজকাল সবাই মহর্ষি ?

বিশ্বামিত্র । আপনি কি গৌতম ঋষি ?

গৌতম । ভূতোর নাম গৌতম ।

চিবঞ্জীব । এঁা—“ভূত্যা” কি ?

গৌতম । চিবঞ্জীব ! এঁর পদধূলি লও ; ইনি একজন অতি
তেজস্বী মহর্ষি ।

চিরঞ্জীব । এঁয়া !—তাই নিয়েই ত ঔঁব সঙ্গে আমার বগড়া ।

গৌতম । ইনি আপনার তেজোবলে মহর্ষি । আমি এঁর কাছে কৌটাণুকীট । তুমি এঁর প্রতি অত্যন্ত রুঢ় ব্যবহার ক'রেছো । নত-জাহ্নু হ'য়ে মার্জ্জনা ভিক্ষা কবো ।

চিরঞ্জীব । বলেন কি ? [বিশ্বামিত্রের ঘাড়ে হাত দিয়া কৌতুহলে তাঁহার আপাদ মস্তক নিবীক্ষণ কবিয়া বিশ্বামিত্রকে সন্নেহে দু তিন চাপড় দিয়া] ম'শয় কিছু মনে কর্বেন না । [প্রস্থান]

গৌতম । [বিশ্বামিত্রকে] মহর্ষি ! ইনি আমার শিষ্য । এঁর ধৃষ্টতা মার্জ্জনা কর্বেন । এঁব বিষয়ে পরে ব'ল'ব । আপাততঃ দয়া ক'রে আমাব আশ্রমে চলুন । জানি না কোন্ পুণ্যবলে আজ প্রভাতে আপনার মত সাধুদর্শন হ'ল ।

বিশ্বামিত্র । [স্বগতঃ] এত বিনয়ী ? [প্রকাণ্ডে] চলুন । [নিজ্রাস্ত]

তৃতীয় দৃশ্য

স্থান—মহর্ষি গৌতমেব তপোবন । কাল—মধ্যাহ্ন ।

[ভ্রাম্যমানা অহল্যা]

অহল্যার গীত ।

আজি বিমল নিদাঘ প্রভাতে,
কত গীতে, সুগন্ধে, শোভাতে,
আহা যাইছে নিখিল ছাপিয়া ।
আজি স্নিগ্ধ মন্দ পবনে,
ঘন মঞ্জু কুঞ্জ ভবনে,
মরি কি গান গাইছে পাণিয়া ।

আজি প্রভাতে কনক মহিমোজ্জ্বল
শাস্ত্র সুনীল গগন,
তাব চরণে নিলীন মধুর ধরণী
কিরণমুগ্ধ মগন,
আজি কি ব্যথা উঠিছে জাগি' রে,
মম হৃদয় কাহার লাগি' রে,
যেন উঠিছে কাঁপিয়া কাঁপিয়া ।

মাধুবীর প্রবেশ ।

অহল্যা । এসেছিন্ এতক্ষণে ? ধন্য তোব পূজা !
স্তুত্ব দ্বিপ্রহর দিবা । আয় লো মাধুরি ।
বসি গিয়া স্নানীতল বটবৃক্ষতলে ।

মাধুবী । চল, দেবি !

অহল্যা । আবার ও রূঢ় সম্বোধন !
“দেবি ?” আমি গুরুপত্নী বটে । শিষ্যা তুই,
তথাপি আমার তুই চির প্রিয় সখী ;
আম্ন সখি, তুই দণ্ড নিস্তরু নিভতে
কহিব প্রাণের কথা । আজি উচ্ছ্বসিয়া
ছাপিয়া হৃদয়-পাত্র যাইতেছে মোর
নিরুদ্ধ প্রাণের ব্যথা । তাই ডাকিয়াছি !
বোস্ এইখানে । শোন ! [উপবেশন]

মাধুরী । বল প্রিয়সখি ! [উপবেশন]

অহল্যা । বলিব । অপেক্ষা কর । কিংবা কি বলিব
সকলি জানিস্ তুই—

অহল্যা ।

ব্যর্থ নহে

এ রূপ, এ যৌবন, এ জীবন ?—জগৎ
 নীরস বিশ্বাদ নহে ? কভু ভাবি মনে,
 ছিলাম না স্মৃতিনা কি কোমার জীবনে
 এব চেয়ে ? আপনারি ছিলাম সঙ্গিনী ;
 পরাইতে নিজগলে গাঁথিতাম হার ।
 তুমিতে আপন চিত্ত গাথিতাম গীত ।
 বেড়াইতাম শৈল প্রান্তে, কান্তাবে, প্রান্তরে,
 মঞ্জু কুঞ্জে, নিৰ্বাবেব শ্রাম উপকূলে ;
 বেড়াইতাম কুড়াইয়া পুষ্প রাশি রাশি ।
 দেখিতাম দেবী-মূর্ত্তি স্বচ্ছ সবোববে
 উকি মারি' । আসিলে বসন্ত কুহবিন্না
 নাহি শিহবিত দেহ । মনেন উল্লাসে
 তুলিতাম চম্পকেব কিশোর মুকূলে—
 নিশ্চিন্ত যেন সে মোব অঙ্গুলি পবশে ।
 প্রচণ্ড নিদাঘে যুবি ঘনবনচ্ছায়ে
 কত স্নেহে খাইতাম বনফল পাড়ি' ।
 ভৎ সিতেন পিতা মোবে—“এত মধুবাশি
 গৃহভরা, কোথা যাম্ কুড়াইতে ফলে ?”
 উড়াইত কৃষ্ণকেশ বর্ষাব শীকর-
 স্নিগ্ধ মল্ল বায়ু ; মুগ্ধা চাহিতাম তাহে
 ফিরাইতে বক্র আঁখি ; চাহিতাম পরে
 কৃষ্ণমেঘে, দেখিতাম শুধু সে ধূসর ।
 —মধুব শৈশবকাল ! [দীর্ঘ নিঃশ্বাস]

মাধুবী ।

এ কি চিন্তা সখি !

মহর্ষি গোতম-পত্নী তুমি ভাগ্যবতী
যে গোতম ধর্ম্মে, জ্ঞানে, বিদ্যায়, বিভবে,
তত উর্দ্ধে অগ্র নর হ'তে, উর্দ্ধে যত
নক্ষত্র থাওয়াত হ'তে ।

অহল্যা ।

বলিতে পারি না,

তিনি জ্ঞানী, তিনি শাস্ত্রবিশারদ, তিনি
ধার্ম্মিক মাধুরি ! কিন্তু বমণীহৃদয়
তাঁব প্রার্থী নহে সখি ! থাক কাজ নাই
নিষ্ফল বিলাপে আব । বুঝিবি না তুই ।
অথবা কি ফল অনুতাপে ? [সুদীর্ঘ নিঃশ্বাস] নাহি জানি
কেন আজি হৃদয় কাতব ; কেন আজি
ডাকিয়াছি তোবে আমি শুনাতে প্রাণের
নিহিত বেদনা । থাক ।—দেখ্‌লো মাধুরি
শুকায়ে গিয়াছে এই যুথিকার হাব,
নব হাব দে না গাঁথি' । দে না ভাল ক'বে
বাঁধি' এ দক্ষিণ করে ব্রততী-বলয়,—

• যেতেছে খুলিয়া ।

• মাধুবী

এস আরো কাছে এস !

কেন দেবি এত বেশভূষা ? অভূষিতা
তুমি প্রিয়সখি সব চেয়ে মুগ্ধকবী
জানো না কি তাহা ? পদ্মপত্রে কোন্‌ মূঢ়
রঞ্জে বর্ণ তুলিকায় ? বিদ্রাৎ আলোকে
কে দেখায় বাতি দিয়া ?

অহল্যা । [দীর্ঘনিঃশ্বাসসহ] হায় প্রিয়সখি !

শতানন্দের প্রবেশ

শতানন্দ । মা ! মা !

অহল্যা । কি বৎস ?

শতানন্দ । দাদা আমাকে মেরেছে । দিদি, দাদা আমাকে কেবল
মারে কেন ?

মাধুবী । দাদা ভাবি ছট্টু । তুমি তার কাছে যেও না ।

অহল্যা । তুই বুঝি ছট্টুমি কবিছিলি ?

শতানন্দ । না । আমি বললাম দাদা সন্দেহ খাবি ? অমনি দাদা
ঠাসু করে আমাকে চড় মাল্লো ।

অহল্যা । [সহাস্ত্রে] বেশ মিথ্যে কথা শিখ্ছি ।

মাধুবী । কোন্ জায়গায় মেরেছে ? এস ফুঁ দিয়ে দি ।

শতানন্দ । এই জায়গায় মেরেছে, এই জায়গায় মেরেছে, এই
জায়গায় মেবেছে [এইরূপ বলিয়া বহু স্থান নির্দেশ করিল]

মাধুবী । এস হাত বুলিয়ে দিচ্ছি । [কথাবৎ কার্য্য]

গীত

আপন মনে কি যে বলে, আপন মনে কি যে গায় ।

আপন মনে হেসে হেসে, ঢ'লে ঢ'লে চ'লে যায় ॥

হাসিতে তার মাণিক ছড়ায়, অশ্রুতে তার মুক্তা গড়ায়,

নয়নকোণে অশ্রুকণা দেখলে কি আর থাকা যায় ।

আদর ক'রে সোহাগ ভরে বুকের 'পরে নিই গো তায় ॥

শতানন্দ । মা, বাবা কোথায় ?

অহল্যা । আমি জানি না । তিনি কোথায় জানিস্ মাধুরি ?

মাধুরী । তিনি মহর্ষি বিশ্বামিত্রকে তপোবন দেখাতে নিয়ে
বেরিয়েছেন ।

শতানন্দ । এ বিশ্বামিত্র কে মা ?

অহল্যা । ও তোর বাবার মত একজন ঋষি ।

শতানন্দ । কিন্তু তার গায়ে এত লোম কেন মা ?

অহল্যা । জানিনে । যাঃ—

[শতানন্দের প্রস্থান]:

অহল্যা । জানি না কি পাপে তোর মিলেছে মাধুরি
এ হেন পাশব স্বামী ।

মাধুরী । নিন্দা কবিও না,

পায়ের ধরি, আমি তাবে ভালবাসি

অহল্যা । সখি !

জালাম্ নে । তাবে ভালবাসিস্ ? কি গুণে ?

মাধুরি জানি না তুই স্বেচ্ছায় কিরূপে

ক'রেছিলি বিবাহ তাহারে ?

মাধুরী । মহর্ষির

আদেশে ; স্বেচ্ছায় নহে । করিতে সাধনা

নিষ্কাম বিবাহধর্ম । কহিলেন তিনি

“বিবাহ বিলাস নহে ; প্রেম লিপ্সা নহে ।

পতিপত্নী পণ্যদ্রব্য নহে ; বাছিবার,

মূল্য দিয়া ক্রয় করিবার বস্তু নহে ।

বিবাহ কর্তব্য । প্রেম নিষ্কাম সাধনা ।”

অহল্যা । মিথ্যা কথা মিথ্যা কথা ! হায় বিড়ম্বনা—

ভালবাসা সাধনার বস্তু ? নিয়মিত

আদেশে ? কুপেব মত খনন করিয়া
তুলিতে হয় কি তারে ? না মাধুরি, প্রেম
গৈরিক উৎসের মত পাষণ ভেদিয়া
আপনি নিঃসৃত হয় ! [সদীর্ঘনিঃশ্বাস] চল্ গৃহে যাই ।
[নিজ্জাস্ত]

চতুর্থ দৃশ্য

স্থান—গৌতমেব আশ্রমের বহির্ভাগ । কাল—মধ্যাহ্ন ।

[বিশ্বামিত্র ও চিরঞ্জীব আসীন]

বিশ্বামিত্র । বড়ই কোতুককর তোমাব কাহিনী ।
চিরঞ্জীব । বড়ই কোতুককর ! ভাবিলাম, ঋষি
আসিতেছে জনকের প্রাসাদ হইতে,
ঋব, কিছু হস্তে আছে । পবে ঋষি যবে
গাত্র হ'তে খুলি' পট্ট উত্তরীয়খানি,
রাজর্ষিব উপহৃত স্বর্ণ কমণ্ডলু,
বস্ত্র ছটি দিল নিঃসঙ্কোচে, হস্তমুখে,
ভূমিপৃষ্ঠশায়ী নিঃসহায় শত্রুকরে—
অবাক্—মহর্ষি—আমি অবাক্ বিশ্বসে !
বিশ্বামিত্র । কাহাব আঘাতে তুমি পড়িলে ভূতলে ?
চিরঞ্জীব । বাজ-প্রহরীব । মহর্ষির পিছে পিছে
আসিতেছিল সে ভৃত্য গোপনে, অজ্ঞাতে !
না জানিত ঋষি তাহা, আমিও তাহাকে
লক্ষ্য করি নাই । পরে যবে মহর্ষিব

গলদেশ ধরিয়াছি সবলে, অমনি
 প্রহরীর কশাঘাতে স্থলিত চবণে
 আমি ত ‘পপাত’ ! ভৃত্য আসিয়া বসিল
 পৃষ্ঠোপরি যেন অশ্বাসনে । পরিশেষে
 মহর্ষি দয়ার্জকণ্ঠে কহিল তাহাবে
 “ছেড়ে দাও ; মুক্ত কব দস্থ্যবে প্রহরী ।”
 ছাড়িয়া দিল সে । ঋষি উন্মুক্ত কবির
 পট্ট উত্তরীয়, আর স্বর্ণ কমণ্ডলু,
 দিল অনায়াসে মম হস্তে সেই ক্ষণে ।
 কহিল গৌতম পবে “দস্থ্য আরো যদি
 থাকিত আমাব, আরো দিতাম । চল’ভ
 স্বর্ণ, কিন্তু স্মৃথ অতি গুলভ সহজ ।
 তাহা যদি চাও দিব প্রচুব । আসিও
 আমার আশ্রমে বন্ধু” — সে গদগদস্বরে
 অপাবকরণান্নিগ্ধপ্রেমার্জভাষায়
 মানিলাম পরাজয় । সেই দিন হ’তে
 মহর্ষির শিষ্য আমি । এমনি নির্বোধ
 বানাইয়া দিল ঋষি । সেই দিন হ’তে
 নিজ্জীব হইয়া আছি আমি তপোবনে
 শীতে ভুজ্জবে মত । তথাপি কখন,
 হৃদয়ে জাগিয়া উঠে অসতর্ক ক্ষণে
 সে পাপ প্রবৃত্তি । ইচ্ছা কবে সঙ্কোপনে,
 মহর্ষিব গলশিরা রুদ্ধ কবি’ তারে
 পাঠাই শমনালয়ে, যদিও তাহাতে

বিন্দুমাত্র লাভ নাই, যেহেতু গৌতম
একান্ত দরিদ্র, ঋষি !—অতি নিঃস্বল ।

বিশ্বামিত্র । আর ওই যুবতীটি । উনি কে ?

চিরঞ্জীব । মাধুবী ।

তাহাব কাহিনী সত্য, কি বলিব ঋষি !

বিষম কৌতুককর । শুনিবেন ?

বিশ্বামিত্র । শুনি ।

চিরঞ্জীব । মিথিলার সর্বশ্রেষ্ঠ ছিল বাবাজনা

এ নাবী ; একদা কুহকিনী কি কুক্ষণে,

কুচক্রীর চক্রান্তে পড়িয়া মহর্ষিব

রোধিল সরলবর্ষ্য রূপের প্রভাষ,

কলকণ্ঠে, শুভ্রহাস্তে, স্রবাস নিঃশ্বাসে ।

নিষ্ফল প্রয়াস ।—নাবী পড়িয়া ঋষির

চরিত্র আবর্তে, ছাড়ি' বেষ্ট্রাবৃত্তি, ছাড়ি'

হন্য অলঙ্কার, শত সহস্র প্রণয়ী,

হইল ঋষিব শিষ্যা । শেষে এক দিন,

আমি যে কুৎসিত ভীষ্ম বীভৎস আকাব,

আমারে মাধুবী আসি' কবিল বরণ,

কি জানি কি মনে করি' । মহর্ষি ! সে দিন,

সমস্ত দিবস ধবি ক্রমাগত আমি

করলাম অট্ট হাস্ত—মিলিয়াছে ভাল,—

চৌর পত্নী বারাজনা । সেই দিন হ'তে,

মাধুবী আমার পত্নী, আমি তার স্বামী ।

বিশ্বামিত্র । গৌতমের বিবাহের পূর্বে এ ঘটনা ?

চিরঞ্জীব । তার বহুপূর্বে ।—ঋষিবর ! এই দিকে
আসিছেন সত্বীক গৌতম ।

বিশ্বামিত্র । সত্য বটে ।

গৌতম ও অহল্যাব প্রবেশ

গৌতম । মহর্ষি চরণসেবা করিতে এসেছি
আজ্ঞা কর !

বিশ্বামিত্র । অত্ন কিছু চাহি না গৌতম !—
বড়ই নিস্তরু, শাস্ত, পবিত্র, স্নন্দর,
আশ্রম তোমার ! কিন্তু একান্ত নির্জন ।
চিরদিন ভাল লাগে বন্ধুবব ?

গৌতম । লাগে ।

আজন্ম মধুব এই নির্জন আশ্রম,
মিশ্রিত আমার এই জীবনের সনে ।
জানো না মহর্ষি প্রতি বৃক্ষে, প্রতি পথে,
প্রতি শিলাথণ্ডে, কত নিহিত কাহিনী ।

বিশ্বামিত্র । ভাল নাহি লাগে পুরী, প্রাসাদ, তোরণ,
রথ, গজ, বাজী, পণ্য বীথিকা স্নন্দর ?

গৌতম । না সখে,—তাহার চেয়ে ভাল লাগে—শ্রাম
প্রান্তর, মঞ্জুল বন, বিহঙ্গ, নির্ঝর ।

বিশ্বামিত্র । [অহল্যার প্রতি] তোমারো কি তাই দেবি ?

অহল্যা । ভর্তার ইচ্ছায়

ভাৰ্য্যার সন্মতি ।

বিশ্বামিত্র । সত্য ! আমি ভালবাসি

আশ্রম হইতে কভু প্রাসাদে বসতি ।
 জীবন বৈচিত্র্য বিনা একান্ত নীরস ।
 গৌতম । তোমার সকলি প্রভু অসাধ্য সাধনা ।
 কখন নিরত দীর্ঘ তপস্যায় । কভু
 মিশি জনস্রোতে সাধো পরহিতব্রত
 সে তপস্তাবলে ! আর আমি আত্মপর
 করি স্বীয় স্মৃতিস্তা । কি আর বলিব
 কত শিখিলাম বন্ধু তোমার নিকটে ।
 ধন্ত বিশ্বামিত্র তব তপস্তা মহিমা !
 চিরঞ্জীব । ধন্ত বটে ! কে জানিত ঘন লোমাবৃত
 এ কৃষ্ণচর্ম্মের নীচে এত বড় ঋষি ।
 বিশ্বামিত্র । [গৌতমকে] একান্ত দরিদ্র তুমি ?
 গৌতম । একান্ত দরিদ্র ।
 বিশ্বামিত্র । জানো রাজা দশরথে ?
 গৌতম । শুনিয়াছি নাম ।
 বিশ্বামিত্র । তাঁহার প্রাসাদে মম নিত্য গতিবিধি—
 আমাব সহিত চল সে অযোধ্যাধামে ।
 গৌতম । কেন ?
 বিশ্বামিত্র । দিব রত্নরাশি ।
 গৌতম । বত্ন ? কি কবিব ?
 বিশ্বামিত্র । নিতাস্ত নির্বোধ তুমি ! ধন রত্ন দিয়া
 দুর্লভ স্বেচ্ছাদ খাও, মহার্ঘ ভূষণ,
 রম্য উপবন, হর্ম্মা, কাম্য বারাজনা
 ক্রম কবা যায় ।

গৌতম

তাহা চাহি না

নির্জনে

সামান্য আয়াসলব্ধ বস্ত্র ফল মূলে
পরিপুষ্ট হয় দেহ । পরিধান করি
অজিন বন্ধন যাহা পাই । অল্পপমা
সুকুমারী সাধবী পত্নী অহল্যা । জীবনে
কিছুরি অভাব নাই । ধন রত্নবাশি
কি করিব আমি ?

বিশ্বামিত্র । [স্বগতঃ] এত নির্লোভ ব্রাহ্মণ ?

অথবা অতুলরূপলাবণ্য সুন্দরী
বাছিয়া ল'য়েছে, তাই এত উদাসীন
বাহু সম্পত্তির প্রতি ? কি অভাব তাব
যার গৃহে হেন পত্নী ?

তাকাইছে দেখ

প্রভুপত্নী পানে ;—যেন এক্ষণি ইহাকে
ভক্ষণ কবিতে ইচ্ছা,—ও বাাদান দিয়া
প্রেমণ করিতে তাবে সন্দেহের মত
বিপুল উদব গর্ভে ।

বিশ্বামিত্র [অহল্যাকে] চাহ না বাকবি

স্বর্ণ অলঙ্কার, মণি মুক্তা,—সাজাইতে
ও সুগোর বববপু ? কাঞ্চন বলয়
খচিত হীরকে ? স্বর্ণমুকুট ললাটে ?
রজত নুপুং ? মণিখচিত কেয়ূব ?
মুক্তাহাব শুভ্রকণ্ঠে ?

চিবঞ্জীব ।

ক্ষমা কর ঋষি,

কেন মিথ্যা রোপিতেছ কলহঅকুর
দম্পতীর মধ্যে, দিয়া সমক্ষে পত্নীব,
অপ্রাপ্য মহার্ঘ রত্ন গহনার, হেন
সুদীর্ঘ তালিকা ।

গৌতম ।

চল যাই বন্ধুবর

আশ্রম ভিতবে । তপ্ত উড়িতেছে ধূলি ।

বিশ্বামিত্র । হাঁ মহষি, চল [অহল্যাকে] চল বান্ধবি ! উত্তম !

[স্বগত] পরীক্ষা করিতে হবে এ পত্নী-বিরোগ,

সহিতে সক্ষম কি না গৌতম ।

[উভয়ে নিঃসঙ্গ]

চিরঞ্জীব । [পশ্চাৎ যাইতে যাইতে] হুঁ চল

চিরঞ্জীব অনাহুত ।—এত বড় ঋষি

এ ক্লষ্ণচর্ম্মের নীচে ?—আশ্চর্য্য ! অদ্ভুত ! ! !

[প্রস্থান]

দ্বিতীয় দৃশ্য

স্থান—তপোবনেব প্রান্তভাগ । কাল—মধ্যাহ্ন ।

তাপস বালকদ্বয়

১ম তাপস বালক । এ বিশ্বামিত্র ঋষিটা শুন্দি ভারি তেজস্বী ।

২য় তাপস বালক । কি রকম ?

১ম তাপস বালক । ও ছিল একটা ক্ষত্রিয় রাজা । তপোবলে
ব্রহ্মর্ষি লাভ ক'রেছে ।

২য় তাপস বালক । রেখে দাও তোমার ব্রহ্মর্ষি । শুকে দেখে ত
আমার ভক্তি হয় না ।

১ম তাপস বালক। আমাদের না হোক, আমাদের মহর্ষি ত এঁর গুণে মুগ্ধ! ইনি শুনছি বিশ্বামিত্রের তপোবলের কথা শুনে তপস্তার জল্য প্রবাসে যাচ্ছেন।

২য় তাপস বালক। সত্যি না কি?

অপর এক তাপস বালকের প্রবেশ

৩য় তাপস বালক। ওহে চিবঞ্জীবের ভারি মজা হ'য়েছে।

২য় তাপস বালক। কি রকম?

৩য় তাপস বালক। কি একটা খেয়ে আবোল তাবোল বসছে।
ঐ যে এই দিকেই আসছে।

চিবঞ্জীবের প্রবেশ

চিবঞ্জীব। বাঃ বাঃ বিশ্বামিত্র ঋষিব পেটে এত গুণ! কি সোমরসই বানিয়েছে বাবা! আমাদের মহর্ষিটা নেহাইৎ মূর্থ!

১ম তাপস বালক। সে কি ম'শয়?

চিবঞ্জীব। আবে ভাই, বিশ্বামিত্র সোমরস বানিয়ে তাকে দিলে, তবু বেটা খেলে না। আবে সোমবসই যদি না খাবি ত মহর্ষি হ'তে গেল কেন? ওবে আমি বিশ্বামিত্রের শিষ্য হব।

২য় তাপস বালক। বলেন কি ঠাকুর?

চিবঞ্জীব। হাঁ—হব! তবে একটা কথা, যে ঋষিটা দর্শন শাস্ত্র জানে না। ঐ দর্শন শাস্ত্রটার ওপর আমার ভারি ঝাঁক।

৩য় তাপস। বটে!

চিবঞ্জীব। ওরে, একটা দর্শন শাস্ত্রের কথা শুনি?

৩য় তাপস। শুনি।

চিরঞ্জীব ।

গীত ।

ভূচর খেচর এবং জলচর, দেব দৈত্য গন্ধর্ব্ব কিন্নর,

ইন্দ্র চন্দ্র বায়ু অগ্নি ব্রহ্মা বিষ্ণু মহেশ্বর ।

মাতঙ্গ কুরঙ্গ পন্নগ উরঙ্গ ভুজঙ্গ পতঙ্গ বিহঙ্গ তুরঙ্গ,

ভূত প্রেত ব্রহ্মদৈত্য যক্ষ রক্ষ পিশাচ নর ।

যে আছো যেখানে, তুলে দুটি কাণে, শোন এই গানে,

কিন্তু তার মানে, কি হোল কে জানে—

ঘোরে জগৎ চরকার সমান, মত্ত খেলেই সত্ত প্রমাণ,

এইটে নিয়ে কেন সবাই ভেবে মরে ভয়ঙ্কর ।

চতুর্থ তাপস বালকের প্রবেশ

৪র্থ তাপস । এ কি চিরঞ্জীব ঠাকুর, এ রকম যে ?

১ম তাপস । চিরঞ্জীব ঠাকুর একটু র'ঙে আছেন ।

২য় তাপস । গুর অঙ্গভঙ্গী যদি এতক্ষণ দেখতে !

৩য় তাপস । আর যে গান গাইলেন ।

চিরঞ্জীব । তোরা ভারি গোল ক'চ্ছিস্ । তাকিয়ে দেখ্ !

৩য় তাপস । কি দেখবো মহাশয় ?

চিরঞ্জীব । দেখ্—আমি সশরীরে স্বর্গে উঠছি । বিশ্বামিত্র ঋষি ব'লে যে, "এই সোমরস পান ক'লে সশরীরে স্বর্গে যাওয়া যায়—একটু খাবে চিরঞ্জীব ?" আমি ব'ললাম "কৈ দাও দেখি ; কিন্তু বিশ্বামিত্র ঋষি, তোমার আমার স্বর্গে যেতে হ'লে সশরীরে না গিয়ে পথে শবীরটা বদলে গেলে লাভ ভিন্ন লোকসান নেই ; এ চেহারায় স্বর্গে গিয়ে যে কোন সুবিধা হবে তা তো বোধ হয় না ;"—ব'লে ত খেললাম । যে খাওয়া,

সেই মাইরি ভাই—চপ্টো পৃথিবী গোল দেখালো, আকাশটা চোঁচিয়ে
হাসতে শুরু কোরে দিলে, পাতালটা পরো সেজে নাচতে লাগলো,
আর আমি সশরীরে স্বর্গে উঠতে লাগলাম ।

২য় তাপস । বটে ! তা হ'লে অবস্থাটা সঙিণ বলতে হবে ।

চিরঞ্জীব । সঙিণ নয় দাদা 'রঙিণ' । বলিহারি সোমরস ! দেখছিল
তোরা ?

৩য় তাপস । কি দেখবো ম'শয় ?

চিরঞ্জীব । [মদিবা পাত্র দেখাইয়া] .কি রূপ !—কি স্বচ্ছ ! কি
তরল ! কি সফেন ! মরি মরি ! ওবে তোবা একটু একটু খাবি ?

১ম তাপস । আঞ্জে না ।

চিরঞ্জীব । একটু দেখনা চেকে । ইতে কটু তিস্ত অন্ন মধুর
কষায় সব রকম রসই আছে ।

২য় তাপস । না ম'শয় ।

চিরঞ্জীব । খেতিস্ যদি বেশ ক'তিস্ ।

৩য় তাপস । না ঠাকুব ।

৪র্থ তাপস । তুমি ওটুকু খেয়ে ফেল । দেখি কি বকম ঢং বদলায় ।

চিরঞ্জীব । হুঁ ! বেটারা মনে মনে হাসছিল্ বোধ হ'চ্ছে ।

[তাপস বালকদিগের হাস্য]

চিরঞ্জীব । এই যে প্রকাণ্ডেই হেসে ফেলি ।

চিরঞ্জীবের গীত

আমি বুঝি সং ?

তোমরা যে সব হাসছো দেখে আমার বেজায় নতুন ঢং ।

ভাবছো আমার টলছে পা ?—মিথ্যে কথা—মোট্টেই না,—

(শুধু) ফেল্ছি চরণ নতুন ধরণ, বাহির ক'ছি রং বেরং ।

আবোল তাবোল বক্ছি আমি কি ?

ইচ্ছে কোরে শুদ্ধভাষা শুছিয়ে বল্ছি নি,—

বোসে রৈলাম হোয়ে গোঁ, (কোচ্ছে মাথা ভোর-র-ভোঁ)

তোমরা যত হাস্ছো তত হ'ছি আমি রেগে টং ।

[উগ্রভাবাপন্ন]

১ম তাপস বালক । মাল্লে রে—

২য় তাপস বালক । খেলে বুঝি—

৩য় তাপস বালক । পালা পালা—

৪র্থ তাপস বালক । ওরে বাবাবে—

[তাপস বালকদিগের পলায়ন]

চিরঞ্জীব । যা বেটারা নবকে প'চে থাক্‌বি । [পুনরায় গীত]

ফেল্ছি চরণ নতুন ধরণ, বাহির ক'ছি রং বেরং ।

মাধুরী প্রবেশ

মাধুরী । এ কি প্রভু ?

চিরঞ্জীব । [হতাশ ভাবে] যাঃ—নেণা ছুটে গেল ! আর সশরীবে স্বর্গে যাওয়া হোল না । তুই এ সময় এলি কেন ?

মাধুরী । মদ খেয়েছো ?

চিরঞ্জীব । মদ কি বে ? সোমরস—স্বয়ং বিশ্বামিত্রের তৈরি ।

মাধুরী । স্বয়ং বিশ্বকর্মা তৈরি হ'লেও ও মদ ।

চিরঞ্জীব । আচ্ছা না হয় মদ—হোলেই বা মদ ।

মাধুরী । ছিঃ মদ খেয়ো না প্রভু । মহর্ষি গোঁতম ত খান না ।

চিরঞ্জীব । মহর্ষি গোঁতম একটা তণ্ড, যণ্ড, গণ্ডমূর্থ । আমি এখন

তাকে পেলে বেশ ছ'ঘা দিয়ে দি ! আর তাকে যখন পাওয়া যাচ্ছে না
তখন তার বদলে এই তোকেই [প্রহার] ছ'ঘা দি । [প্রহার]

মাধুবী । আব না, আব না, তোমাব পায়ে পড়ি ।

বিশ্বামিত্রের প্রবেশ

বিশ্বামিত্র । চিরঞ্জীব ! ছিঃ !

চিরঞ্জীব । “ছিঃ” কি ?

বিশ্বামিত্র । লজ্জার কথা !

চিরঞ্জীব । কি “লজ্জার কথা ?”

বিশ্বামিত্র । নিজের স্ত্রীকে মারছো ।

চিরঞ্জীব । নিজের স্ত্রীকে মার্কি না ত কি পরের স্ত্রীকে মার্ত্তে হবে ?

বিশ্বামিত্র । স্ত্রীলোকের গায়ে হাত ? ছিঃ ছিঃ !

চিরঞ্জীব । এ স্ত্রীলোক নয়—এ পুরুষের বাবা !

বিশ্বামিত্র । কেন ? তোমার স্ত্রীর অপবাদ কি ?

চিরঞ্জীব । সে খোঁজে তোমার দরকাব কি ? দেখ বিশ্বামিত্র ঋষি,
তুমি ব্রহ্মর্ষিই হও, আব দেবর্ষিই হও, যদি এ রকম বেমজ্জা রকম
পতিপত্নীর মধ্যে এসে তাদেব ত্রাব্য দাম্পত্যকলহে বাধা দাও ত এই—
দেখুছো—

[একথণ্ড ভগ্ন বৃক্ষশাখা কুড়াইয়া লইয়া ঘুবাইতে লাগিল ও সঙ্গে সঙ্গে
হুঙ্কার করিতে লাগিল]

গৌতমের প্রবেশ

গৌতম । এ কি চিরঞ্জীব ?

চিরঞ্জীব । এঁয়া—এঁয়া—তাইত—

বিশ্বামিত্র । চিরঞ্জীব সোমরস পান কোরে একটু বেতরিবৎ হ'য়েছে ।

চিরঞ্জীব । এঁয়া—তা—সে সোমরস, ঋষি বিশ্বামিত্রেরই তৈরি ।

গৌতম । মাধুরি ! কীদছো যে ?

বিশ্বামিত্র । চিরঞ্জীব একে গুরুতর আঘাত করেছে ।

চিরঞ্জীব । ক'বিছি না কি ? সে কার দোষ ? আপনিই ত আমাকে সেধে সেধে খাওয়ালেন । আমি কোনমতেই খাব না—তা ক্রমাগত—“চিরঞ্জীব খাবি ? চিরঞ্জীব খাবি ?” আমি কতক্ষণ টিকে থাকুবো ? রক্তমাংসেব শরীর ত !

বিশ্বামিত্র । আমি পরফ ক'ছিলাম তোমাব মনের বল কতদূর ।

চিবঞ্জীব । কেন ? সেটা না জানলে কি আপনার ঘুম হ'ছিল না ?

গৌতম । চিরঞ্জীব ! শপথ কর যে আব কখন মদিরা সেবন ক'র্বে না ।

চিরঞ্জীব । এঁয়া—স্বয়ং বিশ্বামিত্র যখন খান—

গৌতম । মহর্ষি বিশ্বামিত্রের বা শোভা পায় তোমাব তা পায় না । আবর্জনা অগ্নিব গায়ে লাগে না, কিন্তু তাতে জল পঙ্কিল হয় । শপথ কর এ কাজ আব ক'র্বে না ।

চিরঞ্জীব । এঁয়া—তা—বেশ—তবে তাই ।

[প্রস্থান]

গৌতম । মাধুরি ! আমি প্রবাসে চ'ল্লাম । তোমার গুরুপত্নীকে দেখো ।

মাধুরি । আমি প্রাণপণে তাঁর সেবা ক'র্ক । কবে ফিরবেন ?

গৌতম । ঠিক নাই । সম্ভবতঃ বর্ষকাল পরে । আমি এখন তোমার গুরুপত্নীর কাছে বিদায় নিয়ে আসি । [বিশ্বামিত্রকে] বন্ধুবর, প্রস্তুত হোন, আমি শীঘ্র আসছি !

[সকলের ভিন্নদিকে প্রস্থান]

ষষ্ঠ দৃশ্য

স্থান—তপোবনের প্রান্তভাগ । কাল—প্রভাত ।

অহল্যা একাকিনী ।

অহল্যার গীত ।

হীরা কি আঁধারে জ্বলে, হিমে কি ফুল ফোটে হয় !

অবহেলা অনাদরে প্রেম লো শুকায়ে যায় ।

গুণীর পরশ বিনা, গানে কি শিহরে বীণা ?

কুহরে কোকিল কি লো, বিনা সে মলয় বায় ?

নিরাশা, বিয়োগ, ভয়, প্রেমের মরণ নয়—

বাঁচে না শুধু সে ঘৃণা অবহেলা যাতনায় ।

গৌতমেব প্রবেশ ।

গৌতম । অহল্যা !

অহল্যা । [চমকিয়া] কে ? এ কি প্রভু ! এ বেশে ? এখানে ?

গৌতম । আসিয়াছি প্রিয়তমে বিদায় লইতে ।

অহল্যা । বিদায় লইতে ?—বটে—বুঝেছি । উত্তম ।

—তবু, কোথা যাইতেছ ?

গৌতম । সূদূর প্রবাসে ।

অহল্যা । কেন ?

গৌতম । তপস্তায় রত বহুব প্রেরণসি ।

অহল্যা । তপস্তা ? কাহার ? কেন আলয়ে বসিয়া

হয় না তপস্তা ?

গৌতম । শত সহস্রবন্ধনে

মায়ায় জড়িত, নিত্য সংসার চিন্তায়

জর্জরিত গৃহাশ্রমে ;—তাই প্রিয়তমে
একাকী নির্জনে দূরে—পশে না যেখানে
মহুষ্যের কণ্ঠধ্বনি—নিস্তর নিভতে
কবির তপস্চার্য্যা ।

অহল্যা ।

যাও ।

গৌতম ।

দাও প্রিয়ে ’

বিদায় প্রসন্ন মনে !

অহল্যা ।

ভুনি, কার কাছে—

আমাবে বাথিয়ে যাবে ?

গৌতম ।

সতী সাধ্বী বহে,

পতিস্মৃতি ধ্যান কবি’ ।

অহল্যা ।

প্রভু, ধ্যান করি’

মিটে না আকাজ্জা । হায় মিটে কি পিপাসা

পুষ্করের চিত্রপটে ! হা নির্মম জাতি !

কঠিন পুরুষ !—নিত্য, বিয়োগে, মিলনে,

আমরা করিব ধ্যান তোমাদেব স্মৃতি ;

তোমবা যখন ইচ্ছা আসিবে যাইবে,—

স্বাধীন তরঙ্গসম সঙ্কীর্ণ সৈকতে ।

কেন আসো ? ধ্যান করি’ রমণীর রূপ

পাবো না থাকিতে দূবে ? জীর্ণ দেহ যবে,

বার্দ্ধক্যের শেষ দশা, বাছিয়া তথাপি

কেন লও পল্লবিত তরু-কোড় হ’তে

ফুটন্ত কুসুম কলি ?—সে নাচে, সে হাসে,

সে বর্ধিত হয় মাতৃস্তন্যরস পানে ।

দেখিয়াই নাহি সুখি হও স্বার্থপর
কি হেতু ?

গৌতম । অহল্যা ! বিপ্র আমি । চিবদিন
রহিব কি প্রেমসীব অঞ্চল ধবিয়া
বিপ্রে'র কর্তব্য ভুলি ?

অহল্যা । [উঠিয়া] যদি না থাকিবে,
বিবাহ কবিলে কেন ? বাঁধিলে আমাব
কৈশোর, তোমাব শীর্ণ বার্ককোর সনে ?
দেখ চাহি এই মুখপানে—এই নব
উজ্জ্বল যৌবন, এই উচ্ছ্বসিত রূপ,
অতৃপ্ত আকাজ্জা, এই উদ্বেল হৃদয় ;—
দেখিছ ?—বাঁধিলে কেন নব সুকোমল
কুসুমিত পল্লবিত শ্রামল বল্লরী
নীরস বিশুদ্ধ বৃক্ষকাণ্ডে ? [ক্রন্দন]

চিরঞ্জীবের প্রবেশ ।

চিরঞ্জীব । [স্বগত] ঠিক তাই—
যাহা ভাবিয়াছি । জানি ঘটাবে বিভ্রাট
ওই লোমাবৃত ঋষি । [প্রকাশ্যে] মহর্ষি ! দাঁড়িয়ে
বহির্দ্বারে বিশ্বামিত্র ঋষি, মহর্ষির
অপেক্ষায়—প্রস্তুত ।

গৌতম । প্রেমসী তবে যাই ।
অহল্যা । তুমি যাও, তুমি থাকো—একই কথা প্রভু
অহল্যাব । তোমাব হৃদয়ে নাই স্নেহ !
তোমার অধরে নাই স্মৃতি ! তপস্কার—

শুক কৰ্ত্তব্যের জ্ঞান তোমাব জীবন ;
আমার জীবন চাহে নজোঁগ । তোমার
জীবনের ব্রত পুণ্য সঞ্চয় ; আমার
কার্য্য বায় । ভিন্নরূপ গতি দুজন্যার
ভিন্ন দিকে । এ জীবনে হইব না মোর।
কভু সম্মিলিত । যাও । বাড়িবে না তাহে
আমাদের জীবনের গভীর বিচ্ছেদ ।

গৌতম । [স্বগত] সত্য কথা ! ঘুচিল না এ বিচ্ছেদ প্রিয়ে ।

[নিজ্জান্ত]

অহল্যা । এত রূপ ! এ পূর্ণ যৌবন ! সব বৃথা ?
ধরিয়া রাখিতে তবু পারিলি না হাস
এ জৈশ্ব হৃবির মূঢ় গৌতমে ?—হা ধিক্ !
চলিয়া গেল সে দৃঢ় চরণে ? চাহিয়া
শুকনেজে, যেন গাঢ় অনুকম্পাভরে
মোর পানে ? হা রমণি ! কবিস্ না তুই
হৃর্বল নিষ্ফল এই রূপের গৌরব ।

[প্রস্থান]

সপ্তম দৃশ্য

স্থান—নন্দন ভবন । কাল—প্রভাত ।

সপরিচরবর্গ ইন্দ্রদেব আসীন ।

অপ্সরাদিগেব নৃত্যগীত ।

আমরা—এমনিই এসে ভেসে যাই ।

আমরা গানের মতন, হাসির মতন, কুসুমগন্ধ রাশির মতন,
হাওয়ার মতন, নেশাব মতন, ঢেউয়ের মতন, এসে যাই ।

আমরা—অরুণ কনক কিরণে চড়িয়া নামি,

আমরা—সান্ধ্য রবির কিরণে অন্তগামী,

আমরা—শরত-ইন্দ্র-ধনুর বরণে,

জ্যোৎস্নার মত অলস চরণে,

বিজলীর মত চকিত চমকে চাহিয়া, ঋণিক হেসে যাই ।

আমরা—স্নিগ্ধ, কাস্ত, স্তম্ভশাস্তি-ভরা,

আমরা—আসি বটে তবু কাহারে দিই না ধরা.

আমরা—শ্যামলে, শিশিরে, গগনের নীলে,

মলয়ে, তিমিরে, কিরণে,—নিখিলে,

স্বপ্নরাজ্য হ'তে এসে ভেসে, স্বপ্নরাজ্য দেশে যাই ।

[প্রস্থান]

ইন্দ্র । এই ছোকরা !

চন্দ্র । দেবরাজ !

ইন্দ্র । আর এক পেয়লা ।

চন্দ্র । [আর এক পূর্ণপাত্র ইন্দ্রকে দিলেন]

ইন্দ্র । পবন !

পবন । দেবেন্দ্র !

ইন্দ্র । আচ্ছা স্বর্গমর্ত্য পাতালে ত তোমাব অব্যাহত গতি ।

পবন । আজ্ঞে !

ইন্দ্র । তোমাকে একটা কথা জিজ্ঞাসা করি উত্তর ক'র্ত্তে পার্বে ?

পবন । আজ্ঞে, যদি পারি ত পার্ব ।

ইন্দ্র । আচ্ছা বেশ । বল দেখি—স্বর্গের মত রাজ্য, ইন্দ্রের মত রাজা,
শতীর মত নাবী, আর সুধার মত মদ, কোন জায়গায় দেখেছো কি না ?

পবন । আজ্ঞে নাঃ ।

ইন্দ্র । তুমি ত টকাশ্ কোরে বোলে ফেল্লে ‘আজ্ঞে নাঃ’ । ভাল কোরে শুনেছো ?

পবন । শুনিছি বৈ কি ?

ইন্দ্র । কিসেব মত কি ব’ল্লাম বল দেখি ?

পবন । [স্বগতঃ] মুঞ্চিলে ফেল্লে দেখছি । [প্রকাশ্যে]—এ—এই—
স্বর্গের মত নারী, সুধাব মত রাজা, ইন্দ্রের মত রাজ্য, আব শচীব মত মন ।

ইন্দ্র । দুঃ—তোমার স্ববর্ণশক্তি খুব প্রথর বোলে বোধ হ’চ্ছে না ।

পবন । আজ্ঞে নাঃ ।

ইন্দ্র । না, তোমাব মাত্রাটা একটু বেশী হ’য়েছে, আর পেযো না
[সুরাপাত্র সবাইলেন] বরুণ !

বরুণ । বজ্রপাণি !

ইন্দ্র । এ প্রশ্নের উত্তর ক’র্ত্তে পারো ?

বরুণ । না প্রভু ।

ইন্দ্র । তুমি যে শুন্বার আগেই হা’ল ছেড়ে দিলে । বৈশ্বানর ?

বৈশ্বানর । জীমুতবাহন !

ইন্দ্র । বলি, একটা প্রশ্ন করি ?

বৈশ্বানব । আজ্ঞে নাই বা ক’ল্লেন !

ইন্দ্র । রবি !

রবি । আমি এখনো উঠিনি দেববাজ !

ইন্দ্র । তাও ত বটে এখন যে রাত্তির । চন্দ্র !

চন্দ্র । এই যে [সুধাপাত্র সম্মুখে ধরিলেন]

ইন্দ্র । বেশ তৈরি ছোকরা !—দেখ পবন ! বুঝ্ছো না কথাটা ?

উর্ধ্বশী মেনকা রস্তা নেহাইৎ পুরোণো হ’য়ে দাঁড়াচ্ছে ।

পবন । নেহাইৎ ।

ইন্দ্র । একটা বেশ যুতসৈ নারীর নাম ক'র্ত্তে পাবো, যাতে জীবনে
একটু বৈবিজ্য হয় ?

পবন । পাবি ; কিন্তু সে সব গেরোস্ত ঘরেব মেয়ে ।

ইন্দ্র । হোক গেরোস্ত ঘবেব—সুৰূপা হ'লেই চলো ।

পবন । তু যদি বলেন, আর স্বৰ্গ ছেড়ে মর্ত্ত্যে নামতে রাজি
থাকেন, তা হলে' একটা রমণীব নাম ক'র্ত্তে পারি যার তুলনা
ত্রিভুবনে নেই ।

ইন্দ্র । কে সে ?

পবন । মিথিলায় মহর্ষি গৌতমের স্ত্রী অহল্যাদেবী ।

বক্রণ । বড় শক্ত জাম্বগা । দাঁত বসে না ।

ইন্দ্র । [সন্দিগ্ধভাবে ঘাড় নাড়িতে লাগিলেন]

পবন । কিন্তু সে বিষয়ে একটা সুবিধা আছে ।

ইন্দ্র । কি রকম ?

পবন । মহর্ষি প্রবাসে ।

ইন্দ্র । বটে বটে ?—তবে ত কেলা দতে ।—ওরে কেউ মদনকে
ডেকে নিয়ে আয় ত !—পবন তুমিই একবার যাও না !

পবন । যে আজ্ঞে ।

[প্রস্থান]

ইন্দ্র । চল, ঢালো না ভাই ।—এ প্রস্তাবটা মন্দ নয় ।—কি বল
বৈশ্বানর ?—এই, অঙ্গরাদের আর একবার ডাকো না কেউ !

অঙ্গন । এই আমিই ডেকে আনছি ।

[প্রস্থান]

ইন্দ্র । বৈশ্বানর !

বৈশ্বানর । আজে !

ইন্দ্র । তুমি যে ভারি গম্ভীর হ'য়ে রৈলে ?

বৈশ্বানর । এঁা—তা—কি জানেন—আমার স্বভাবই ঐ রকম ।

ইন্দ্র । সত্যি না কি ?—ঐ যে মদন আসছে ।

মদনের প্রবেশ

মদন । প্রণাম হই দেবরাজ !

ইন্দ্র । এই যে এয়েছো—বেঁচে থাকো ।

মদন । আজে হাঁ । বেঁচে থাকুবাব আমার গোড়াগুড়ি সম্পূর্ণই
মতলব ছিল ; কিন্তু দেবরাজ তাতে বড় অবসর দিচ্ছেন না ।

ইন্দ্র । কেন ?

মদন । এই দিবারাত্রই লোকেব সর্বনাশে ফিরছি ।

ইন্দ্র । কি সর্বনাশ ?

মদন । এই অমুকেব স্ত্রী বেব কোরে আনা, অমুকেব সতীত্বনাশ,
অমুকের তৃতীয়বার বিয়ে দেওয়া ।

ইন্দ্র । সে সব ত অতি সহজ শীকাব । বিধবা বালিকার সর্বনাশ
করা, দ্বিচারিণীকে বেশা করা, অসহায়ার ব্যভিচার কবানো—এ সব ত
আমিও পার্তাম ।

মদন । আর কি ক'র্তে বলেন ?

ইন্দ্র । যথার্থ সতীর সত্যত্বনাশ ক'র্তে পাবো ?

মদন । না, সেটা মহাশয়ের একচেটে ।

ইন্দ্র । তামাসা বাথো । ঐ কার্যটা ক'রবার জন্ত তোমাকে
ডাকিইছি ।

মদন । তা আমি আগেই আন্দাজ ক'রিছি । এখন জিজ্ঞাসা করি
ভাগ্যবতীটি কে ?

ইন্দ্র । [জনান্তিকে] মহর্ষি গোতম-রমণী অহল্যা ।

মদন । বড় শক্ত জায়গা ।

ইন্দ্র । নৈলে আমি কি তোমাকে ফলার খাবার নিমন্ত্রণে ডেকে পাঠাইছি ?—শোন—একটা সুবিধা আছে ।

মদন । কি সুবিধা ?

ইন্দ্র । মহর্ষি এখন প্রবাসে ।

• মদন । তবে ভয় না হ'য়েই কার্য্য উদ্ধার ক'র্ত্তে পার্ক পার্ক বোধ হ'চ্ছে যেন !—কিছু, কিছু, একটা কথা স্মরণ রাখবেন ।

ইন্দ্র । কি ?

মদন ।

গীত

যে পড়ে প্রেমেরি ফাঁদে,

(একদিন) সেজন কাঁদেই কাঁদে ।

প্রথমে দুদিন ভারি হাসি, পরে গভীরভাবে কাশি,
শেষ গলে টান লাগে ফাঁসি (রকম) ভারি গোলযোগ বাধে ।

প্রথমে আরাম চুল্কে ঘামাছি শেষে করে জ্বালা সে ত,

রগড়াতে রগড়াতে রগড়াতে লেবু হ'য়ে যায় তেত ;

প্রথমে মাথায় তুলে নাচি, পরে ঘেষিনাক কাছাকাছি ;

শেষে ছেড়ে দে মা কেঁদে বাঁচি, (রকম) সোনামণি কালাচাঁদে ।

ইন্দ্র । তা পবে যা হবার হবে ; এখনকার কাজ ত এখন কর ।

মদন । তথাস্তু ।

ইন্দ্র । চন্দ্র !—

চন্দ্র । সুবেশ্বর !

ইন্দ্র । আর এক পেয়ালা ।

অপ্সরাদিগের প্রবেশ

ইন্দ্র । এয়েছ বাছারা ! একটা যুতসৈ রকম ধর দেখি । দেখ
এমন একটা গান গাইবে যা'তে মনে বেশ স্মৃতি হয় । গাও বেহাগ—
আর নাচো তেওট্ ।

অপ্সরাদিগের নৃত্যগীত

ঢালো অমিয়া ঢালো কিশোর সুধাকর, আকুল তৃষা অতি অধীরা ,

উঠুক শিহরিয়া তপ্ত ধমনীর রক্ত ঢেউ—ঢালো মন্দিরা ।

ঢুলাও চামর বসন্ত সিঞ্চ সুগন্ধ চঞ্চল পবনে,
বাজো স্তললিত মৃদঙ্গ মন্দিরা মুরলী নন্দন ভবনে ;
গাও বিকম্পিত করি' দিগন্ত বিমুক্ত অপ্সরা রমণী,
নৃত্য কর মদমত্ত, মন্থথ হৃদয়ে বিঁধ শর অমনি ।

দ্বিতীয় অঙ্ক

প্রথম দৃশ্য

স্থান—অহল্যার কুটীর । কাল—সন্ধ্যা

একাকিনী অহল্যা আসীন

অহল্যা । কি ঘোর বরষা ! গাঢ় আচ্ছন্ন আকাশ
ধূসর জলদজালে । অবিরল নামে
জলধারা । পরিব্যাপ্ত আকাশ মেদিনী
এক অবিশ্রান্ত জলপ্রপাতবন্ধারে ।
—এস বর্ষা, শীকরণীতলবায়ুস্বনে,
সুকুমারি ! সুশ্রামল কর, স্নিগ্ধ কর,
নিদাঘবিগুহ তপ্ত বসুধা, স্নন্দরি ।

গীত

বরষা আইল ওই ঘন ঘোর মেঘে
দশ দিক তিমিরে আঁধারি ।
আকুল বেদনা আর হৃদয় আবেগে
রাখিতে রাখিতে নাহি পারি ।

চমকে চপলা, চিত চমকে, সঘন-ঘন
 গরজনে কাঁপে হিয়া সখিরে—
 ঝর ঝর অবিকল ঝরে জল ধারা,
 ঝর ঝর চোখে বহে বারি ।
 সঘন আঁধার ওই ঘনাইয়া আসে,
 বিষাদে হৃদয় আসে ছেয়ে,
 বাতাস মিশায়ে যায় সজল বাতাসে
 শূন্য নয়নে রহি চেয়ে ;
 কত না নিহিত ব্যথা, নিহিত যাতনা কত,
 হৃদয়ে জাগিয়ে উঠে সখিরে—
 মরম ভেদিয়া উঠে গভীর নিরাশা,
 —ধিক্ ধিক্ জনম আমারি ।

রতির প্রবেশ

অহল্যা । কে তুমি ?

রতি । অতিথি ।

অহল্যা । ভুক্ত কিম্বা উপবাসী ।

রতি । উপবাসী নহি, পিপাসিত ।

অহল্যা ।

পিপাসিত ?

বর্ষার অশ্রাস্তবৃষ্টিপ্রপাতে প্লাবিত

প্রান্তর কান্তার অরণ্যানী—আর তুমি—

তুমি পিপাসিত ?—এ কি রূঢ় পরিহাস ?

রতি । পরিহাস নহে । সত্য । পুঙ্কর সরিৎ

স্বপ্নজলপূর্ণ ; কিন্তু তাহে চাতকের
মিটে কি পিপাসা ?

অহল্যা । একি পবিহাস ছাড়ি',
ধবিলে কি প্রহেলিকা ?

রতি । দেখিয়াছ কভু

আপনার রূপরাশি মুকুবে বিস্তৃত ?

অহল্যা । দেখিয়াছি ।—আপাততঃ কি চাহ স্থলবি ?

রতি । চাহিয়া থাকিব শুধু ওই মুখপানে
তাপসি !

অহল্যা । রমণী তুমি—

রতি । কিবা যায় আসে ?

বিশ্বের সম্পত্তি রূপ—বিশ্বের বিষয় ।

অহল্যা । কি নাম তোমার ?

রতি । রতি ।

অহল্যা । নিবাস ?

রতি । ত্রিদিবে ।

যাইতেছিলাম আমি এই পথ দিয়া ।

মিথিলায় কোন প্রয়োজনে—অকস্মাৎ

নামিল অশ্রান্ত জলধারা ; নিরুপায়

আশ্রম বাহিরে তাই নিলাম আশ্রয় ।

দেখিলাম তব মূর্তি সহসা, অমনি

রহিলাম চিত্তার্পিত, নিস্পন্দ বিশ্বয়ে

কি তোমার নাম মণি ?

অহল্যা । অহল্যা তাপসী ।

রতি । বড় ভাগ্যবতী আমি ; স্বর্ণে শুনিয়াছি
 অহল্যার নাম ।—নামে আবার বরষা ।
 দিবে স্থান দয়া কবি' আজি এ আশ্রমে ?
 অহল্যা । কৃতার্থ হইব । আমি প্রোষিতভর্তৃকা ;
 অভ্যাগত তুমি,—এ ত সৌভাগ্য আমাব
 আশ্রম ভিতবে চল ।
 রতি । চল প্রিয়সখি !

দ্বিতীয় দৃশ্য

স্থান—গোতমেব তপোবন পথ । কাল—সন্ধ্যা

মদন ও বসন্ত

মদনের গীত

ফুলমালা গলে পবি, ফুলরেণু গায়ে মাখি,
 ফুলসাজ পরি কেশে, ফুল বেশে তনু ঢাকি ।
 ফুলধনু ধরি করে, হানি হৃদে ফুলশরে,
 ফুলবাসে ছেয়ে আসে অলস অবস আঁখি ।
 ফুল খেলা, ফুল বঁধু, পান করি ফুলমধু,
 ফুলদল'পরে শুয়ে, ফুলপানে চেয়ে থাকি ।

মদন । কি ভাব্ছ বসন্ত ?

বসন্ত । ভাব্ছি প্রভু, এত মিছে কথাও কৈতে পাবেন !

মদন । কি মিছে কথা সখে !

বসন্ত । অন্ততঃ ভেতরের কথাগুলো সব চেপে গেলেন ।

মদন । কি প্রকার ?

বসন্ত । এই মুখে বেশ ব'লে গেলেন “ফুলে নব তনু ঢাকি” কিন্তু তাব নীচে ত দেখছি মহাশয়ের খাসা মখমলের পোষাক ।

মদন । শুদ্ধ ফুলে কি তনু ঢাকে সখে, না শীত কাটে ?

বসন্ত । আমিও ত তাই বলছিলাম । তা যদি হ'তো ত লোকে তুল্লাব চাষ তুলে দিয়ে ফুলের চাষ ক'র্ত্তো ।

মদন । আচ্ছা তাব পরে ? আর কি মিছা কথা ?

বসন্ত । তাবপবে “ফুলধনু” । ফুলের ধনু তৈব ক'র্ত্তে পারে এ সাধ্য বিশ্বকর্ম্মারও নাই । পেছনে একখানি বাকাবি চাই ।

মদন । আচ্ছা আব কি ?

বসন্ত । আব “ফুল খেলা” । ফুল নিয়ে খেলা করা অবিশ্রি এমন কিছু শক্ত নয়, যদিও মহাশয়কে বোধ হয় আমি ডাঙাগুলি খেলতে দেখেছি ।

মদন । সে ছেলেবেলায় ।

বসন্ত । তবে যে কেবল ফুলমধু পান ক'বে ঐ বাস্তবিক বর্ত্তুলা-কাব শরীরটী ঐ ভাবে পরিপুষ্ট হ'চ্ছে না, এটা আমি শপথ ক'রে বলতে পাবি ।

মদন । ওহে—বোঝ না—

বসন্ত । আর ফুলের পানে চেয়ে থাকা ছাড়া পৃথিবীতে আমাদের ত্রায় আপনারও আরো দু চারটে কাজ ক'র্ত্তে হয় ।

মদন । ওহে ওগুলো কবিতা, কবিতা । তুমি বুঝি কাব্যকলা বোঝ না ?

বসন্ত । আজ্ঞে না । কাব্যকলা পড়িনি, কিন্তু মর্ত্তমান কলা

খেয়েছি। আর শপথ কোরে বলতে পারি যে, ভালো পাকা মর্তমান
কলার কাছে কাব্যকলা কি চিত্রকলা কোন কলাই লাগেন না।

মদন। এ সমস্ত কবিতা—ঐ যে শিকার আসছে। তোমার
কোকিল, মলয় সব তৈরি ?

বসন্ত। সব প্রস্তুত—দেখবেন ? [অদূবে কোকিল ডাকিল]

মদন। বাঃ বাঃ ! এ কোকিলের আওয়াজে যদি অহল্যা দেবী না
ধরা পড়েন ত তাঁব শরীব ইঁট সুরুকি দিয়ে তৈরী করা। পাখী বটে !
চল এখন অস্তবালে যাই

[উভয়ের প্রস্থান]

[বাইতে বাইতে মদনের গীত]

আছে একটা ভারি কালো পাখী,

ও তার আছে দুটো কালো পাখা।

কবির তারে কোকিল বলে,

আর ফাগুন চৈতে তার বদ্ অভ্যেস ডাকা।

তায় ডাক শুনে প্রাণ হা হতাশ করে,

বিরহিণীরা সব আছড়ে পড়ে,

প্রাণকাস্ত বিনে সে পাখীর স্বরে

তাদের জীবনটা ঠেকে বড় ফাঁকা ফাঁকা।

ও সে পাখী বড় সর্ববনেশে

গোল বাধায় ফাগুন চৈতে এসে ;

ভাগ্যিস্ নয় সে পাখী বারোমেসে ;—

নইলে মুঞ্চিল হোত বেঁচে থাকা।

[প্রস্থান]

অহল্যা ও রতির প্রবেশ

রতি । হায় সখি, এত রূপ, এ ভবা যৌবন,
এ বসন্তকালে !— শুদ্ধ একবাব, সখি,
জীবনে, যৌবন আসে ; আব সে যৌবন
‘ চিরদিন নাহি থাকে

অহল্যা । বুঝি, সব বুঝি,
কিন্তু কি কবিব ? আমি অভাগিনী অতি !

রতি । মণিব আদর বহুবর্ণিক বিনা কি
বুঝে শাখামৃগ ? বহু দিও না ছড়ারে
অবণো । সার্থক কব এ রূপ যৌবন ।
চিরদিন রহিবে না । তবে আসি সখি ।
বড় ভাগ্যবতী আমি পাইলাম দেখা ।
পথে হেন অঙ্গবাসস্তব রূপরশি ।

[প্রস্থান]

অহল্যা । আহা ! কি মধুব ! [উপবেশন] মুঞ্জরিত নবশ্রাম
নিকুঞ্জ ; গুঞ্জবে ভ্রম ; বঞ্জিত স্তম্ভব
পল্লবিত বস্ত্রবীথী সন্ধ্যার কিরণে ।
সুদূবে তটিনী বহে ঘন তরুচ্ছায়ে
অর্দ্ধাবগুষ্ঠনবতী, ক্ষিপ্ত পদক্ষেপে
বন্ধুর কান্ডাব দিয়া । শুদ্ধ অবগ্যানী ।—
শুধু দূর আশ্রবনে ললিত উচ্ছ্বাসে
কুহরে কোকিল এক, কবি বিকম্পিত,
পুষ্পিত অটবী । আসে মধুব হিল্লোসে

বসন্ত সমীর ; চাহে নিষ্পন্দ বিশ্বয়ে,
 কুরঙ্গ-শাবক এক গ্রীবা বক্র করি'
 শুক অটবীৰ পানে । সবাব উপবে
 এক গাঢ় নীলাকাশ নিষ্পন্দ, নির্মল,
 সন্তোমেষযুক্ত, নত চুম্বিতে ধরার
 সুখস্থিত বিশ্বাধব—বক্রিম লজ্জায় ।
 কে বলিবে এ ববষা ! কে বলিবে ছিল
 কল্যা সমাচ্ছন্ন করি' ও নীল আকাশ
 প্রাবৃটেব ঘন ঘটা ? বসন্ত ববষা
 মধুব মিশ্রণে যেন রচিয়াছে এক
 অপূৰ্ণ সৌন্দর্য্যরাজ্য ;—আহা কি মধুব !
 এত মুগ্ধকব চিত্র দেখি নাই আমি
 বহুদিন । এত স্নিগ্ধ বহে নাই বুঝি
 বহুদিন শীতল সমাব । ডাকে নাই
 কোকিল কখন এত অধাব আগ্রহে ।

গীত

আজি মোর প্রাণ কি চায় ।
 জাগে এ হৃদয় আজি কি আকুল বাসনায় ॥
 আজি এ অধীর প্রাণে কেন প্রবোধ না মানে,
 কোন্ অজানিত টানে, কার পানে ভেসে যায় ।
 —উঠে চাঁদ ! মবি মরি ! বন অন্তবালে
 পূর্ণ জ্যোৎস্না ! একদিকে শাস্ত গরিমায়
 সূর্য্য হ'য়ে অন্তমিত, অপর আকাশে

উঠে চন্দ্র স্নিগ্ধ হান্তে । ল'য়েছে উভয়ে
বিভাগ কবিয়া যেন দিগন্তবিতত
উজ্জ্বল আকাশবাজ্য । দিবা অবসানে
আসে ওই ভাবাময়ী স্তব্ধ নিশীথিনী
শ্রান্তি পবে শ্রান্তিসম, শুষ্ক কার্য্য' পবে
• শিথিল স্বপ্নেব মত ।—ওই—ওকে—গায় !

সজ্জিত তবনীতে আকৃতা অঙ্গবাদিগেব গাহিতে
গাহিতে প্রবেশ ও প্রস্থান

গীত

বেলা ব'য়ে যায় ।

ছোট মোদের পানসী তরি সঙ্গিতে কে যাবি আয় ।
দোলে হার, বকুল যুথী দিয়ে গাথা সে ;
রেশমি পাল উড়ছে মধুব মধুব বাতাসে ;
হেল্চে তরি তুল্ছে তরি ভেসে যাচ্ছে দরিয়ায় ।
যাত্রী সব নূতন প্রেমিক নূতন প্রেমে ভোর;—
মুখে সব হাসিব রেখা, চোখে নেশার ঘোর ;
বীশার ধ্বনি হাসির ধ্বনি উঠ্ছে ফুটে ফোয়ারায় ।
পশ্চিমে জ্বল্ছে আকাশ সাঁঝের তপনে ;
পূর্বে ঐ বুন্ছে চন্দ্র প্রেমের স্বপনে ;
ক'ছে নদী কুলুধ্বনি ব'ছে মৃদু মধুব বায় ।
অহল্যা । একি অপাখিব গীত ? পূর্বে আবেশে
রোমাঞ্চিত হয় তনু । হৃদয়ে জাগিয়া

উঠে কি বাসনা ?—আর রাখিতে না পারি
 বাধিয়া প্রবাহ ।—হান্ন বুঝেছি আমার
 বিফল যৌবন, এই নারীজন্ম বৃথা ।
 বেলা গেল ;—যাই তবে শূন্যগৃহে ফিরি' । [গমনোত্তত]
 —কে যায় স্নগেব যুবা, শিবে জটাভার,
 বস্ত্রপথ দিয়া স্নগ চরণ বিক্ষেপে ?
 কে এ ? কভু দেখি নাই । স্নগাম স্নন্দর
 দীর্ঘ দেহ ; প্রসারিত বক্ষ ; পরিহিত
 অজিন ; চরণভঙ্গ লঘু ; কিন্তু তার
 মুখখানি সর্বশ্রেষ্ঠ,—তাসে দেহ'পবে
 প্রস্ফুটিত পদ্মসম, শৈবাল বেষ্টিত
 কোমল মৃণাল বৃন্তে । কে এ ? ডেকে দেখি—
 কে পাশ্বে ?

তাপসবেশে ইন্দ্রের প্রবেশ

ইন্দ্র । ডাকিলে মোরে, কে তুমি তাপসি ?

অহল্যা । বলি, কোথা যাবে ?

ইন্দ্র ।

মিথিলায় ।—কত দূর

মিথিলা নগরী ? মোরে দয়া কোবে দেবি,
 পথ বোলে দাও যদি ।

অহল্যা ।

পাশ্বে, বহু দূর

স্থান সে দুর্গম । সন্ধ্যা আগত । তাপস !
 মদীয় আশ্রমে যাপ নিশীথ । প্রভাতে
 যাইও সেথায় কল্য ।

ইন্দ্র । কে তুমি ?

অহল্যা । তাপসী ।

ইন্দ্র । নাম ?

অহল্যা । অহল্যা ।—না সথে

মিথ্যা কথা বলিয়াছি, আমি শুদ্ধ নাবী
কোন নাম নাহি মোর । না সথে, কি নাম
যেতেছি ভুলিয়া । নাম ? জানিও সন্ন্যাসী
শুদ্ধ সন্ন্যাসিনী আমি ।

ইন্দ্র ।

সত্য ক'রে বল,

খুলে বল ; প্রহেলিকা বুঝি না, কে তুমি ?

অহল্যা । সত্য বলিব কি প্রিয় ? হাঁ, সত্য বলিব,

আমার আশ্রমে চল ।

ইন্দ্র । না, না, যাইব না ।

অহল্যা । হাঁ যাইবে তুমি ! মুখে স্পষ্ট ব্যক্ত তাহা

কপট ! আশ্রমে চল । [অস্ফুটস্বরে] সত্য বলিতেছি,

আমি তব দাসী, তুমি মোব প্রাণেশ্বর ।

[উভয়ের নিঃশব্দ]

মদন 'ও রত্নের পুনঃ প্রবেশ ও নৃত্যগীত

উভয়ে । এমনি ক'রে আমরা মজাই কুল ।

এ ভুবনে আমরাই যত অনিষ্টেরই মূল ।

মদন । আমি বুকে হানি পুষ্পশর ;

রতি । আমি আনি বক্ষে বক্ষ, অধরে অধর ;

মদন । বিছায়ে দি' পাতার শয়ন ;

রতি । ছড়ায়ে দি' ফুল ।

মদন । প্রেমের শ্বাসে দিইছি স্বেদ, প্রেমের ভাষে গান ;

রতি । অধর-কোণে দিইছি মধু, নয়ন-কোণে বাণ ;

মদন । আমি করি সৃষ্টি স্বর্গলোক ;

রতি । আমি করি সৃষ্টি সুখ—মিলন-সন্তোষ ;

মদন । উড়িয়ে দি আঁচলখানি ;

রতি । এলায়ে দি' চুল ।

মদন । দেবতা জানে আমার প্রতাপ, মানুষ কিবা ছার ;

রতি । আমি কিন্তু ষোলকলা পূর্ণ করি তার ;

মদন । আমি কেবল রটাই প্রেমের জয় ;

রতি । আমি শুধু প্রেমের বিপদ ঘটাই ভুবনময় ;

উভয়ে । আমাদেরই সৃষ্টি করা বিধির বিষম ভুল ।

[নিজ্ঞাপ্ত]

তৃতীয় দৃশ্য

স্থান—চিবঞ্জীবের আশ্রমের বহির্ভাগ । কাল সায়াহ্ন ।

মাধুবীর দ্রুতপদসঞ্চারে প্রবেশ

মাধুরী । কি আশ্চর্য্য ! কি অজ্ঞান ! কি লোমহর্ষণ ব্যাপার ।
কি করি ? কার পরামর্শ নেই ? একবার তপোবনান্তরে যাব না
কি ? না । অত্র তাপসদের কাছে এ কুৎসা এখন ভেঙ্গে কাজ নেই ।
দেখি যদি আমরাই এর কোন প্রতিবিধান কর্ত্তে পারি । স্বামীর সঙ্গে
পরামর্শ করা যাক ! ঐ যে উনি যাচ্ছেন । প্রভু একবার
এদিকে এস ।

চিরঞ্জীবের প্রবেশ

চিরঞ্জীব । কি রে ডাকছিস না কি ?

মাধুবী । হাঁ একটা কথা আছে ।

চিরঞ্জীব । কথাটা কি খুব দরকারী ?

মাধুবী । ভাবি দরকারী ।

চিরঞ্জীব । তবে এখনি বলে ফেল । আমিও একটা ভারি দরকারী কাজে যাচ্ছি ।

মাধুবী । প্রভুপত্নী কোথায় ?

চিরঞ্জীব । আশ্রমে ।

মাধুবী । কি ক'চ্ছেন ?

চিরঞ্জীব । কি আর ক'র্কেন ? চোখ রগড়াচ্ছেন । সেই পুরোণো গল্প ।

মাধুবী । কোন পুরোণো গল্প ?

চিরঞ্জীব । বুড়োবুড়ির গল্প । জানিস্ নে বুঝি ?—তবে শোন ।

গীত

বুড়োবুড়ী দুজনাতে মনের মিলে স্নেহে থাকত ।

বুড়ী ছিল পরম বৈষ্ণব বুড়ো ছিল ভারি শাক্ত ।

হ'ত যখন বগড়া ঝাটি, হ'ত প্রায়ই লাঠালাঠি ;

ব্যাপার দেখে ছোটোছুটি পাড়ার লোকে পুলিশ ডাকত ।

হঠাৎ একদিন “দুস্তর” ব'লে কোথায় বুড়ো গেল চ'লে ;

বুড়ী তখন বুড়োর জন্তে ক'লে চক্ষু লবণাক্ত ।

শেষে বছর খানিক পরে, বুড়ো ফিরে এলে ঘরে,

বুড়ী তখন রে'ধে বেড়ে তারে ভারি খুসী রাখ'ত ।

ঝগড়া ঝাঁটি গেল থেমে ; মনের মিলে গভীর প্রেমে,
বুড়ী দিত দাঁতে মিশি, বুড়ো গায়ে সাবান মাখত ।

চিরঞ্জীব । আচ্ছা মাধুরী ! আমি একটা ভারি ধোকার প'ড়েছি ।

মাধুরী । কি ধোকা ?

চিরঞ্জীব । ধোকা হ'চ্ছে এই,—তুই কি আমাকে ভালবাসিস ?

মাধুরী । হাঁ, বাসী ।

চিরঞ্জীব । হুঁ দেখে তাই বোধ হয় বটে ।

মাধুরী । তবে আর ধোকা কি ?

চিরঞ্জীব । ঐ ত ধোকা ।—আচ্ছা খুব ভালবাসিস ?

মাধুরী । খুব বাসি ।

চিরঞ্জীব । আমি কিন্তু তোকে কিছু ভালবাসিনা ।

মাধুরী । একদিন বাসবে ।

চিরঞ্জীব । উ হুঁ—বোধ হয় না । [সন্দ্বিগ্নভাবে ঘাড় নাড়িল ।
তোকে আমি কোন রকমেই ভালবাসতে পারিনে ।

মাধুরী । কেন ? আমি জাতিতে গণিকা বোলে ?

চিরঞ্জীব । না তুই জাতিতে জীলোক বোলে ।—তুই অসৎ,
অকিঞ্চিৎকর বংশসামান্ন জীলোক । আমাব মতন একটা প্রকাণ্ড
জানোয়ার তোর মত একটা ক্ষুদ্র মেয়ে মানুষকে ভালবাসতে পারে না ।

মাধুরী । তোমার যেমন ইচ্ছা । তুমি আমার ভালবাস না বাস,
আমি চিরদিন তোমায় ভালবাসবো ।

চিরঞ্জীব । ঐ ত জীলোকের দোষ । বেজায় নাছোড়বন্দ ।

মাধুরী । আচ্ছা সে কথা বাক—প্রভুপত্নীর আশ্রমে সম্প্রতি কিছু
লক্ষ্য ক'রেছো ?

চিরঞ্জীব । ক'রিছি ।

মাধুরী । কি ?

চিরঞ্জীব । সাপ, ব্যাং, টিয়া, বুলবুলি, তেলাপোকা, টিকটিক—

মাধুরী । না না—নতুন কিছু ?

চিরঞ্জীব । হরিণটাও একটা ছানা হ'য়েছে !

মাধুরী । না গো ও সব নয় ! নতুন কোন ব্যক্তি ।

চিরঞ্জীব । ব্যক্তি ?

মাধুরী । হাঁ ।

চিরঞ্জীব । ব্যক্তি ?—কৈ, না ?

মাধুরী । একজন এসেছে ।

চিরঞ্জীব । পুরুষ মানুষ না মেয়ে মানুষ ?

মাধুরী । পুরুষ মানুষ । একজন সুন্দর সুগোব বুবা প্রতাহ
অর্দ্ধবাত্রের আসে, আব প্রভাত্রে চোলে যায় ।

চিরঞ্জীব । বটে ? বটে ? এত রগড় মন্দ নয় ।—কোথা থেকে
আসে আর কোথায় চোলে যায় ?

মাধুরী । দূরে নদীবক্ষে একখান সজ্জিত তবণী দেখ নি ?

চিরঞ্জীব । দেখিছি যেন ।

মাধুরী । সেখান থেকে আসে আবার সেই খানেই চোলে যায় ।

চিরঞ্জীব । বোঝা গেছে । বাবা, চিরঞ্জীব শর্মা এত মূর্থ নয় ।—
যাবে কোথা ? জীজাতির চরিত্র ত, তা রেশমী সাড়ীই পক্কন, আর
গাছের ছালই পক্কন,—জীচরিত্র যাবে কোথা ? যাবে কোথা ?

মাধুরী । এখন তোমায় একটা কাজ ক'র্ত্তে হবে !

চিরঞ্জীব । কি ক'র্ত্তে হবে বল দিখি নি ! আমার যে বকম গায়ে
শক্তি, সেই বকম যদি মাথায় বুদ্ধি থাকত, তা হ'লে বোধ হয় আমি একটা
বুদ্ধিমান লোক হ'তে পার্জাম ।

মাধুরী । ক'ৰ্ত্তে হবে এই—এই লোকটার সন্ধান নিতে হবে । কে সে ? কোথায় তার নিবাস ? তার অভিপ্রায়ই বা কি ?

চিরঞ্জীব । সে কে, আব কোথায় তার নিবাস, তা জানিনে বটে ; কিন্তু তার অভিপ্রায় যে কি তা বেশ টের পাওয়া গেছে । এ রকম অবস্থায় সব পুরুষজাতিব একই রকম অভিপ্রায় হ'য়ে থাকে ।

মাধুরী । সে কাল প্রত্যুষে যখন আশ্রম থেকে বেরিয়ে যাবে, তুমি তার পিছু পিছু যাবে । গিয়ে—

চিরঞ্জীব । তা আমাকে দিয়ে হবে না । আমি পিছু পিছু গিয়ে তাকে ধ'ৰ্ত্তে পারবো না । ধ'ৰ্ত্তে হয় ত সম্মুখ সমরে । [উগ্রভাবাপন্ন]

মাধুরী । না প্রভু । মহাশি গোতমেব পবিত্র আশ্রমে একটা কুকীৰ্ত্তি কোরে কাজ নাই ।

চিরঞ্জীব । হুঁ হুঁ হুঁ হুঁ [হুঙ্কার]

মাধুরী । দোহাই তোমার । এখানে নয় । যুদ্ধ ক'ৰ্ত্তে হয় ত, তপোবনের বাহিৰে গিয়ে । আজ শেষরাত্রে একটু সজাগ থেকো ।

চিবঞ্জীব । আমার ত আজ সমস্ত রাত ঘুম হবে না ।—বেশ বেশ ! সু খবর ! এ বকমে জীবনের একটু বৈচিত্র্য হয় ।

মাধুরী । শতানন্দ কাঁদে কেন ? ঐ যে আসছে ।

রোক্তপ্ৰমান শতানন্দের প্রবেশ

শতানন্দ । দিদি ।

মাধুরী । কি দাদা ?

শতানন্দ । মা আমাকে মেরেছে ।

মাধুরী । কেন ?

শতানন্দ । তা জানি না । আর বলেছে, আজ রাতে আমাকে তার কাছে গুতে দেবে না । [ক্রন্দন]

চিরঞ্জীব । তা যে মা তোকে মারে, তাব কাছে তুই গুতে যাস কেন রে ছোঁড়া ?

মাধুবী । বোঝ না, সে যে প্রাণেব টান ।—চল দাদা আমার সঙ্গে খেলা কর্বে এস । * [মাধুবী শতানন্দকে লইয়া প্রস্থান]

* চিবঞ্জীব । হুঁ হুঁ সাধে কি বলি,—“স্বভাব এবাত্র তথাতিরিচ্যতে ।” যাবে কোথা ! জীচিরিত্র ত—যাবে কোথা ?

জনৈক তাপসের প্রবেশ

চিরঞ্জীব । হুঁ হুঁ হুঁ হুঁ [হুঙ্কার]

তাপস । কি ঠাকুব ! হঠাৎ এত উগ্র যে ?

চিরঞ্জীব । আমাব ক্রোধেব উদয় হ’য়েছে !

তাপস । কেন ?

চিরঞ্জীব । সে খোজে তোর দরকার কিরে বেটা ? [প্রহারোচ্ছত]
বেবো আমার আশ্রম থেকে ।

তাপস । বেরোচ্ছি । একটা স্ন-খবর দিতে এলাম,—

চিরঞ্জীব । স্ন-খবব ? [সাগ্রহে] কি ? কি ?

তাপস । মহাবি গৌতম ফিবে আস্ছেন ।

চিরঞ্জীব । কবে ?

তাপস । এই সপ্তাহখানেকের মধ্যে !

চিরঞ্জীব । কেন ?

তাপস । তাঁদের তপস্তা হোল না । সেখানে রাক্ষসের বিপর্যায় রকম অত্যাচার । বিশ্বামিত্র গিয়াছেন মহারাজ দশরথের কাছে নালিশ ক’র্ত্তে ; আর গৌতম ফিবে আসছেন ।

চিরঞ্জীব । নেহাইৎ অপদার্থ । এই গৌতমটা নেহাইৎ অপদার্থ—
জ্ঞা ছেড়ে থাকতে পারে না আব কি ? বোঝা গেছে । নেহাইৎ অপদার্থ ।

[উভয়ে নিষ্ক্রান্ত]

চতুর্থ দৃশ্য

স্থান—অহল্যার কুটীরভাস্কর । কাল—শেষবাড়ি ।

ইন্দ্র ও অহল্যা

অহল্যা । তুমি ইন্দ্র ? তা জানিলে আগে, কে কবিত

আপন হৃদয়েঋষ তোমাবে মান্নাবী ?

ইন্দ্র । কি দোষ আমার ?

অহল্যা ।

শত দোষ । শুনিয়াছি

তুমি শঠ, বাভিচাবী, লম্পট ।

ইন্দ্র ।

বিশ্বাস

কবিও না সে অখ্যাতি ।

অহল্যা ।

সত্য কোবে বল—

ভালবাস অহল্যাবে ?

ইন্দ্র । [কর ছুটি ধবিয়া] অনিন্দ্যমুন্দরী !

আমাব হৃদয়েঋষি !—নন্দন কাননে

কিশোর মন্দাব পুষ্প বসন্ত সমীবে

ঢালে না সুগন্ধ এত, যে গন্ধ তোমার

অশ্রুটপ্রণয়বাণীমিশ্রিতনিঃশ্বাসে ।

ত্রিদিব ভাঙারে মোর এত সুখা নাই,

ও রক্ত অধরে যত । [চুমন] সজল বিদ্যুৎ

এত স্নিগ্ধতীত্র নহে, তব আলিঙ্গন
যত স্নিগ্ধ প্রিয়তমে ! [আলিঙ্গন]

অহল্যা । সত্য ?

ইন্দ্র । সত্য কথা ।

অহল্যা । হায় যদি পারিতাম করিতে বিশ্বাস
এই বাক্য !

ইন্দ্র । কেন নহে ?

অহল্যা । তব সভাস্থলে
নৃত্য কবে বাবাজ্ঞনা ।

ইন্দ্র । তাহারা নর্ত্তকী,—

প্রণয়িনী নহে ।

অহল্যা । শচী মহিষী তোমার ।

ইন্দ্র । ইন্দ্রাণী মহিষী মাত্র, প্রণয়িনী নহে ।

অহল্যা । [সহসা] না না ফিরে যাও ! এখনো ফিরিতে পার,
এখনো ফিবিতে পারি ! যাহা হইবার
হইয়াছে । জানিবে না কেহ । যাও ফিরে ।

ইন্দ্র । যাইব প্রেমসি কিন্তু সঙ্গে যাবে তুমি ।
চল এইক্ষণ । তীরে সম্ভিজত তরনী ।
চল ।

অহল্যা । না হৃদয়েশ্বর ! কেন কর মোরে
সম্ভিজত গভীর পক্ষে ? গৌতম রমণী
আমি ।

ইন্দ্র । কেন মিথ্যা এ প্রবোধ ! বহুদূর
আসিয়াছ ! আর চাহিও না ফিরে ফিরে ।

এখন অহল্যা। ইন্দ্র অচ্ছেদ্য শৃঙ্খলে
বদ্ধ আমরণ। চল, রাখিব তোমারে
মৰ্ম্মররচিত হস্তো, পুষ্প-সুবাসিত
কনকপালকে। দিব হীরক গঠিত
অলঙ্কার; দাস দাসী। তছপরি আসি
কবিবে চরণ সেবা দেবেন্দ্র আপনি
প্রত্যাহ।

অহল্যা । [কল্পিতস্বরে] শপথ কর, সত্য ভালবাস ?
ইন্দ্র । তথাপি সন্দেহ ? ভালবাসি ? হায় প্রিয়ে !
অধীর আগ্রহ এত, জলন্ত বাসনা,
বুঝ নাই প্রাণেশ্বরী ?—

অহল্যা । —চল বাঁপ দিব
কলঙ্কসমুদ্রে আজি । ফিরে যেতে চাহি
কিন্তু হায়, ফিরিতে সামর্থ্য নাই ! চল ।
—কিন্তু পুত্র শতানন্দ ?

ইন্দ্র । তারে রেখে যাও
লালন করিবে শিশ্যদম্পতী তাহারে ।
— এখনো রজনী আছে । চল ।

অহল্যা । কোথা যাব ?

ইন্দ্র । স্বর্গে ।

অহম্মা । না না স্বর্গে নহে ।

ইন্দ্র । কেন প্রাণেশ্বরী ?

অহল্যা । জিজ্ঞাসিছ “কেন ?” নিত্য লজ্জায় রক্তিম
হইব না,—পথে ঘাটে ত্রিদিবে যখন

অঙ্গুলি বাঁড়ায় মোরে কহিবে সকল
 দিব্যাজ্ঞনা—“ওই ভ্রষ্টা গৌতমরমণী ?”
 ইন্দ্র । দিব বাধি নিভৃত নিলয়ে, দুবে । কেহ
 জানিবে না ।

অহল্যা । না বলভ ! তার চেয়ে চল—
 কোনো দ্বন্দ্ব নিরাণয় দ্বীপে, উপকূলে,
 অথবা পর্বতশৃঙ্গে,—পশেনি যেখানে
 মনুষ্য নিঃশ্বাস ; নাহি পশিবে শ্রবণে
 আপন অত্যাতিগাথা ; যেখানে ভুঞ্জিব
 পবম্পবে নিত্যচিবঅতৃপ্তবিলাসে
 অলক্ষ্যে নিভৃতে স্নেহে । সেখানে বুঝিব
 বিশ্ব জনশূন্য, শুদ্ধ তুমি আমি আছি ।
 ভাসায় যাইব যুগে যুগে নিববধি
 ক্ষুদ্র মিলনের তরী, অকুল গভীর
 প্রেমের সমুদ্রে, তাব গাঢ় স্বচ্ছ নীল
 ফেনিল হিলোলে ।

ইন্দ্র । অহ্যাত্ম্য ! চল যাই
 এ মুহূর্তে । শতানন্দ স্তম্ভ । অরণ্যানী
 নিম্পন্দ নীরব !

অহল্যা । বৃষ্টি পড়িতেছে ।

ইন্দ্র । শুভ ।

রজনীর অন্ধকাবে শীকরশীতল
 নিস্তব্ধ প্রহরে, মৃতবৎ অচেতন
 যুমানি নিখিল বিশ্ব । শীঘ্র এস ।

অহল্যা । চল ।

শতানন্দ । মা ! মা !

অহল্যা । জাগিয়াছে পুত্র ।

ইন্দ্র । প'ড়েছে ঘুমায়

আবার বালক ! চল এইক্ষণে । বিলম্ব কি !

অহল্যা । চল তবে ।

শতানন্দ । মা ! মা কোথা !

ইন্দ্র । স্থিব হ', বালক ।—

অহল্যা থামাও পুত্রে । নহিলে নিষ্ফল

করিবে এ আয়োজন ।

অহল্যা । থাম্ শতানন্দ ।

শতানন্দ । মা ও কে ? মা বাও কোথা ?

ইন্দ্র । বিফল করিল

এত আয়োজন ওই হতভাগ্য শিশু ।

অহল্যা । কি করিব ?

শতানন্দ । মা—মা ক্ষুধা—

ইন্দ্র । কব কণ্ঠবোধ ।

শতানন্দ । মা ক্ষুধা—

অহল্যা । আবার ?—তবে দিতেছি মিটায়

চিরজীবনের ক্ষুধা । [গিয়া শিশুর কণ্ঠরোধ]

ইন্দ্র । স্তব্ধ হইয়াছে

পাপাত্মা জন্মের তরে । শীঘ্র চ'লে এসো ।

অহল্যা । একি ! করিলাম হত্যা আপন সন্তানে ?

ইন্দ্র । বাহিরে ডাকিছে কাক । এসো [বহির্গমন]

অহল্যা ।

চল যাই—

বুঝিয়াছি । তবে আমি নাথিয়া এসেছি
নরকরাজত্বে ! তবে বিদায়—বিশ্বাস,
নির্ভর, মমতা, পুণ্য ।—আম্ন নেমে আম্ন
পাপেব করাল রাজ্য প্রগাঢ় তিমিবে ! [প্রস্থানোত্তত]

মাধুবীর প্রবেশ

মাধুরী । শতানন্দ কাদে কেন ?—প্রভুপত্নী তুমি
এ বেণে ? কোথায় যাত্রা করিছ প্রত্যাষে ?

অহল্যা । ধরা পড়িয়াছি ।

ইন্দ্র । [বাহিরে]—এসো শীঘ্র চোলে এসো । [বাহিরে শব্দ]

ইন্দ্রকে ধরিয়া চিরঞ্জীবের প্রবেশ

চিরঞ্জীব । তবে পলাতক যাবে কোথা ?

ইন্দ্র । ছাড় জীব !

প্রাণে যদি মায়া থাকে ।

চিরঞ্জীব । হাঁ চন্দ্রবদন !

[উভয়ে যুদ্ধ । চিরঞ্জীবের প্রতি ইন্দ্রের বজ্রাঘি নিক্ষেপ ও
চিরঞ্জীবের পতন]

অহল্যা । একি একি ।

ইন্দ্র । শীঘ্র চোলে এসো প্রাণেশ্বর ।

[অহল্যার হস্ত ধরিয়া আকর্ষণ করিয়া নিষ্ক্রমণ]

তৃতীয় অঙ্ক

প্রথম দৃশ্য

স্থান—জনকেব প্রাসাদ-কক্ষ । কাল—প্রভাত

জনক, গৌতম, চিরঞ্জীব, শতানন্দ

গৌতম প্রবাস হইতে ফিরি' বন্ধু দেখিলাম—
আশ্রম কুটীব জনশূন্য । নিরুদ্দেশ
অহল্যা প্রেমসী । মৌন আনন্দ বিবাদে
আমার কুটীব চূড়া ; কুটীর-প্রাঙ্গণে
শষ্প গুল্ম তাহাদেব রাজ্য পুর্বাতন
কবিতেছে অধিকাব ।

চরিতেছে যুঘু !

গৌতম সন্নিহিত নিম্ববৃক্ষশিখবে বাহুড়
রহিয়াছে নীড় । বন নিস্তরু, মলিন ।
আশ্রমে প্রবেশমাত্র উঠিল চীৎকারি'
বিরাট পেচক এক ! বাহিরিয়া গেল
দেখিয়া আমারে । ডাকিলাম চীৎকারিয়া
“অহল্যা”—উত্তর দিল “অহল্যা” স্বদূর

বনপ্রতিধ্বনি উপহাসি' । বাহিরিয়া
আসিল তখন শিষ্যা মাধুবী । কহিল
কেহ সে আশ্রমে নাই । শিষ্য চিবঞ্জীব
আহত কুটাবে । শতানন্দ প্রিয়তম
পরিত্যক্ত মৃতবৎ, বাঁচিয়াছে বহু

• শুশ্রূষায় ! নিরুদ্ধেণ অহল্যা ।

জনক । কবিলে

অন্বেষণ গৌতমীর ?

চিবঞ্জীব । বহু অন্বেষণ,

বন হ'তে বনান্তরে । কোনই সন্ধান
মিলিল না ।

জনক । তার পর ?

চিরঞ্জীব । কহিলাম আমি

সঙ্গীক সংসার যদি না কবিতে পাবো
কেন এই বিড়ম্বনা—উদ্ধাহবন্ধন ?

গৌতম । সত্য চিরঞ্জীব ।

চিরঞ্জীব । প্রভু গুনিলেন যবে,

অহল্যা উড্ডীর্ণমান লম্পটের সনে ।

কহিলেন “অসম্ভব” । কহিলাম আমি

“এ শাস্ত্রসঙ্গত প্রভু—প্রোষিত-ভর্তৃকা

দোষ নাই”—তবে কিস্ত রাজর্ষি ! লম্পট

কিছু ছুড়িয়া মারিল আমারে নাহি জানি ।

অদ্বুত সে প্রহরণ অগ্নিসম তেজে ।

গৌতম । রাজর্ষি ! জীবনে আর অমুরাগ নাই—

সংসারে প্রবৃত্তি নাই । চলিলাম আজি
ছাড়ি' বনগ্রাম শিষ্যদম্পতীর সনে ।

জনক । কোথা যাবে প্রিয়বর ?

গৌতম । সুদূর কৈলাসে
শুনিয়াছি সে পৰ্ব্বত অতি মনোহর,
অতীব নির্জন ! দিব সকল কামনা
সকল সাধনা চিন্তা একান্ত আগ্রহে
বিশ্বনিয়ন্তার পদে ।

জনক । নিজ তপোবনে
কর না তপস্বী ?

গৌতম । পারিব না প্রিয়বর !
সুখস্বতীময় মম রম্য তপোবন
সতত জাগায়ে দিবে অতীত কাহিনী ।

জনক । বড়ই কল্পণ বার্তা ।

গৌতম । বুঝি এ বেদনা
বিভূব মঙ্গল বিধি । ভুলিয়াছিলাম
বিশ্বেশ্বরে এত দিন, মায়াময় জড়িত,
আত্মসুখবত । বুঝি দয়াময় প্রভু
ছিন্ন কবি' সে বন্ধন লইলেন টানি'
আমাবে তাঁহার পানে !—ধন্য বিশ্বপতি ?
তোমার মঙ্গল ইচ্ছা পূর্ণ হোক ।

[উদ্দেশ্যে প্রণাম]

—সখে !

বালকে, জীবনাধিক পুত্রে, সমর্পণ

করিলাম তব করে, রাজর্ষি ! দেখিও ।

জনক । পুত্রবৎ করিব লালন ।

গৌতম । প্রাণাধিক !

শতানন্দ ! চলিলাম । বুঝি আমি তোরা
বড়ই নিষ্ঠুর পিতা ! আশৈশব তুই
পিতৃমাতৃমেহস্বখে বঞ্চিত । ছাড়িয়া
গিয়াছে জননী তোরা ! আমিও নির্দম
চলিলাম ছাড়ি' । বৎস চলিলাম ! কভু
আমাবে করিস্ মনে । না, না, ভুলে যাস্,
ফেলে দিস্ বন্ধ হ'তে টানি' উপাড়িয়া
নিষ্ঠুরজনকস্মৃতি । ভাবিস্ বালক,
তাই পিতৃমাতৃহীন । [চুশন]

গেলাম রাখিয়া

অভিন্নজন্মদয়বন্ধু তোমাব আশ্রয়ে ।

চলিলাম বৎস ! [চুশন] বন্ধু দেখিও বালকে !

অসহায় শিশু—আর কি বলিব—তুমি

জান সব । প্রিয়বর দেখিও । আমার

প্রাণের অধিক শতানন্দ সুদর্শন !

চলিলাম বৎস ! [চুশন] রাজর্ষি করিও ক্ষমা

দুর্ভাগ্য অক্ষম বৃদ্ধ গৌতমে !

জনক ।

জানি না,

তোমার এ ভাগ্য কেন ? অথবা স্মৃৎ

এই তীব্র যন্ত্রণায় কিনিতেছ তুমি

অনন্ত অক্ষয় পুণ্য

গৌতম । চললাম তবে ।

চিরঞ্জীব । “চললাম” “চললাম” এক শত বার
করার সদৰ্শ বুঝি, প্রভু যাইবার
ইচ্ছা নাই ? কে মাথার দিব্য দিয়া তবে
কহিয়াছে “যাও যাও” ।— থাকো না এখানে ?

গৌতম । না না চিবঞ্জীব চল ! মাধুবী কোথায় ?

চিরঞ্জীব । করিছে ক্রন্দন বহির্দ্বাবে ! চিবকাল
জীজ্ঞাতির প্রিয়কার্য্য ।

গৌতম । তবে বৎস যাই !

যাই বন্ধু !

জনক । এস প্রিয়বর !

গৌতম । একবার

আর একবার চুম্বি । বৎস প্রাণাধিক !

একটি চুম্বন তুই দিবি না পিতাবে ?

[শতানন্দ চুম্বন করিল]

গৌতম । একবার “বাবা” বোলে ডাক্, শুনে যাই !

শতানন্দ । বাবা ! বাবা !

গৌতম । না যাইতে পারিব না আমি ।

রহিব সংসারী ।

চিরঞ্জীব । তাহা পূৰ্ব্ব হ’তে জানি । [বসিল]

গৌতম । হা অবোধ ! হা নিষ্ঠুর ! বালক ! বালক !

কেন ডাকিলি ও তোর মধুমাখা স্বরে ?

কোথায় যাইব ?—বৎস প্রিয় প্রাণাধিক !

কি করিলি তুই ?—না না থাক্—যাই, যাই ।

বালক ! মায়াবী শিশু ! কে তুই ? কেহ না ।

[সবেগে প্রস্থান]

চিবঞ্জীব । একপ ব্যাপাব কিন্তু কভু দেখি নাই [প্রস্থান]

জনক । গৌতম তোমার নাহি তুলনা জগতে !

বৎস শতানন্দ ! চল যাই অন্তঃপুরে । [নিজ্জান্স]

দ্বিতীয় দৃশ্য

স্থান—রাজ্য দশরথের সভাকক্ষ । কাল—প্রত্যাত ।

দশরথ, বিশ্বামিত্র, বশিষ্ঠ, রাম ও লক্ষ্মণ

বিশ্বামিত্র । দাও মহারাজ পুত্রদ্বয়ে ! পুনবার
যাজ্ঞা কবি ।

দশরথ । বুঝিব কি অমিতপ্রভাব
বিশ্বামিত্র মহর্ষি অক্ষম নিবারিতে
বাক্সের অত্যাচার ?

বিশ্বামিত্র । ব্রাহ্মণ যতপি
করিবে সমব, ছাড়ি' ভপস্থা অর্চনা,
কোন্ কৰ্ম্ম ক্ষত্রিয়ের ?

দশরথ । সত্য কথা, প্রভু ;
দিতেছি সেনানী কিম্বা আপনি যাইব
বধিব রাক্ষসে যুদ্ধে । উহারা বালক ;
কিরূপে যুঝিবে দুর্দান্ত রাক্ষস সহ ?
ক্ষমা কর ।

বিশ্বামিত্র । নরপতি ! ক্ষত্রিয় ভূপতি
কাতর সমরক্ষেত্রে পুত্রে পাঠাইতে ?
উত্তম ক্ষত্রিয় তুমি ?

দশরথ । উহারা বালক ।

বিশ্বামিত্র । বাবস্থার এক কথা—“উহারা বালক !”
জানো না কি দশরথ, যে দিন ক্ষত্রিয়
সক্ষম ধরিতে অস্ত্র, সে দিন হইতে
যুদ্ধই ব্যবসা তার, যুদ্ধই কামনা,
যুদ্ধ চিন্তা জাগ্রতে নিদ্রায় ।

দশরথ । শিশুদ্বয়

অস্ত্রবিশারদ নহে মহর্ষি—

বিশ্বামিত্র । —হা ধিক্ !

“ক্ষত্রিয় দ্বাদশবর্ষ বয়সে অক্ষম,
অশিক্ষিত যুদ্ধশাস্ত্রে”—এ কথা বলিতে
হইল না অপমানে কুক্ষিত রসনা,
রক্তিম কপোল ? যদি সমরে অক্ষম,
হইবে নিহত যুদ্ধে । কি করিব ? যদি
সমবে অক্ষম, তবু ক্ষত্রিয় ইহারা,
আশা করি ভীক্ নহে ।

দশরথ । জানো ঋষিবর !

বহু তপস্তাব ধন এই পুত্রদ্বয় ।

বিশ্বামিত্র । রাখো নরপতি অনুনাসিকা কাকুতি,
দিবে কি না দিবে ?

বশিষ্ঠ । পূর্ণ কর নরপতি—

ঋষির প্রার্থনা যবে মহর্ষি সহায়
ভয় নাই ।

দশরথ

গুরুদেব ! তবে তাই হোক ।

নিয়ে যাও পুত্রদ্বয়ে মুনিবব । আজি

তোমার আশ্রয়ে প্রভু দিলাম সঁপিয়া

*প্রাণাধিক শ্রীরাম লক্ষ্মণে ।—নিয়ে যাও ।

বিশ্বামিত্র । কৃতার্থ, ভূপতি !—সত্য কথা, মহাবাজ

জানি শিশুদ্বয় নহে শত্রুবিশারদ

অতিরিক্ত পিতৃস্নেহে । ভৎসিয়াছি তাই

তোমাতে এক্ষণে । করিতেছ অবহেলা

অন্মায় বাৎসল্যে পিতৃ-কর্তব্যে ভূপতি !

আসিয়াছিলাম, সত্য, চাহিতে তোমার,

সেনানীসাহায্য ; কিন্তু দেখিলাম আসি',

অশিক্ষিত যোগ্য তব রাজপুত্রদ্বয় ;

যুদ্ধ বিনা যুদ্ধশিক্ষা অসম্ভব । তাই

চাহিতেছি শ্রীরাম লক্ষ্মণে । চিন্তা নাই ;

আমি শিক্ষা দিব, আমি বহিব নিকটে ।

তাহারা পিতার বন্ধে ফিরিবে কুশলে ।

দশরথ

তাই হোক ঋষিবর ! [স্বগতঃ] তথাপি রহিল

ভরত শত্রুয় । ভাগ্যবশে সভাস্থলে

তাহারা অনুপস্থিত । ঋষির অজ্ঞাত

তাহাদের অস্তিত্ব । [প্রকাশ্যে] মহর্ষি ! তাই হোক ।

[সকলে নিভ্রাস্ত]

তৃতীয় দৃশ্য

স্থান—বনাভ্যন্তরস্থ পথ । কাল—গোধূলি ।

চিরঞ্জীব ও মাধুরী

চিরঞ্জীব । তুই আমাব সঙ্গ ছাড়'বিনে ?

মাধুরী । না প্রভু ।

চিরঞ্জীবের গীত ।

হায় রে সংসার সবই অসাব, বিধির মহাচুক ।

অস্তির চাইতে নাস্তি বেশী, সৃষ্টির চাইতে শূন্য ।

বস্তা বস্তা পাপের মধ্যে কতটুকু পুণ্য ॥

আলোর চাইতে আঁধার বেশী, স্থলের চাইতে সিন্ধু ।

মহামৃত্যুর মধ্যে জন্ম কতটুকু বিন্দু ॥

সত্যের চাইতে মিথ্যা বেশী, ধর্মের চাইতে তন্ত্র ।

ভক্তির চাইতে কীর্তন বেশী, পূজার চাইতে মন্ত্র ॥

ফুলের চাইতে পত্র বেশী, মণির চাইতে কর্দম ।

স্বপ্ন ক্ষান্তির পরেই ভাষ্যার তর্জজন গর্জজন হর্দম ।

তুই ফিরে যা, এখনো বল'ছি ।

মাধুরী । কেন আমি তোমার কি অনিষ্ট ক'ছি ?

চিরঞ্জীব । অনিষ্ট ?—সমূহ অনিষ্ট । তুই ক্রমাগত আমাব পায়ে জড়িয়ে যাচ্ছিস্ । ফিবে যা ! যাবি নে ?

মাধুরী । না ।

[চিরঞ্জীবের হতাশভাবে দীর্ঘশ্বাস ও পুনরায় গীত]

ব্রহ্মার চাইতে বিষ্ণু বড়, ব্রহ্মার থলি ফর্সা ।
 বিষ্ণুর কাছে কিন্তু আজো রাখি কিঞ্চিৎ ভরসা ॥
 ভক্তার চাইতে ভার্য্যা বড়, ভক্তা বাড়ীর কর্তা ।
 কিন্তু রক্ষনাদি কার্য্যে ভার্য্যা ভক্তার ভর্তা ॥
 শক্তির চাইতে ভক্তি বড়, শক্তের নিজের শক্তি ।
 ভক্তের জগৎ শক্তি যোগান মহন্তর ব্যক্তি ॥
 পত্নীর চাইতে শ্যালী বড়, যে স্ত্রীর নাইক ভগ্না ।
 সে স্ত্রী পরিত্যাজ্য, ও তার কপালেতে অগ্নি ॥

তবু গেলি নে ? কথা শুনিম্ নে কেন ? ঐ ত তোব দোষ ।

মাধুরী । ঐ আদেশটি কোরো না প্রভু ! তুমি আমার স্বামী, আমি তোমার স্ত্রী । যেখানে তোমাব গতি, সেখানে আমার গতি । শাস্ত্রে বলে স্ত্রী ছায়ায় মত পতির অনুগমন কোর্বে ।

চিরঞ্জীব । তা হ'লে বলতে হবে যে শাস্ত্র অনুসারে পতির অবস্থাটা ভয়ঙ্কর শোচনীয় । যেখানে যাবে, সঙ্গে সঙ্গে পাহারা ?—একটু নিরবিলি নেই ? পতি এমনই কি পূর্বজন্মে পাপ ক'বেছিল ? এখনো ফিরে যা ! নৈলে ভাল হবে না বলছি । যাবি নে ?

মাধুরী । না !

চিরঞ্জীবের গীত

বাহুর চাইতে পৃষ্ঠ ভালো, ক্রোধের চাইতে ক্রন্দন ।
 দাস্ত্রের চাইতে অনেক ভালো গলে রজ্জুবন্ধন ॥

মুক্ত শত্রু বরং ভাল, নয় তা ভণ্ড মিত্র ।
 আসল প্রেমের চেয়ে ভাল কাব্যে প্রেমের চিত্র ।
 গুপ্ত প্রেমের পরিণামে আছেই আছে শাস্তি ।
 বিবাহ যে করে, মূর্থ সে যৎপরোনাস্তি ॥
 পত্নীর চাইতে কুমীর ভালো, বলে সর্বশাস্ত্রী ।
 কুমীর ধ'লে ছাড়ে তবু, ধ'লে ছাড়ে না স্ত্রী ॥

স্বাঃ তুই যে ভূতের মত আমাব ঘাড়ে চেপেই রৈলি ? যদি ফিরে না
 যাস্ ত তোকে এই জায়গায় গলাটিপে ধোবে মেরে ফেলে পুঁতে রেখে
 যাবো । গৌতম অনেক আগিয়ে । সন্ধ্যা হ'য়ে এয়েছে । রাস্তা জনশূন্য ।

মাধুরী । আমি এমনই কি অপরাধ ক'রিছি ?

চিরঞ্জীব । তুই পিশাচী ডাইনী । তোর স্নেহে, তোর আগ্রহে,
 তোর সেবায়, দিবাবাত্র আমাকে জড়াবাব চেষ্টায় আছি। আমাকে
 দাছ ক'চ্ছি, মজ্জ ক'চ্ছি । আমাব সর্বনাশ হবার যোগাড় হ'চ্ছে ।
 মধ্যে মধ্যে মনে হয় যে আমি তোকে একটু একটু ভালবাসি । কৈ
 আগে তো বাস্‌তাম না ?

মাধুবী । তা ভালবাসলেই বা । স্ত্রীকে স্বামী ভাল বাস্‌বে, ইতে
 দোষ কি ?

চিরঞ্জীব । আবাব তর্ক ক'র্ত্তে আবস্ত ক'ল্লে ।—ফিরে যাবি নে ?

মাধুরী । না ।

চিরঞ্জীব । ওরে মস্ত বাঘ খেলেবে—

[মাধুরীকে ধাক্কা দিয়া ফেলিয়া দৌড়িয়া পলায়ন]

চতুর্থ দৃশ্য

স্থান—কৈলাস-শিখর । কাল—সন্ধ্যা ।

অহল্যা একাকিনী

অহল্যা । ব্রহ্মলোকে বহু স্থানে !—পুরে, জনপদে,
ক্ষেত্রে, কুঞ্জে, উপবনে, পর্বতশিখরে ।
কিস্তি স্মৃতি !—কোথা স্মৃতি ?—হৃদয় ভেদিয়া
নিত্য উঠে এক মর্ম্মভেদী দীর্ঘশ্বাস ।
আকুল অধীর চিত্ত অনন্ত বিষাদে
ছেয়ে আসে । মিলনেব তীব্র সুবাপানে,
ক্ষণেক ভুলিয়া থাকি এ তীক্ষ্ণ বজ্রণা ।
আবার জাগিয়া উঠে থাকিয়া থাকিয়া
পাপের বিরাট মূর্ত্তি ।—চাহিয়া সহসা
দেখি এক ভীম গর্ভ—যাব তল নাই,
যার মধ্যে আলো নাই, শব্দ নাই ; যার
করাল ব্যাদান আছে নিত্য নিবস্তব
আমারে কবিতে গ্রাস ।

এই পবিণাম !

এই জন্ত কবিয়াছি ঘৃণ্য ব্যভিচার,
পুল হত্যা, আমি পাতকিনী । কর্ণে বাজে—
আজিও সে অস্তিম ক্রন্দন । “মা মা”—এ কি—
ডাকিলি আমারে পুল ! না, এ প্রতিধ্বনি !
এ কল্লনা ।

কল্লনা ? না এ কল্লনা নহে ;—

এ কল্লনা নহে ।—পৃথিবীর গর্ভ হ’তে

আকাশের প্রাস্ত হ'তে, আসে এ ক্রন্দন ।

দিবার প্রথর দীপ্তি সমাচ্ছন্ন করি' ;

গাঢ়তর করি' গাঢ় নৈশ অন্ধকার ;

ছাপিয়া, কর্কশ করি, সঙ্গীত সুস্বব ;

পর্বত বিদীর্ণ করি ; শূন্য ভিন্ন করি ;—

উঠে সে ক্রন্দন ।—সেই করুণ কাতর

রুদ্ধ শব্দ, হস্ত তুলি' নৌবব কাকুতি ;—

জননীর কাছে সম্মানেব হস্ত তুলি'

নিঃফল জীবন-ভিক্ষা ।—অহো জগদীশ !

এত অন্ধ হয় নারী ; এতই নির্মম

হয় মাতা, পড়িলে কামেব প্রলোভনে ?

—আবার ডাকিলি পুল ? এই যাই ।—আজি

কবিব সে পাপ ধৌত আপন শোণিতে ।

এই যে ছুবিকা । দোণ্ড, শাণিত, স্তম্ভর,

ক্ষুদ্র অস্ত্র !—এত ক্ষুদ্র এত ভয়ঙ্কর !

মধুব প্রণয়ীসম আজি এস নেমে

বক্ষের ভিতরে প্রিয়তম !—পান কব

অহল্যার তপ্ত রক্ত ; বিশ্বপৃষ্ঠ হ'তে

মুছে দাও অহল্যার নাম !—শতানন্দ

আবার ডাকিলি ? যাই, দাঁড়া, এই যাই—

[বক্ষে ছুরিকাঘাত করিতে উদ্ভূত । পশ্চাৎ হইতে মদন আসিয়া

তাঁহার হস্ত ধরিল]

অহল্যা । কে তুমি ?

মদন । ক্রমিও দেবি ! তব পদতলে

রাখিলাম অস্ত্র এই । পরিবর্তে তার
ধর এই স্বেদাপাত্র পূর্ণ বিষাদবে !

বতিব প্রবেশ

রতি । কি কবিছ মূঢ় নারী ! এ বসন্ত কাল ;
এমন বাতাস ; ওই স্বচ্ছ নীলাশ্বরে
পূর্ণ চন্দ্র ; এ পুষ্পিত কুঞ্জ ;— একি সখি,
আত্মহত্যা কবিরূপ উপযুক্ত স্থান,
উপযুক্ত কাল ? ছি ছি !!

হাঁ যখন নামে

ধূসর আকাশ হ'তে চূর্ণ বাবিকণা,—
সূর্যালোকহীন এক পঙ্কিল দিবস ;
গতময় অপরাহ্ন ; ডাকে না কোকিল ;
দীর্ঘশ্বাস ফেলে উষ্ণ সজল বাতাস ;
শূণ্য মাঠ, ক্ষেত্রে জল, রাস্তায় কদম ;
—হাঁ তখন আত্মহত্যা কব, ক্ষতি নাই ;
অন্ততঃ সে এত ক্লান্ত এত বিসদৃশ
ঠেকে না কাহার চক্ষে

মদন ।

এ বসন্ত কাল,

এ সৌন্দর্য্যরাশি, আর এ ভবা যৌবন,
এর সঙ্গে আত্মহত্যা ?—একি শোভা পায় ?
একি সহ্য হয় ?—এ যে খাঁটি হস্তবস—
একান্ত অভদ্র কাজ !

রতি

এ মরণ সখি—

আছেই ত এক দিন । আপনিই আসে, ।

ডাকিতে হয় না । কতটুকু এ জীবন ?

কেন, কিবা প্রয়োজন, সংক্ষিপ্ত করিয়া

স্বতঃই সংক্ষিপ্ত বস্তু ? যত দিন প্রাণ,

সম্ভোগ করিয়া লও, যেকল্প সম্ভব ।

অহল্যা । সত্য কহিয়াছ বন্ধু, সত্য কহিয়াছ

প্রিয় সখি ! দাও সুরা—যাই, জলে' যাই—

দাও সুরা । নিভাই এ তীব্র তীক্ষ্ণ জ্বালা । [সুরাপান]

আবাব ! [পান] আবাব ! [পান] সত্য কহিয়াছ সখি

“সম্ভোগ করিয়া লও ।” পবে ? তার পবে ?—

যা হবার হবে । সম্ভোগ কবিয়া লও ।

—আবার ডাকিল শতানন্দ ? যা যা তুই

মুচু শিশু । পুত্র ? কোথা পুত্র ?—পুত্র নাই

কখন ছিল না পুত্র ; কে বলিবে আমি

করিয়াছি পুত্রহত্যা । করি নাই । ঢালো

আবার মদিবা ; পান কব [পান] নাচো, গাও—

মদন ও বতির গীত ;

ফুল ফুটেছে, চাঁদ উঠেছে, আসুছে ভেসে মলয় বায় ।

সাদা সাদা মেঘগুলি ঐ যাচ্ছে ভেসে নীলিমায় ॥

বনের মধ্যে কোকিল পাখী, থেকে থেকে উঠছে ডাকি

শিরীষ আত্ম মুকুল গন্ধ ভেসে ভেসে আসুছে তায় ।

এমন দিনে, এমন বায়ে, এমন সময়, এমন ঠায়ে,

আপন মনের মানুষ বিনা প্রাণ ধোরে কি থাকা যায় ॥

অহল্যা । অভ্যন্তম ! অভ্যন্তম ! আহা মরি মরি !

প্রাণেশ্বর ! কোথা প্রাণেশ্বর ! এনে দাও

বল্লভে মদন ; বক্ষে জাগিছে লাগসা ।

যাও ডেকে আনো তাঁরে, যাও রতিপতি—

ইন্দ্রের প্রবেশ

অহল্যা । [সাগ্রহে] কোথা ছিলে এতক্ষণ ছাড়ি' অহল্যাবে

নিষ্ঠুব প্রণয়ী ! এস পার্শ্বে প্রিয়বর !

কেন এত চিন্তাকুল আজি ?

ইন্দ্র ।

নাহি জানি ।

অহল্যা । চিন্তা কর দূব ! আমি নিকটে তোমার,

তথাপি মলিন মুখ ? দেখ, কি সুন্দর

হাসিছে পুনিমা জ্যোৎস্না ! মনে পড়ে প্রিয়

সেই দিন ?

ইন্দ্র ।

কোন্ দিন ?

অহল্যা ।

যে দিন প্রথমে

তুমি আসি' দাঁড়াইলে, হে সুন্দর পাপ !

নেত্রপথে অহল্যাব । ঠিক ওই থানে,

ওই শাস্ত গুত্র চন্দ্র স্বচ্ছ নীলাবরে ;

একটি ভাস্বর তাবা চন্দ্রমাব পাশে ;

এইরূপ শ্রামলা ধরণী ; এইরূপ

বহিতেছিল সুন্দর মধুব উচ্ছ্বাসে

স্নিগ্ধ বসন্তেব বায়ু ; এইরূপ দূবে—

ইন্দ্র ।

থাক্ সে দিনের কথা । বলিতে এসেছি

নিদারুণ বার্তা এক ।

অহল্যা । কি ? সমাচার ?

ইন্দ্র ।

অহল্যা যাইতে হবে আমারে এক্ষণি ।

অহল্যা ।

কি বলিছ ?

করিছ কাহার নাম ? সেই পুণ্য নাম
 আমাদের মধ্যে করিও না উচ্চারণ ;
 সে পবিত্র নাম ওই পঙ্কিলনিঃস্বাসে
 করিও না কলুষিত । সংজ্ঞা হারাইব,
 ক্ষিপ্ত হ'য়ে যাব ।—ধবি চরণে তোমার,—
 ভিক্ষা মাগি—শুদ্ধ করিও না উচ্চারণ
 সেই নাম ।—ফিরে যাব তাঁর আলিঙ্গনে ?
 সত্য ?—ধন্য দেবরাজ !—ধন্য বিবেচনা !
 কিকূপে कहিলে এই হাস্তকর বাণী ?
 লম্পটের পাপস্পর্শ হ'তে নিঃসঙ্কোচে
 ফিরে যাব মহর্ষির পুণ্য আলিঙ্গনে ?
 ধরিব সে মহর্ষির পবিত্র জিহ্বায়
 তোমার উচ্ছিষ্ট বারি ?—জানো না ?—যে দিন
 ছাড়িয়াছি পুণ্যাশ্রম ঘৃণ্য অভিপ্রায়ে,
 সেই দিন ছাড়িয়াছি সে আশ্রম পুনঃ
 স্পর্শ করিবার স্বত্ব ? যেই দিন পাপ
 লম্পটের সনে নামিয়াছি স্নগভীর
 নরকগহ্বরে, সেই দিন পরিত্যাগ
 করিয়াছি, স্বর্গ প্রবেশের অধিকার ।—

ইন্দ্র । অহল্যা, অহল্যা, শুন—

অহল্যা ।

—সেই দিন হ'তে,

সে নরকে, আমরণ তুমিই আমার
 সর্বস্ব, হৃদয়েশ্বর, জীবনবল্লভ ।

আপনাকে ঘৃণা করি, তব সহবাসে—
সহস্র ধিক্কার দিই,—তথাপি, তথাপি,
তোমাতেই বাসিয়াছি ভাল ; ভালবাসি ;
জীবনে মরণে তুমি মোব প্রাণেশ্বর ।

ইন্দ্র অহল্যা এ বৃথা যুক্তি ! আমি স্বর্গপতি
দেবেন্দ্র ; মানবী তুমি । প্রেম কি সম্ভবে
তোমাব আমার মণ্যে ?

অহল্যা যদি না সম্ভবে,
কেন ভুলাইলে কুলবধু ? কেন তবে
শাস্ত পুণ্যাশ্রম হ'তে টানিয়া আনিলে ?
ছিলাম আপন ক্ষুদ্র স্মৃৎ দ্রুৎ ল'য়ে ।
কেন দেখা দিলে তুমি পুণিমাফিবণে,
কোকিল বাক্যারে, স্নিগ্ধ সাক্ষ্য সমীরণে,
কেন ভুলাইলে গোবে ষড়যন্ত্র ক'রি ?
কাঁদ পাতি' ধরিলে এ বস্ত্র হরিণীবে ?
আদর কবিয়া গাত্রে হস্ত বুলাইয়া
হৃদিন, তাহার পরে তার গলদেশে
বসাইতে ছুরি ?

ইন্দ্র । অতি নিষ্ফল প্রলাপ !—

অহল্যা ফিরিয়া যাও ।

অহল্যা । [ক্ষণেক চিন্তা করিয়া] শোনো প্রিয়তম !
কিছু বলিবার আছে [হস্তধারণ]

ইন্দ্র । ছাড়ো,—হস্ত ছাড়ো !

অহল্যা এতদূর ? যাও তবে নির্ধম নির্ভুর !

যাও স্বর্গে ফিরি'।—ভুলে যাও অহল্যারে ।
 না দেবেজ্জ ! পারিবে না ভুলিতে তাহারে ।
 তাও স্বর্গে ফিরি' । কিন্তু জানিও সুরেশ
 রহিবে আমার স্মৃতি মিশিয়া তোমার
 হৃদয়শোণিতে চিরদিন । যাও, যাও,—
 আহারে নিদ্রায় যেন শিহবিয়া উঠ
 দোখয়া ভৈরবী ছায়া আমাব প্রত্যহ ;
 যাও স্বর্গে ফিবি' । আমি রহিব তোমার
 অনন্ত দুঃস্বপ্ন সম অনন্ত জীবনে ।

ইন্দ্র । উত্তম অহল্যা ! তবে যাই [প্রস্থানোত্তত]

অহল্যা । [সহসা ধবিয়া পদতলে পড়িয়া] কোথা যাও !

যাইও না প্রিয় ! এখনো যুবতী আমি ;
 দশ বর্ষ ধরি' পান করিয়াছ বটে
 এ রূপের তীব্রসুখা ; পাঞ্জে চেয়ে দেখ
 আবো আছে । আবো দিতে পারি । দেখ চেয়ে
 এই ঘন দীর্ঘ কেশগুচ্ছ ; এই গুল্ল
 কুন্দ দস্তপাতি ; এই সুগোল স্তন্য
 তরী দেহলতা ; এই লালসা-বিহ্বল
 আকর্ণ-বিশ্রান্ত চক্ষু ; রক্ত-বিন্যাস ;
 পীন-বক্ষ,—যত চাহ দিব, যত চাহ
 পান কব ।—যাইও না ।

ইন্দ্র ।

নিষ্ফল কাকুতি—

চলিলাম !

অহল্যা ।

—সত্য ? যাবে ? কোথা যাবে শঠ ?

ভুলাইতে অস্ত্র কুলবধু ? সুখী হবে
লেপিয়া ললাটে মোর কলঙ্ক কালিমা ?
ভাসাইয়া দিয়া মূৰ্থ আমাবে অকুলে
নিৰ্ম্মম লম্পট ! যাবে ? যাবে ? এই যাও,
স্বৰ্গপতি—যাও, কিন্তু নহে স্বৰ্গে ফিবি' ।

[কটিদেশ ইহাতে ছুরিকা লইয়া ইন্দ্রের স্বন্ধে আমূল আরোপণ]

ইন্দ্র । ওঃ [পতন] কি করিলি রাক্ষসো পিশাচী নারকী ।

মদন । শাস্ত্রেই আছে—“যঃ পলায়তি স জীবতি ।”

[মদন ও রতির পলায়ন]

অহল্যা ।

—এই হস্তে বধিয়াছি আপন সন্তানে,

রুদ্ধ কবিয়াছি তাব তপ্ত ধমনীব
ক্ষত বস্ত্রশ্রোত ; আমি,—লইয়াছি, আজি
এই হস্তে, এই রক্তে তার প্রতিশোধ !
—দেখিয়াছ এতদিন রমণী প্রেমিকা
দেবরাজ ? দেখ আজি বমণী ভৈববী !
হাঃ হাঃ ! এইখানে মবো, এইখানে পচো ।
করুক ভক্ষণ বহু শৃগাল শকুনি ।

[উন্মাদবৎ অট্টহাস্য করিয়া নিজ্রাস্ত]

ইন্দ্র । পিশাচী—যাত কী—অহো—

গৌতম ও চিরঞ্জীবের প্রবেশ

চিরঞ্জীব ।

এই যে এখানে ।

অসাড়—সৰ্ব্বাঙ্গে বস্ত্র—হাঁ এই ত চাই—

যাতকটা গেল কোথা ?

গৌতম ।

দেখি নাড়ী দেখি—

এখনো জীবিত । চল আশ্রমে লইয়া

চিরঞ্জীব । দেখি যদি বাঁচাইতে পারি ।

[উভয়ের ইন্দ্রকে বহন করিয়া প্রস্থান]

ଚତୁର୍ଥ ଅଙ୍କ

ଅଥବା ଦୃଶ୍ୟ

ସ୍ଥାନ—ଶଟୀର କନ୍ଥ । କାଳ—ସନ୍ଧ୍ୟା ।

ଦେବୀଗଣମତ୍ତ ଶଟୀ ଆସିନା

ଶଟୀ । ତା ଆମି କି କ'ର୍ମ ?

ଅଞ୍ଜନା । ତା ମତିଆଁ ତ ତୁମି କି କ'ର୍ମେ ?

କାଳିନ୍ଦୀ । କିନ୍ତୁ କଥାଟା ତ ଭାଲ ନୟ । ପାଞ୍ଚଟି ବଛବ ସ୍ବାମୀ
ନିରୁଦ୍ଦେଶ ।

ଅଞ୍ଜନା । ପାଞ୍ଚ ପାଞ୍ଚଟି ବଛବ । ମୋଜ୍ଜା କଥା କି ଦିନି !

ଶଟୀ । ତା ଆମି କି କ'ର୍ମ ?

ଅଞ୍ଜନା । ତା ମତିଆଁ ତ—ତୁମି କି କ'ର୍ମେ ?

ସ୍ବାହା । ଲୋକେ କିନ୍ତୁ ଭାଈ କାମାକାମି କ'ଛେ ।

ଅଞ୍ଜନା । କ'ଛେ' ବୈ କି । ଲୋକେ କି ଆର ରେମାନ୍ କୋବେ ଚଳୁବେ
ଦିନି ?

ଶଟୀ । କରୁକ କାମାକାମି ।

ଅଞ୍ଜନା । ହଁ—କାମାକାମି କ'ଲେ ତ ବୟେ' ଗେଲ ।

ବାବୁନୀ । କିନ୍ତୁ ସ୍ବାମୀର ଏକଟା ଖୋଜ ଖବର କ'ର୍ତ୍ତେ ହସ୍ତ ତ ବାଛା ?

ଅଞ୍ଜନା । ତା ଆର ହସ୍ତ ନା ? ଖୋଜ ଖବର ଏକଟା କ'ର୍ତ୍ତେ ହସ୍ତ ବୈ କି ।

শচী। তা এ ত তাঁব এমন কিছু নতুন নয়।

অঞ্জনা। তা আর এমন নতুন কি ?

কালিন্দী। তবু ত বাছা, স্বামী।

অঞ্জনা। স্বামী বোলে স্বামী ! দস্তব মত বাস্তি বাজিয়ে ধান দুর্কো
দিয়ে বিয়ে কবা স্বামী।

স্বাশ। হাঁ একটা খোঁজ নিতে হয় বৈ কি।

অঞ্জনা। তা হয় না ?—খোঁজ নিতে হয় বৈ কি।

শচী। তা খোঁজ আবার নেবো কি ?

অঞ্জনা। হুঁ—কিসেব খোঁজ ?

বাকুণী। কোথায় যে ডুব মা'রে।

অঞ্জনা তাহাতে এক নিবাসাব্যঞ্জক অঙ্গভঙ্গী কবিল।

কালিন্দী। মদন আব বতি তাব সঙ্গে যখন ঘুরছে তখন এ একটা
কেলেঙ্কারি না হ'য়ে যায় না।

অঞ্জনা। কেলেঙ্কারি বোলে কেলেঙ্কারি ! একেবাবে টি টি !

স্বাশ। এই যে বলতে বলতে !—

শচী। কে ?

স্বাশ। রতি।

অঞ্জনা। হাঁ বতিই ত বটে।

কালিন্দী। নাঃ—বতি না !

অঞ্জনা। কোথায় রতি !

বাকুণী। হুঁ বতিই বটে।

রতি না হ'য়ে যায় না।

কালিন্দী। উহুঃ রতি না।

অঞ্জনা। না না।

রতির প্রবেশ

শচী । কি লো রতি !

অঞ্জনা । কি লো ! এত দিন পরে যে !

কালিন্দী । একলা না কি ?

স্বাগ । তীর্থযাত্রায় যাওয়া হ'য়েছিল না কি লো ?

বান্ধবী । বলি—দেবরাজেব খবর কি ?

অঞ্জনা । সেই খবরটা আগে—

রতির গীত

আমি শুধু প্রেমের ব্যাপারী ।

আর কিছুর কি তরুা রাখি, আর কিছুর কি ধার ধারি ।

বিন্ধাধরে স্নধারানি, কুন্দ দাঁতে মুচ্‌কি হাসি,

কালো তারায় চাউনি মিঠে,—করি ইরির দোকানদারি ;

তার বিষয়ে দুটো কথা শুন্তে চাও ত বলতে পারি ।

বেণী বাঁধা কৃষ্ণ কেশে, লম্বা ক'রে পৃষ্ঠদেশে,

যদিও সে অনেক সময়ই পরের ধনে পোদারি ;

কালো রঙে ফর্সা সেজে, যতদূর হয় ঘ'ষে মেজে,

প'রে রঙিন শাড়ী সঙিন, পুরুষ কেমন ভোলায় নারী ;

তারির বিষয় শুন্তে চাও ত দুটো কথা বলতে পারি ।

চোখে কাজল ঈষৎ রেখায়, বাঁকা টেনে কেমন দেখায়,

কালো ঠোঁটে আলতা দেওয়া, আমার কর্ণ সর্কারি ;

নয়ন নীচু ক'র্তে জানা, আঁচল খানি বুকে টানা,

সময়মাত্রিক বাহির করা ছটাক খানিক অশ্রু-বারি ;

এ সব বটে কতক জানি, এ সব কতক কৈতে পারি ।

শচী। এখন রঙ্গ রাধ্ দেখি !

অঞ্জনা। হ্যা—এখন কি ভাই রঙ্গ ক'র্ব্বার সময় ?

রতি। নয় ত কখন সময় ?

অঞ্জনা। তাও বটে। এখন ক'র্ব্বো না ত আর কখন ক'র্ব্বো ?

কালিন্দী। সে জীলোকটার নাম কি ?

রতি। অহঁল্যা।

বাক্‌লী। দেববাজ কোথায় ?

রতি। তাঁব ফিরে আস্‌বার অবস্থা ঠিক নয়।

স্বাহা। কি রকম ?

শচী। হেঁয়ালী রাধ্। খবর শুনি।

রতি। সে অনেক কথা। বন্‌হি, অগ্রে ভেতরে চল্‌তে
আজ্ঞা হয়।

[সকলে নিজান্ত]

দ্বিতীয় দৃশ্য

স্থান—শতানন্দেব গৃহের সম্মুখস্থ মিথিলার রাজপথ

কাল—মেঘাচ্ছন্ন সন্ধ্যা

অহল্যা দণ্ডায়মানা

অহল্যা। এই সে মিথিলা। সেই উচ্চ সৌধ-চূড়া,

সেই রাজপথ, সেই জনশ্রোত বহে

পিপীলিকা-শ্রেণী-সম অশ্রান্ত উত্তমে।

যাই গিয়া বসি ওই দাক্ষবৃক্ষতলে।

বিক্ষত চরণে রক্ত পড়ে। চক্ষে ছুটে ,

ফুলিঙ্গ বহির । অহো বিধাতা ! [উপবেশন] কে ওই
আসিছে সমুচ্চ কোলাহলে ?—পুরবাসী ।

কতিপয় পুরবাসী'ব প্রবেশ

১ম পুরবাসী । না সর্কে'ব মিথ্যা কথা !

২য় পুরবাসী । শতানন্দ ঋষি

স্বয়ং এ শুভ বার্তা দিলেন আমাবে ।

৩য় পুরবাসী । কোন্ শতানন্দ ?

২য় পুরবাসী । গৌতম মহর্ষি-পুত্র ।

১ম পুরবাসী । কবে ?

২য় পুরবাসী । কল্য প্রভাতে ।

৩য় পুরবাসী । মহর্ষি বিশ্বামিত্র ?

২য় পুরবাসী । বিশ্বামিত্র ।

৩য় পুরবাসী । সঙ্গে দশবৎ-পুত্রদ্বয় ?

১ম পুরবাসী । আসিছেন সত্য ?

২য় পুরবাসী । সত্য !

৩য় পুরবাসী । শুভ !!

১ম পুরবাসী । অতি শুভ !!!

চল বাই প্রচাবি' এ বার্তা রাজপুরে ।

[পুরবাসিগণের প্রস্থান] .

অহল্যা । [উঠিয়া] একি স্বপ্ন দেখিতেছি নাকি !

শতানন্দ জীবিত !—জীবিত !—পরমেশ !

ভিক্ষা দাও যেন এই বার্তা সত্য হয় ।

আর একদল পুরবাসীর প্রবেশ

১ম পুরবাসী । পুরুষের ধর্ম ? ইচ্ছ প্রমাণ তাহার !

২য় পুরবাসী । নারীর সতীত্ব ? তার অহল্যা প্রমাণ ।

৩য় পুরবাসী । দুর্ভাগ্য গৌতম !

৪র্থ পুরবাসী । ধিক্ অহল্যা কুশ্রুতি !

৩য় পুরবাসী । করিও না অহল্যার নাম উচ্চারণ ।

প্রতিবেশী !

২য় পুরবাসী । নাবকী—

৪র্থ পুরবাসী । পিশাচী ।

৩য় পুরবাসী । দ্বিচাবিনী ।

অহল্যা । [অগ্রসর হইয়া] কে তোমরা পুরবাসী কৃত রসনা

কব অহল্যার কুৎসা ?

৩য় পুরবাসী । এ আবার কে রে ?

২য় পুরবাসী । তাই ত বে—পেছনী না কি ?

১ম পুরবাসী । না, ছিন্নবসনা

পাণ্ডুবা পলিতকেশী বল না, কে তুমি ?

৩য় পুরবাসী । কে তুই ?

অহল্যা । যাঠাব নাম মুক্ত অশ্রদ্ধায়

করিতেছ ব্যক্ত বাজপথে । পুরবাসী—

আমিই অহল্যা ।

২য় পুরবাসী । এ কি বলে ?

৩য় পুরবাসী । সত্য নাকি ?

৪র্থ পুরবাসী । এ অহল্যা বটে ।—মার মার—

২য় পুরবাসী । মার মার ।

১ম পুরবাসী । ছেড়ে দাও অসহায়্য স্ত্রীলোকে ।

৩য় পুরবাসী । অসতী—

২য় পুরবাসী । দুর্কৃত্তা অহল্যা এই—

৪র্থ পুরবাসী ।

মারু

পানীয়সী—

অহল্যা । নহি পানীয়সী, নহি দুর্কৃত্তা অসতী !

আগে শোন ইতিবৃত্ত ।

২য় পুরবাসী ।

মারু—

৩য় পুরবাসী ।

মাব্ মাব্ । [প্রহার]

শতানন্দেব প্রবেশ

শতানন্দ । কি করিছ পুরবাসী ! একি অত্যাচাব

দুর্কলা নাবীব প্রতি ।

২য় পুরবাসী ।

দুর্কৃত্তা অসতী—

শতানন্দ । কেন ?—কি ক'বেছে নাবী—[অহল্যাকে]

মা তোমার নাম ?

অহল্যা । অহল্যা আমার নাম ।

শতানন্দ ।

অহল্যা !—তাপসী ?—

গৌতম-বমণী ?—

অহল্যা ।

সত্য । গৌতম-রমণী ।

শতানন্দ ।

পুরবাসী ঘরে যাও ; শাস্ত্রীয় বিধান

করিব এ তাপসীব ।

৩য় পুরবাসী । শূলে দিতে হবে—

৪র্থ পুরবাসী । না না মহাশয় ! বহিষ্কৃত কোরে দাও

মস্তক মুণ্ডন করি' নগর বাহিরে ।

শতানন্দ ।

করিব কর্তব্য যাহা । ব্রাহ্মণীর প্রতি

দণ্ডদান ব্রাহ্মণের অধিকার ।—যাও ।

[পুৰবাসীদিগের প্রস্থান]

শতানন্দ । অহল্যা তোমাব নাম ? কি চাহো তাপসী
মিথিলা নগবে ?

অহল্যা । পুত্র শতানন্দে !

শতানন্দ । পুত্র

শতানন্দে ? প্রয়োজন ?

অহল্যা । কে তুমি যুবক !

পরিচিতসম মুখমণ্ডল,—সুন্দর
সুগোর, সুভঙ্গ, দীর্ঘদেহ ?—কণ্ঠস্বব
যত্নপি বিগুফ, রুদ্ধ, গদগদ,—তথাপি
যেন পরিচিত । মনে হয়—মনে হয়—
কে তুমি যুবক ?—তুমি—তুমি কি—

শতানন্দ । হাঁ আমি

শতানন্দ ।

অহল্যা । তুমি ? তুমি ? [অগ্রসর হইলেন]

শতানন্দ । [পশ্চাৎপদ হইয়া] কি বলিতে চাহো ?

অহল্যা । কি বলিতে চাহি ?—বৎস—[আলিঙ্গন করিতে উত্তত]

শতানন্দ । ক্ষান্ত হও নারী !

উচ্ছ্বাসের প্রয়োজন নাই । পরিত্যাগ
কবিয়াছ বহুদিন পুত্রে বৎস বলি'
সম্বোধন করিবার অধিকার ।—যাও—
পাইবে না শতানন্দে ।—যাও ফিরে যাও—
যাও স্বর্গে, ব্রহ্মলোকে, বৈকুণ্ঠে, কৈলাসে—

মর্য্যো কি নবকে—শতানন্দে পাইবে না ।
 —অভুক্তা কি তুমি নাবী ? এই পথ দিয়া
 যাও ওই দেবাগরে ; পাইবে আশ্রয়,
 ভক্ষ্য ও পানীয় ।—ওই উঠেছে ঝটিকা
 ঘনাইয়া আসে অন্ধকাব ।—চলে' যাও ।

[গৃহাভ্যন্তরে প্রবেশ ও দ্বারবোধ]

অহল্যা । অসীম করুণাময় তুমি পুত্র !—অহো
 কেন দীর্ঘ হইলে না ধরিয়া শতধা ?
 — এ কি বক্র নিয়ম তোমাব মহেশ্বর ?
 আমি কলঙ্কিনী সত্য । কিঙ্ক কাব দোষে ?
 কে বোপিয়াছিল এই স্বর্ণ-লতিকাবে
 নীবস পাষণ্ডত্বপে ? কে বা প্রলোভনে
 ভুলাইল অসহায়্য দুর্ব্বলা রমণী ?
 কে তাহাবে নিক্ষেপিল কবিয়া সন্তোষ
 শূন্য পাত্র সম, পান করি' তীব্র স্রব ?
 নহে সে নিশ্চয় ক্রুব পুরুষ ? তথাপি
 শুদ্ধ আমি দোষী একা সমাজ-বিচারে ?
 — বহ প্রভঞ্জন । নেমে এসো জলধারা
 গর্জ্জ মত্ত হৃদয়ে অশনি । ঢেকে এসো
 দশ দিক কাল নিশীথিনী । কেহ নহ
 নিশ্চয়, যেমতি ক্রুর পুরুষ নিশ্চয় ।
 —বহ বহ ঝঞ্ঝা কর চূর্ণ ধূলিসাৎ

এই অবাক্যক বাজ্য ।—ভৈবব-উল্লাসে

দাঁড়িয়ে দেখুক তাহা অহল্যা পাষাণী ।

[উন্মাদিনী অবস্থায় নিজ্জাস্ত]

তৃতীয় দৃশ্য

স্থান—কৈলাস পর্বত । কাল—প্রভাত ।

[গৌতম ও চিরঞ্জীব]

দূবে যোগীদিগেব গান

প্রতিমা দিযে কি পূজিব তোমাংরে

এ বিশ্বনিখিল তোমানি প্রতিমা ;

মন্দির তোমাব কি গড়িব, মা গো !

মন্দির যাঁহার দিগন্ত নীলিমা ।

তোমার প্রতিমা শশী, তাবা, রবি,

সাগর, নিন্মর, ভূধব, অটবী,

নিকুঞ্জভবন, বসন্তপবন

তরু, লতা, ফল, ফুলমধুরিমা ।

গৌতম কি মহান্ দৃশ্য ! - দূবে নিশ্চল নীবব

স্তম্ভ তুষাবেব স্তূপ , উপবে অসৌম

নীলিমা-প্রসাব ; নিম্নে নিশ্চল কঠিন

ধ্বজ পর্বতেব স্তব—দিগন্ত বিস্তৃত

দৃঢ় প্রস্তবেব ঢেউ । দৃশ্য,—কি মহান্

কি নিস্তরু, কি উদার, স্নানব, গম্ভীর !

পুনৰায় গীত

সতীৰ পবিত্ৰ প্ৰণয় মধু,—মা !
 শিশুৰ হাসিটি, জননীৰ চুমা,
 সাধুৰ ভকতি, প্ৰতিভা, শক্তি,
 —তোমাৰি মাধুৰী তোমাৰি মহিমা ;
 যেই দিকে চাই এ নিখিলভূমি—
 শতৰূপে মা গো বিৰাজিত তুমি,
 বসন্তে, কি শীতে, দিবসে, নিশীথে,
 বিকশিত তব বিভবগরিমা ।

গৌতম । হেন স্তব্ধ রম্যতম গভীর নিৰ্জ্জনে,—
 মনুষ্যেব সন্ধি হয় প্ৰকৃতিব সনে ;
 লঘু হয় চিত্ত ; সৰ্ব্ব বিবাদ ভঞ্জন
 হয় । জীবন সার্থক হয় ; দূবে যায়
 ক্ষোভ, পৰিতাপ ; ঘুচে যায় মৃত্যু-ভয় ।

পুনৰায় গীত

তথাপি মাটিৰ এ প্ৰতিমা গড়ি',
 তোমাৰে পূজিতে চাই, মা ঈশ্বৰী !
 অমর কবির হৃদয় গভীর
 ভাষায় বাহাৰ দিতে নাৰে সীমা ;
 খুঁজিয়ে বেড়াই অবোধ আমরা,
 দেখি না আপনি দিয়েছ মা ধৰা,

দুয়ারে দাঁড়ায়ে, হাতটি বাড়ায়ে,
ডাকিছ নিয়ত করুণাময়ী মা ।

গৌতম । আব দুঃখ নাই ; আর চিন্তা নাই ; আব
লিপ্সা নাই—ঈর্ষা নাই ; ঘেব নাই ; আমি
পিতার নয়নতলে, জননীর ক্রোড়ে
লভিয়াছি অনন্ত বিরাম । বসি' আজ
এ সমুচ্চ শৃঙ্গোপবি, দেখিতেছি চাহি'
পদতলে, পৃথিবীর দ্বন্দ্ব, কোলাহল,
ক্ষুদ্র লোভ, ঘৃণ্য হিংসা,—অনন্ত বিশ্বয়ে ।
—কি ভাবিছ চিবঞ্জীব ?

চিরঞ্জীব । ভাবিতেছি প্রভু
দ্রুহসংস্কৃতভাষাবিজ্ঞানে প্রভুর
প্রভূত ব্যুৎপত্তি । যাহা সরল সহজ,
জটিল কবিত্তে তাহে প্রভুব একপ
আশ্চর্য্য ক্ষমতা, যে সে অত্যন্ত অন্তত ।

ইন্দ্রের প্রবেশ

গৌতম । একি তুমি এখানে ? আশ্রম হ'তে এতদূর এসেছ ?

ইন্দ্র । পবীক্ষা কোবে দেখলাম, শক্তি পেয়েছি । যোগিবর—আজ
আমি গৃহে ফিবে যাচ্ছি ।

গৌতম । আবো দুদিন অপেক্ষা কব । আরও একটু বল পাও ।

ইন্দ্র । যথেষ্ট বল পেইছি । তোমার আগ্রহে, তোমার জাগ্রৎ
শুশ্রূষায়, আমি এখন সম্পূর্ণ আরোগ্যলাভ ক'রেছি । এখন জিজ্ঞাসা
করিতে পারি কি যে তুমি কে ?

চিরঞ্জীব । কেন সে খোঁজে তোমার দরকার কি ?

ইন্দ্র । আমার তুমি অনেক শুশ্রূষা ক'রেছো । তাব যথাবিহিত পুস্কার দিতে চাই ।

গৌতম । প্রয়োজন নাই । আমি সন্ন্যাসী মানুষ, আমার কিছুই অভাব নাই ।

ইন্দ্র । তুমি চাহিতে কুণ্ঠিত হ'চ্ছ ? জেনো মানুষ, যে আমি ধনী ব্যক্তি । তুমি যা চাহো তা দিতে পারি ।

গৌতম । কিছুই চাহি না ।

ইন্দ্র । কিছুই চাহো না ? সত্য ?—তোমার নাম ?

গৌতম । আগাব নাম গৌতম ?

ইন্দ্র । কি নাম ?

গৌতম । গৌতম ।

ইন্দ্র । “গৌতম” ? তোমার আবাস ?

গৌতম । মিথিলায় ।

ইন্দ্র । যে গৌতমেব স্ত্রী অহল্যা আপনি কি সেই গৌতম ?

চিরঞ্জীব । হাঁ ইনি সেই গৌতমই বটে ;—সে বিষয়ে কি মহাশয়ের কিছু বক্তব্য আছে ?

ইন্দ্র । আপনি মহর্ষি গৌতম ?

চিরঞ্জীব । হাঁগো হাঁ—তুমি যে বুঝেও বুঝতে চাও না হে ।

ইন্দ্র । জানো মহর্ষি আমি কে ?

গৌতম । জানি, তুমি দেববাজ ইন্দ্র ।

চিরঞ্জীব । এবং অহল্যা দেবীর উপপতি ।

ইন্দ্র । এঁ্যা—এঁ্যা—অসম্ভব । কার কাছে শুনেছেন ?

গৌতম । তোমার কাছে ।

ইন্দ্র । কখন ?

গৌতম । জরের প্রলাপে ।

চিরঞ্জীব । আব আমি যে এত দিন তোমাকে হত্যা করি নি', সে এ মহাবির নিষেধে । কিন্তু অনেকবার অনুতাপ ক'রেছি, যে বনের মধ্যে তোমাকে অচেতন দেখে, শুশ্রূষাব জ্ঞাত কঁাদে কোরে আশ্রমে নিয়ে এইছিলাম ।

ইন্দ্র । [ক্ষণেক চিন্তাব পব জাহ্নু পাতিয়া] মহর্ষি ! আমি আপনাব কাছে যে অপবোধ ক'বিছি তা' যদিও ক্ষমার অতীত, তথাপি আপনাব মার্জ্জনা-ভিক্ষা ক'র্ত্তে পারি কি ?

চিরঞ্জীব । তা আর খায় না ! ঐ যে প্রাণটা পেয়েছ তাই বাপের ভাগ্যি বোলে জেনো ।

গৌতম । চিবঞ্জীব ক্ষান্ত হও ।—ইন্দ্র তোমাব প্রতি আমাব বিদ্বেষ নাই ।

চিরঞ্জীব । যাও অনেক পেয়েছো । এখন পালাও ।

গৌতম । যাও দেববাজ, বিশ্বপতিব ক্ষমা ভিক্ষা কর । যিনি তোমাব আমাব উভয়েব কর্ত্তা, যাব কাছে ছোট বড় সব সমান । ক্ষমা ? আমি তোমাকে পূর্ণ অস্তঃকরণে মার্জ্জনা ক'রেছি । দেববাজ ! আমি দরিদ্র ব্রাহ্মণ, তোমাকে আর কি দিব ? আশীর্ব্বাদ করি—সুস্থ হও, সুখী হও । [ইন্দের প্রস্থান ।

চিবঞ্জীব । প্রভু ! আপনি একেবারে অবাক্ কোরেছেন ।

গৌতম । কেন চিরঞ্জীব ?

চিরঞ্জীব । এ বকম পাষাণ শত্রুকে আশীর্ব্বাদ ? আমার কাছে ক্ষমা প্রার্থনা ক'লে, আমি ওর টুঁটি টিপে ধ'রে, ওরে সাত ঘাটের জল খাইয়ে এনে, জুতো মেবে, বিদায় ক'বে দিতাম ।

গৌতম । শিষ্য ! শত্রুকে নির্যাতন করা ধর্ম নয় ।

চিরঞ্জীব । না,—ধর্ম হ'চ্ছে শত্রুকে সন্দেহ খেতে দেওয়া ।

গৌতম । প্রতিহিংসা পিশাচ শত্রুকে দমন ক'র্ত্তে পারে, বিনাশ ক'র্ত্তে পারে, ভয় ক'র্ত্তে পারে । কিন্তু একমাত্র ক্ষমাই শত্রুকে মিত্র কবে, নিরীহ কবে, দেবতা করে । নির্যাতন নরকের ধর্ম, প্রতিহিংসা পৃথিবীর ধর্ম, ক্ষমা স্বর্গের ধর্ম ।

জনৈক বাজদূতের প্রবেশ

দূত । [গৌতমকে] আপনি কি মহর্ষি গৌতম ?

চিরঞ্জীব । হাঁ ইনি গৌতম বটে । তুমি কোন গগন থেকে নেমে এলে চাঁদ ?

দূত । [ভূমিষ্ঠ হইয়া প্রণত হইয়া] রাজর্ষি জনক আপনাকে এই পত্র পাঠায়েছেন । [পত্র প্রদান]

গৌতম । রাজর্ষি জনক ! দেখি ! [পত্র পাঠাস্তব] চিরঞ্জীব, বড় শুভবার্তা ! বড় শুভ বার্তা !

চিরঞ্জীব । কি রকম !

গৌতম । বাজপুত্রী সীতার বিবাহ । বাজর্ষি নিমজ্জন ক'বে পাঠিয়েছেন । তোমরা কাল প্রত্যুষে যাবার জন্ত প্রস্তুত হও । দূত ! তুমি পরিশ্রান্ত । আশ্রমে চল, সেবা ক'রে ধন্ত হই ।

[নিক্রান্ত]

চতুর্থ দৃশ্য

স্থান—গৌতমের তপোবন । কাল—সায়াক্ষ ।

বিশ্বামিত্র, রাম ও লক্ষণ

রাম । এই কি সে পুণ্যাশ্রম ?

বিশ্বামিত্র । এই পুণ্যাশ্রম

গৌতমের । পরিত্যক্ত, ভগ্নচূড় আজি,
আচ্ছন্ন উদ্ভিদে । ঋষি গিয়াছেন চলি',
সুদূর্ব কৈলাসে—ছাড়ি' সংসার-আশ্রম,
অসীম বৈরাগ্যে । তাঁব প্রলুপ্ত পতিতা
প্রায়সী অহল্যা নিরুদ্দিষ্টা ।

লক্ষণ । কি সুন্দর,

কি নির্জন ঘনচ্ছায়, নীরব, গম্ভীর,
এই তপোবনপ্রভু ।

বিশ্বামিত্র । ছিল রম্যতর

সেই দিন এই তপোবন, যেই দিন
মহর্ষি গৌতম আব অহল্যা তাপসী—
ছিল অবিচ্ছিন্ন সুখে মগ্ন তপস্তায়
এই বনগ্রামে ।

লক্ষণ । —অতি করুণ কাহিনী

অহল্যার ।

বিশ্বামিত্র । আজো মনে পড়ে সে নীরব

সুগভীর শান্তি—স্বচ্ছ সমুদ্রের মত,
মিষ্ট নির্ঝরার মত । আজো মনে পড়ে

সে পবিত্র মুগ্ধমূর্তি—নীলকাশ বন্ধে
পূর্ণিমা-জ্যোৎস্নার মত । আজো মনে পড়ে
সেই সম্মিলিত কণ্ঠে সমুখিত গীত,—
মদনের সহ বৌগাধবনি ।

[নেপথ্যে যন্ত্রণা শব্দ]

রাম ও লক্ষণ । ও কি শব্দ !
বিশ্বামিত্র । সত্যই ত । যেন রমণীর কণ্ঠস্বর ;
চল দেখি গিয়া ।

লক্ষণ । ও কে বৃক্ষ অন্তরালে
পাওয়া রমণী ?

विश्वामित्र । कइ !

ବାହ୍ୟ । ଓହି ସନ୍ନିକଟେ ।

বিশ্বামিত্র । সত্য বটে ; ওকে নাবো ! এ কি ! হরি ! হবি !
এ কি অহল্যা ।

অহল্যা । [অগ্রসর হইয়া] হাঁ, আমি অহল্যা । কে তুমি
পথিক ।

বিশ্বামিত্র । অহল্যা ! তুমি এখানে ?

অহল্যা

এখানে। কে তুমি ডাকো পরিচিতসম
অহল্যার নাম ধোরে ?

বিশ্বামিত্র । পারো না চিনতে ?

আমি বিশ্বামিত্র !

অহল্যা । তুমি বিখ্যামিজ ?—বটে—

চিনেছি। কি প্রয়োজন ?

বিশ্বামিত্র ।

অতিথি ।

অহল্যা ।

অতিথি ?

কাহাব ! গৌতম হেথা নাই ; একা আমি,—

ফিরে যাও ফিরে যাও ।—সেও এসেছিল

অতিথি বলিয়া । ঋষি ! যাও, ফিরে যাও ।

বিশ্বামিত্র । এ কি ! তোমাবে ত কভু হেন দেখি নাই,

অহল্যা ! কোথা সে সৌম্য বদনমণ্ডল,

রক্তিম লজ্জায় ? কোথা সে হস্ত মধুৰ ?

অহল্যা । নাই, নাই ;—গেছে সব । গিয়াছে সে সব

গগ্নুমে কবিয়া পান । যাও, ঋষি ! যাও ;

কেন এ নিৰ্জ্জনে, এই দূব বনগ্রামে,

আসিয়াছ হেথা ত্যক্ত কবিত্তে আমাবে ?

বল্ল-পশু সম আমি হেথা বাস কবি,

একাকী নিঃসঙ্গ দূবে । বহি না কণ্টক

কাহাবো সুখেব পথে । এক কপর্দক

কাহাবো ধারি না !—যাও ।—মহর্ষি তোমায়

একদিন করিতাম ভক্তি শ্রদ্ধা বটে—

কিন্তু আজি শ্রদ্ধা নাই ।

বিশ্বামিত্র ।

কি হেতু তাপসি !—

কি দোষ আমার ?

অহল্যা ।

দোষ ?—জানো না কি দোষ ?

ঘোরতর দোষ । তুমি কপট পুরুষ !

—এক মহা সত্য বিধে জানিয়াছি প্রভু !

“লম্পট পুরুষ জাতি” । তুমি ঋষি বটে;

তথাপি বিশ্বাস নাই ।—পুরুষ ত তুমি ।
 আসিয়াছ বুঝি মম রূপ-লালসায় ?
 আর নাহি ভুলি ।—ওই মিথ্যা, প্রতারণা,
 ওই মৃদু হাসি, ওই একাগ্র চাহনি,
 ও বঙ্কিম গ্রীবা—সব বুঝি, সব জানি !
 বৃথা চেষ্টা মূনিবব !—গৃহে ফিবে যাও ।

বিশ্বামিত্র । অহল্যা ! কাহিনী তব জানি ; প্রতারিতা
 তুমি দেবি, তাহা জানি । পরিত্যক্তা তুমি,
 তাহা নাহি জানিতাম । কিস্তি অভাগিনী !
 আমি আসি নাই আজি এ পুণ্য আশ্রমে
 প্রতারণা করিতে তোমাতে ।

অহল্যা ।

কি বিশ্বাস ?

তুমি ত পুরুষ ।—সব পাবে সে পুরুষ—
 ঘুমন্ত পত্নীর গলে বসাইতে ছুরি,
 কলঙ্কিতে পাতিব্রত্যা পাশব বিক্রমে—
 নম্র নবোঢ়ার ; ছুঁড়ে দিতে বালিকার
 প্রস্ফুটিত প্রেম-পুষ্প লোকাচার পদে ;
 বলি দিতে স্নেহভক্তি ; ক্ষুধার্ত্তেব মুখে
 দিতে ভিক্ষা ; তৃষার্ত্তেব মুখে বিষ দিতে ;
 বিনাশিতে অনুকম্পা ; বধিতে বিশ্বাস ।
 —সব পারে—

জানি ।

মুখা, হতভাগিনী তাপসী

হারিয়েছ বিশ্বাস মনুষ্যে এতদূর ?

এতদূর পতিতা কি ? কিম্বা যন্ত্রণায়

হারিয়েছ জ্ঞান ?—মূৰ্খ দোষে অল্পজ্ঞানে,
 যবে সে বিবেকশূন্য, কর্তব্য-স্থলিত
 পড়ে গন্তে !—মলুষ্যেব জন্ম এ জগতে
 নহে ফুল খেলা দেবি ।—সতীত্ব, জীবন,
 ব্রহ্মাণ্ডেব আক্রমণ হইতে নিয়ত
 করিতে হইবে বক্ষা ।—শত প্রলোভনে
 কবিবেই আকর্ষণ তোমাবে সবলে ;
 তোমারে রক্ষিতে হবে, আপনাবে বাধি ।
 বাধা ও বিপত্তি আসি' কবিবে হর্গম
 জীবনের বস্তু সদা ; তোমায় তাহারে
 লঙ্ঘন কবিত্তে হবে, আপনাব বলে ।
 জীবন সংগ্রাম । যদি নির্ভুর জগৎ,
 তুমিও কঠিন হও ।

অহল্যা ।

হায় ! শক্তি নাই ।

বাম ।

শক্তি নাই ? মূঢ় ! শক্তি আছে ; ইচ্ছা নাই,
 বিবেক, উত্তম নাই । প্রলোভনে নিজে
 চবণ বাড়িয়ে দাও ; পবে ক্রষ্ট হও,
 বন্দী হও যবে সে শৃঙ্খলে ; সন্ধি কব
 পাতকের সনে, পবে দেখ রুদ্ধ যবে
 স্বর্গদ্বার, ক্রুদ্ধ হও ; স্বহস্তে বোপণ
 কর নিজে বিষবৃক্ষ, পবে দ্বন্দ্ব কব
 বিধাতার সঙ্গে, যদি না ফলে অমৃত ।

অহল্যা ।

সব সত্য কথা ।—কিন্তু বহে কি নির্ঝর
 শুষ্ক মরুভূমে ? জন্মে প্রস্তুতের কুসুম ?

পশে কি স্বর্ষ্যের জ্যোতি সাগর কন্দরে ?
 আবস্ত হইয়াছিল জীবন আমাব
 প্রকাণ্ড প্রমাদে । হায় রাখিল বিধাতা
 পূর্ণ জ্যোৎস্না কেন ভয় গৃহে ? পাণিয়্য
 অন্ধকারে ? ছড়াইল নির্জনে বিপিনে
 পুষ্পের সুগন্ধ বাশি ?

রাম ।

হায় মৃত নারী !

এত দিন চিনিয়াছ বুঝি প্রেমিকের
 ঢল ঢল মুখ খানি, কুঞ্চিত চিকুর,
 সবল নাসিকা, দুটি পদ্মবিনিন্দিত
 আরক্তিম গণ্ড, দুটি লালসা-শিথিল
 কৃষ্ণচক্ষু ; পূর্ণ পীন সরস অধব ?
 —হা মৃত ! চিননি তার গভীর হৃদয়,
 প্রেমের নিহিত ব্যথা, সংযত আগ্রহ ?
 —তাহা ছিল গৌতমেব ! তাহা ঠেলিয়াছ
 চরণে ; অমূল্য রত্নগাব কণ্ঠ হ'তে,
 উন্মোচন করি' ছুঁড়ে দিয়াছ তাপসি !
 গভীর সাগর গর্ভে ।—

অহল্যা ।

[ক্ষণেক চিন্তার পর] শিশু দার্শনিক ।—

উদ্ভাসিত য়ার সৌম্য পবিত্র আননে
 নবীন বসন্ত ; চক্ষু দুটি অবনত
 ধরণীর পানে গাঢ় ; অমুকম্পাভরে,
 বিনিঃসৃত য়ার কণ্ঠে বীণার বঙ্কার—
 যেন বর্ষে বরিষার শ্রামল জলদে

স্নিগ্ধ বারিধারা—বল, কে তুমি স্নন্দর ?
 বাম । আমি রাম । দশরথ অযোধ্যার পতি,
 আমি তাঁর পুত্র ।—ইনি কনিষ্ঠ আমার ।
 অহল্যা । রাজপুত্র তুমি ! রত্ন কাঞ্চন তোমার
 অক্ষয় ভাণ্ডাবে, কিন্তু হেন রত্ন নাই
 সে ভাণ্ডাবে—তব এই উপদেশ-বাণী
 মহার্ঘ যেক্রপ ।—তুমি দেব-নারায়ণ,
 দাও শ্রীচরণ-ধূলি ।—ক্ষমা কব প্রভু ! [চরণধারণ]
 রাম । আমি কি করিব ক্ষমা ?—ক্ষমা চাহো তাঁর,
 যার অনন্ত-প্রেম, অনন্ত নির্ভর,
 বিনিময়ে আপনার নীচ হৃদয়ের,
 দিয়াছ কাঠিন্ত ; হানিয়াছ বজ্র-শেল
 যাহার কোমল-বক্ষে—তব ব্যভিচারে ।
 যাও মা তাঁহার ক্ষমা চাহো । চাহো পরে
 বিধাতাব ক্ষমা—যার মঙ্গল নিয়ম
 তাচ্ছিল্যে, অসীম-পূর্বে ঠেলিয়াছ পদে—
 নবীন-যৌবন-মদভরে ।
 অহল্যা । তিনি করিবেন ক্ষমা ?
 রাম । জানি না তাপসি !
 তথাপি চাহিয়া থেকো মৌন প্রার্থনায় ।
 অহল্যা । তাহাই হইবে ।—প্রভু ! করিলে উদ্ধার
 অহল্যারে আজি । চল, আমার আশ্রমে,
 করিব আতিথ্য-পূজা—সামুজ্য তোমার,
 কেশব !—[বিশ্বামিত্রকে] মহর্ষি চল আমার কুটীরে ।
 [সকলে নিজাস্থ]

ମନ ଅନ୍ଧ

ପ୍ରଥମ ଦୃଶ୍ୟ

স্থାନ—ଗିରିପଥ । କାଳ—ମଧ୍ୟାହ୍ନ

ଚିରଞ୍ଜୀବ । [ଅଗତ:] ଖୁବ କାଁକି ଦିହିଛି ! ଛୁଞ୍ଡିଟା ଆମାକେ କି
ସୁମୋତେ ଦେବେ ?—ଚାର ଦିକେ ଆଟିବାଟ ବନ୍ଧ କୋରେ ବୁଝି ତତ୍ତ୍ୱଲୋକେ
ସୁମୋତେ ପାରେ ! ମିଥିଲାୟ ଯେତେ ଯେତେ ପଥେ କି ଏମନଓ ପ୍ରବଳ ଅବ
ଏଲୋ । ଗୌତମ ଆର ମାଧୁରୀ ଶେବେ ଗିଲେ କିନା ଏକ ଅତିଥିଶାଳା
ଆଶ୍ରୟ ନିଲେ । ବେଶ ଜନ୍ମ ହ'ୟେଛେ କିନ୍ତୁ । [ହାସ୍ତ] ଅତିଥିଶାଳା !—
କୋଥାୟ ଅତିଥିଶାଳା ?—ଝୁଞ୍ଡିର ଦୋକାନ ! ଖୁବ ପାଲିହିଛି । ଶ୍ରୀଟା
ବଲେ—ବାହିରେ ଯେଓ ନା, ଜର ବାଢ଼୍ବେ । ଆଃ—! ଏମନ ଠାଣ୍ଡା ବାତାସ,
ଏତେ ପୋଡ଼ାର ଅସୁଥ ବଦି ବାଢ଼େ ତ ବାଢ଼ୁକ !—ବୋଧ ହ'ଛେ ଯେନ ଆମି
ଏକଦିନ ଏହି ଜାୟଗାଟାୟି ମାଧୁରୀକେ ଧାକା ମେରେ ପଗାରେ ଫେଲେ
ଦିଲେ ପାଲିହିଛିଲାମ । ମାଧୁରୀବ ତା ମନେ ନେହି । ମାଧେ କି ବଳି
ମେରେ ମାନ୍ୟ ବୋକାର ଜାତ ! ଆହାର ନେହି, ନିଦ୍ରା ନେହି, ବିରାମ
ନେହି, ବାକି ନେହି—ଦିବାରାନ୍ତବ ଆମାର ସେବାଇ କ'ଛେ !—ସୁମ
ଥେକେ ଉଠେ ଦେଖି, ଆମାର ଶିଶୁବେ ଈ କୋରେ ଜେଗେ ବ'ସେ ଆଛେ ।
ମେରେ ମାନ୍ୟ ଏତଓ ପାରେ ବାବା !—ଏବାର କିନ୍ତୁ ଖୁବ ପାଲିଲେ ଏହିଛି ।
ଚେରେ ଦେଖି କି ନା ମାଧୁରୀ ତୁଲ୍ଲେ ; ଅମ୍ନି ଆମି ଉଠେ, ପା ଟିପେ ଟିପେ
ବେରିଲେ, ବାହିରେ ଏସେ ଭେଁ ଦୌଡ଼ !—ଭାରି ଠାଣ୍ଡା ବାତାସ—ଶୀତ କ'ଛେ
୧୦୫]

বেন। এখানে একটু পেট ভরে' ঘুমিয়ে নেওয়া যাক।—ঐ যে
আবার আসে কে! মাধুরী দেখছি! এই মাটি ক'রেছে দেখছি।—
“বেখানে বাঘের ভয়, সেখানেই সন্ধ্যা হয়।”

মাধুরীর প্রবেশ

মাধুরী। প্রভু! এখানে?

• চিরঞ্জীব। [বিরক্তভাবে] এখানে নয় কি সেখানে!

মাধুরী। চল চল যবে চল।

চিরঞ্জীব। না—যাবো না।

মাধুরী। অব বাড়বে।

চিরঞ্জীব। তোব তা'তে কি? আমি এখানে খাড়া হোয়ে ব'সে
ন'কর। তোব তা'তে কি?

মাধুরী। ছিঃ প্রভু! চল।

চিরঞ্জীব। দেখ্ বিবস্ত্র কবিস্ নে বলছি।

মাধুরী। তুমি ঘরে চল—

• চিরঞ্জীব। আবাব ফ্যাছ্ ফ্যাছ্ আবস্ত ক'ল্লি? ফের যদি বিরক্ত
ক'ৰ্বি—! আঃ!—[শয়ন]

মাধুরী। ছিঃ! ওঠ। [ধবিয়া উঠাইবাব চেষ্টা]

• চিরঞ্জীব। উঃ! শীত ক'চ্ছে যেন—[কম্পন] ওয়ে এ কি
হ'ল?—

মাধুরী। কি হ'লো?

চিরঞ্জীব। আমার ভারি হাঙ্গি পাচ্ছে [হান্ত]—না বে না, হাঙ্গি
ত পাচ্ছে না। তবে কি পাচ্ছে?

মাধুরী। কি পাচ্ছে?

চিরঞ্জীব । —ঘুম পাচ্ছে । শোন, বোস্ দেখি, তোরা কোলে মাথা দিয়ে ঘুমুই, আর তুই মাথার ওপরে কু-ছ—কু-ছ—শব্দ কর্ দেখি ।

মাধুবী । তা ক'ৰ্ৰ—আগে বাড়ী চল ! ওঠ—

চিরঞ্জীব । দেখ্ মাধুবী আমি একটা ভারি ধোকাই পড়িছি ।

মাধুবী । কি ধোকা ?

চিরঞ্জীব । ধোকাটা হ'চ্ছে এই, যে ঈশ্বর পুরুষকে পুরুষ, আব মেয়েমানুষকে মেয়েমানুষ ক'বে সৃষ্টি ক'ল্লেন কেন ? যদি পুরুষকে মেয়েমানুষ ক'বে, আর মেয়েমানুষকে পুরুষ ক'রে সৃষ্টি ক'র্তেন তা'লে—আঃ কি মজাটাই হ'ত । না ?

মাধুবী । হাঁ তা'লে বেশ হ'ত । এখন ঘরে চল ।

চিরঞ্জীব । নাঃ—তুই ঘুমোতে দিবি নে । একটু আরাম ক'র্তে এলাম ত কানেক কাছে এসে ঘ্যানব ঘ্যানব—চল্ বাড়ীই চল্ । এত রাত্তিৰ পর্যান্ত নিজেব চোখেও ঘুম নেই—আমাকেও কি ঘুমোতে দেবে ! চল্ । [গমনোত্তত]

মাধুবী । আমাব ঘাড়ের ওপর ভব দিয়ে চল ।

চিরঞ্জীব । [যাইতে যাইতে] আচ্ছা পাহারা সৃষ্টি ক'রেছোঁ দয়াময় ! চল্ ।

[উভয়ে নিভ্রাস্ত]

দ্বিতীয় দৃশ্য

স্থান—নন্দন-কাননে মন্দাকিনী-তীর । কাল—জ্যোৎস্না রাত্রি ।

[দূরে উচ্চ আলোকিত কক্ষ । নদীবক্ষে তরলী বাধা

ইন্দ্র একাকী]

ইন্দ্র । গাইছে কিন্নরী, নাচে অঙ্গরা নর্তকী,
উঠে অট্টহাস্ত, বাজে মৃদঙ্গ মল্লিকা ;—

অদূর সমুচ্চ কক্ষে, দীপ্ত দীপালোকে ।
 আর আমি ভ্রমি শ্লথ চরণ বিক্ষেপে,
 কম্পিত-হৃদয়ে, কেন একাকী, নিৰ্জনে,
 নন্দন-কাননে, নদী মন্দাকিনী-তীবে,
 চন্দ্রালোকে ? কেন আজি সহিতে না পাবি
 উৎসব, উল্লাস, দীপ, উচ্চ হর্ষধ্বনি,
 সঙ্গীত, বয়লীসঙ্গ ?—ক্ষীণ জ্যোৎস্নালোক
 তাও ঠেকে তীব্র, পাণিপয়াব কণ্ঠস্বব
 হানে বক্ষে তীক্ষ্ণ শেল, মলয়-সমীব
 যেন গাজ দাহ কবে ।

—অন্তবে অন্তরে,

জ্বলে তুমানল । দূব হৃদয় নিভতে,
 উঠে মর্শভেদী দীর্ঘশ্বাস ।—কি করিব !
 কিসে নিভিবে এ বহি ? কে বলিয়া দিবে,
 এ পাপের প্রায়শ্চিত্ত কি ? অনন্তকাল
 জঞ্জরিত হইব কি তীব্র অনুতাপে ?

[নিস্তব্ধ]

—অহল্যার পতি হেন মহাত্মা গৌতম ?
 সে মনুষ্য, আর আমি দেবতা ? হা ধিক্ !
 বিধির বিচার এই ।—[জানু পাতিয়া] হে মহাপুরুষ !
 প্রকৃত তপস্বী তুমি ; বিগ্ৰহ, উদার,
 নিষ্কাম, নিঃস্বার্থ, চির-স্বরগীয় তুমি ।—
 এই যে আসিছে শচী । [উত্থান]

শচীব প্রবেশ

শচী । [আলোকিত কক্ষেব প্রতি চাহিয়া]

—চ'লেছে সঙ্গীত,

চ'লেছে উৎসব, এই মধ্যাহ্ন-নিশীথে,

উজ্জ্বল বিলাস-কক্ষে—ছি ছি, লজ্জা নাই !

—বহিছে শীতল মন্দ সুবভি সমীর ।

বসি এই মন্দাকিনী-তটতলে ।

ইন্দ্র । [অগ্রসব হইয়া] শচি !

শচী । [চমকিয়া] এ কি তুমি !

ইন্দ্র । আসিয়াছি তব প্রতীক্ষায় ।

শচী । এত অমুগ্রহ ? নাথ ! কৃতার্থ কিঙ্করী ।

ফিবিয়া যাইতে দাও প্রভু, পথ ছাড় ।

[গমনোন্তত]

ইন্দ্র । শচি !

শচী । লজ্জা নাই ? কোন্ স্বখে পুনরায়

নাম ধ'রে ডাকো মোর ?

ইন্দ্র । শুন সত্য বাণী—

শচী । চাহি না শুনিতে আর—হায় দেববাজ !

দেবী ছাড়ি মানবীতে লোভ ? পরিণামে

জানি না আবো কি আছে তোমাব নিগ্রহ ।

উর্বশী, মেনকা, রম্ভা সঙ্গে নৃত্য কর,

মত্ত সুধাপানে, তাহা সহ কবিয়াছি—

তাহারা দেবতা । শেষে মানবীর পদে

নামিয়াছ যেই দিন—সেই দিন তব
যুচেছে দেবদ্ব ।

ইন্দ্র ।

সত্য, অহল্যা মানবী ;
তথাপি ইন্দ্রাণী ! সত্য, অস্বা-সম্ভব
রূপ অহল্যার । যুদ্ধ সেই প্রলোভনে,
করিয়াছি পাপ ।

শচী ।

রূপ অস্বা-সম্ভব
হোক তার, তথাপি সে মানবী । তাহার
স্পর্শে কলুষিত তুমি—স্পর্শ করিও না
পুলোম-কন্তাবে আব ।

[বোধভবে প্রস্থান]

ইন্দ্র ।

চিরদিন এই পবিণান
অবৈধ লিপ্সাব ।—তীব্র ক্ষণিক সন্তোষ,
পবিত্রেণে ঘন দীর্ঘ অবসাদব্যাধি—
শাস্তিহীন, সুপ্তিহীন ! তুচ্ছ প্রলোভনে
পতিত, জড়িত, পত্নী-প্রণয়-বিচ্যুত,
পরিণামে ।

মদন ও বতিব প্রবেশ

ইন্দ্র ।

হায় ! এত বিলম্বে মদন ?
চলিয়া গিয়াছে শচী ।

মদন ।

কি করিব প্রভু,
বিলম্ব রতিব জন্ত । প্রহর অতীত
কেশ-বেশ-বিন্যাসে তাহার ।

রতি ।

চিরকাল

রমণীর এ অখ্যাতি । এ বেশ-বিত্তাস
কার জন্ত প্রাণেশ্বর ?

ইন্দ্র ।

চলিবে রূপসি !

দাম্পত্য-কলহ কতক্ষণ ?

রতি ।

যতক্ষণে

ইন্দ্র ইন্দ্রাণীব দ্বন্দ্ব সমাপ্ত হইল
এ দূব নির্জ্ঞন বনে ।

মদন ।

কিরূপ ইন্দ্রাণী ?

ইন্দ্র ।

তপ্তলৌহবৎ ।

মদন ।

পবিসমাপ্ত নাটিকা

হইবে নিতাস্ত দেখি শয়ন-মন্দিবে ।
চল দেববাজ ! শুন, কোন চিন্তা নাই,
রমণীব চিবদিন এবন্নিধি বিধি—
ক্ষণেক গর্জ্জন, পরে ক্ষণেক বর্ষণ,
পরিশেষে শান্তি,—চল, বিলাস ভবনে ।
ইন্দ্র । ভাল নাহি লাগে আর । শিরায় শিরায়
বহিছে অনলশ্রোত । মস্তিষ্কে, হৃদয়ে,
পাষণের ভার ।

মদন ।

প্রভু ! চিন্তা কর দূর ;

প্রেমের এ পবিগাম চিরদিন তাহা,
পূর্বে বলি নাই ? ক্রমে থিতাইবে বারি ;
এখন বিলাস গৃহে চল—চিন্তা নাই,
শয়ন-মন্দিরে দিব ইহাব ঔষধি ।

[সকলে গিয়া তরীবক্ষে আবোহণ করিলেন ।

তরীবক্ষে মদন ও বতির গীত]

ভাসিয়ে দে রে সাধের তবি, পাল তুলে দে ভেসে চল ।

উঠেছে ঐ উজান বাতাস, ক'ছে নদী টলমল ॥

যুক্তি মিছে, ভাবনা মিছে, দুঃখ প'ড়ে থাক না পিছে,

ভাস্বো শুধু, হাস্বো শুধু, ক'র্ব্ব শুধু কোলাহল ।

ফির্তে সে ত হবেই হবে আবার নীরস কঠিন তটে,

পাওনা দেনা হিসাব নিকাশ ক'র্ত্তে সে ত হবেই বটে ।

—ডোবে যদি ডুববে তরি, ম'র্ব্ব যদি নেহাইৎ মরি,

ম'র্ব্ব না হয় খেয়ে খানিক ঘোলা নদীর ঘোলা জল ।

[সকলে নিষ্ক্রান্ত]

তৃতীয় দৃশ্য

স্থান—মিথিলাব বাজপথ । কাল—প্রভাত ।

[একাকিনী অহল্যা]

অহল্যা । আবার কি তিনি তেমনি ভালবাসবেন ! আবার সে
মধুর গম্ভীর স্ববে আমার নাম ধ'বে ডাববেন ? আবার তিনি কাছে
এসে তেমনি ক'রে স্নেহনত চক্ষে আমার পানে চাইবেন ?—নাথ !

প্রাণেশ্বর ! ক্ষমা করো । তোমার এত প্রেম, এত বেদনা, এত
জাগ্রৎ-শুশ্রূষা আমি বুঝি নাই । আমি পাষাণী ! আমি পাপীয়সী !
আমি হতভাগিনী !—মাথায় ক'বে রাধুবার জিনিস, আমি পাক্কে
ঠেলিছি । [জাহ্নু পাতিয়া] ক্ষমা করো । প্রভো, স্বর্কষ আমার,

দেবতা আমার ! আজ আমি বুঝেছি যে এ ত্রিভুবনে তুমিই আমার সব । তুমিই আমার ইহকাল, তুমিই আমার পরকাল ! আমি মৃত্যু, তাই এতদিন বুঝতে পারি নি । ক্ষমা করো । ক্ষমা করো । ক্ষমা করো ।

১ পুর্ববাসিনী [প্রবেশ করিয়া] কে গা তুমি বাছা পথ ছাড়ে না ।

[প্রস্থান]

[অহল্যা সরিয়া দাঁড়াইলেন]

২ পুর্ববাসিনী । [প্রবেশ করিয়া] আক্কেল দেখেছ মাগীর ! একেবারে ঠিক রাস্তার মাঝখানে ?—একটু সরো না ।

[প্রস্থান]

[অহল্যা আবাব সরিয়া দাঁড়াইলেন]

৩ পুর্ববাসিনী [প্রবেশ করিয়া] কে রে মাগী দাঁড়াবার কি আদ জায়গা পেলিনে ।

[প্রস্থান]

[অহল্যা আবাব সরিয়া দাঁড়াইলেন]

৪র্থ পুর্ববাসিনী । [প্রবেশ কবিত্তে অহল্যার ধাক্কা লাগিয়া পড়িয়া] এঃ যা । ওবে আবাব কপাল রে !—কুলের বুড়িটা পড়ে গিয়ে কি কাণ্ডটা হোল দেখ না [কুল কুড়াইতে ব্যস্ত]

অহল্যা । ক্ষমা করো বাছা, আমি কুড়িয়ে দিচ্ছি [কথামত কার্য্য]

[৪র্থ পুর্ববাসিনীর বুড়ি লইয়া প্রস্থান]

অহল্যা । আর কি তাঁরে পাবো ? তেমনি কোবে হৃদয়ে ভিতরে তাঁরে পাবো ? ধারে জাগ্রৎ দিবসে হারিয়েছি তাঁরে নিশীথের আঁধারে খুঁজে পাবো ?

এক দল সজ্জিত রাজভৃত্যের প্রবেশ

১ ভৃত্য। গায়েব জোর বটে!

২ ভৃত্য। হাঁ ধনুক গাছটা একেবাবে পটু ক'রে ভেঙ্গে ফেলে!

৩ ভৃত্য। ছেলেটাকে দেখে গায়ে খুব জোর আছে বোলে বোধ হয় না।

২ ভৃত্য। 'বাজাব মেয়ে'ব শেষে কি না এই নেড়ে পুতুরের সঙ্গে বিয়ে!

১ ভৃত্য। চল, চল—মুখ সামলে কথা কোস।

[ভৃত্যদিগের প্রস্থান]

অহল্যা। তিনি কি আব আমাকে তেমন ভালবাসবেন? আমি বাতিচাবিণী, আমি হতভাগিনী, আমি বিশ্বাসহীনা, আমি কি সাহসে তাঁর সম্মুখে দাঁড়াবো? কি সাহসে তাঁর ক্ষমা চাইব?

একদল পুর্বোহিতের প্রবেশ

১ম পুর্বোহিত। তা ত হবেই। মণিকাক্ষন যোগের কথা শাস্ত্রেই আছে।

২য় পুরো। রেখে দাও শাস্ত্র! শাস্ত্রের কি ধার ধারো বাপু?

১ম পুরো। ধার ধারি না! পুরাণ, উপপুরাণ, বেদ, বেদাঙ্গ, দর্শন, মনু এ সব কণ্ঠস্থ।

৩য় পুরো। আবে এত চোঁচাও কেন!

*৪র্থ পুরো। রাজা দশরথকে আস্তে লোক গিয়েছে?

৩য় পুরো। ও গো গিয়েছে গো গিয়েছে। তাঁর পুত্র রামের বিয়ে, তাঁকে আস্তে লোক যাবে না?

১ম পুরো। গৌতমকে নিমন্ত্রণ পত্র দিইছিল যে, তিনি এসেছেন ?

২য় পুরো। হাঁ, এয়েছেন।

৪র্থ পুরো। রাজবাড়ীতে এতক্ষণ চৰ্ক্য চোম্ব লেহ পের ক'চ্ছেন।

৩য় পুরো। আরে অত চেঁচাও কেন ছাই ?

১ম পুরো। লোকটা বড় মুষ্ড়ে গিয়েছে।

৪র্থ পুরো। তা আব যাবে না। এই কেলেঙ্কারীটা ;

৩য় পুরো। বলি, একটু আস্তে চেঁচাও না।

[পুরোহিতদিগের প্রস্থান]

অহল্যা। একি শুনছি ? তিনি এসেছেন ? এগেছেন ? আমি
কি ক'র্ক ! যাই তাঁর পায়েব তলে প'ড়ে তাঁব ক্ষমা ভিক্ষা কবি।
তিনি প্রেমময়, তিনি দয়ার সাগর, তিনি ক্ষমাব প্রতিমা—ক্ষমা
ক'র্ত্তেও পারেন। যাই,—যাই।

[প্রস্থান]

চতুর্থ দৃশ্য

স্থান—জনকের রাজসভা-কক্ষ। কাল—প্রহরাতিত প্রভাত।

[জনক, গৌতম, শতানন্দ ও বিশ্বামিত্র]

গৌতম। ধন্ত হইলাম আমি। মবি কি মধুব

সজল-জলদ-মুষ্টি ! রাজর্ষি জনক !

যোগ্যতর পাত্রে ব্রহ্ম হইত না কভু

সুন্দরী জানকী সীতা। শোভে কি তড়িৎ

বিনা নব জলধরে। শোভে কি সুন্দর

শ্রামলপল্লব বিনা চম্পক-কলিকা ?

জনক। সম্পূর্ণ হইল ক্রিয়া তব আগমনে

বজ্রবর !

গৌতম ।—বহুদিন ছিলাম প্রবাসে,
 আচ্ছন্ন গভীর স্নেহে, ভুলিয়া কর্তব্য,
 দূব সংসারের প্রতি ; ছিলাম নির্জনে,
 স্বার্থমগ্ন আমি ।—পত্র তোমার, স্মরণে,
 হৃদয়ে জাগায়ে দিল অতীতের স্মৃতি পুনর্ব্বার !

মাধুবীকে টানিয়া চিরঞ্জীবের প্রবেশ ।

চিরঞ্জীব । এই নেও ! এই মায়াবিনী ।

বিশ্বামিত্র । একি চিরঞ্জীব ? কেন রাজসভাস্থলে,
 করিতেছ আপনাব পত্নীব নিগ্রহ ?

চিবঞ্জীব । মায়াবিনী মন্ত্র জানে ! আমি চিরদিন,
 করিয়াছি অনাস্থা তাহাবে ; বিনিময়ে,
 সে করে আমাব পূজা ।—কহি কটুভাষা,
 মায়াবিনী হাসে ।—আমি নির্দয় প্রহার
 করিয়াছি, কাঁদে নাবী নিঃশব্দ বিলাপে ।
 —আমি তারে জনহীন প্রান্তরে, নিশীথে,
 করিলাম পরিত্যাগ, কৈলাসের পথে ;
 পরে রুগ্ন আমি যবে, মিথিলার পথে,
 নিদ্রিত,—চাহিয়া দেখি পিশাচী জাগ্রৎ,
 শিয়রে বসিয়া সেবা কবিছে নীরবে ।
 —মায়াবিনী মন্ত্র জানে,—বঁধিয়াছে প্রভু,
 এ পেশল বাহু, এই পাষাণ হৃদয়,

পাশব প্রবৃত্তি মোর, কোন মজ্ববলে,
জানি না। অথচ আমি পিশাচীর দাস,
আজি কায়মনোবাক্যে।—অহো ! কি দুর্গতি
পুরুষেব ! [বসিয়া পড়িয়া ক্রন্দন]

জনক । আচ্ছা, যাও চিরঞ্জীব ! আমি
করিব বিধান দণ্ড । [মাধুবীর প্রতি] মায়াবিনি ! তুমি
আজি হ'তে এই পাপে, মহিষীর সখী,—
যাও অন্তঃপুবে । যাও চিবঞ্জীব ।

[উভয়ের বহির্গমন]

গৌতম । হরি !
দয়াময় ! তুমি ধন্ত । সিদ্ধ এতদিনে
মাধুবীর মহতী সাধনা ।

দশরথের প্রবেশ

জনক । [গৌতমকে] বন্ধুবব !
ইনি বৈবাহিক মম, অযোধ্যার পতি,
দশরথ । [দশরথের প্রতি] মহারাজ ! ইনি বন্ধুবর,
মহর্ষি গৌতম ।

[দশরথ গৌতমকে প্রণাম করিলেন । গৌতম দশরথকে
অশীর্বাদ করিলেন]

দশরথ । মহারাজ ! এইক্ষণে,
আসিতে প্রাসাদে সখে, দেখিলাম পথে,
অত্যাশ্চর্য্য দৃশ্য এক,—উন্মাদিনী নারী ।

গৌতম । উন্মাদিনী !

দশরথ । উন্মাদিনী । কথ গোব তনু,
 আপাদলম্বিত শুভ্রকেশী । চক্ষু ছুটি
 জলভরে নত । স্বচ্ছ সূঠাম ললাটে,
 অঙ্কিত গভীর দুঃখ-কাহিনী-কালিমা ।
 গাইছে কিন্নবীকণ্ঠে, কি সঙ্গীত সখে,
 ' কি গুঢ় বেদনাপ্লুত, কি গাঢ়, মধুব,
 উৎকট, স্বর্গীয় ধ্বনি ।—অনন্ত বাসনা,
 সঙ্গে তাব বিজড়িত অনন্ত, অসীম,
 স্বর্গীয় হতাশা ।—হেন মূর্ত্তি দেখি নাই,
 হেন গীত শুনি নাই কভু ।

গৌতম । [অর্দ্ধস্বগত] উন্মাদিনী !

[বাহিরে গীতের শব্দ]

দশরথ । ওই আসে । বুঝি নারী আসিছে এখানে ।

অহল্যাব প্রবেশ ও গীত

আর একবার ভালবাসো, বাসুতে যেমন আগের দিনে ।

যুমন্ত প্রাণের ব্যথা আবার জাগিছে প্রাণে ।

একবার নাথ তুলে ধর, হৃদয় হৃদয়'পব হে,

শাস্ত হোক প্রাণ যাহে, আজ শত তীক্ষ্ণ শেল হানে ।

তোমারি হাবানো বাঁশী লুঠায় ধরণী' পর,

মলিন—তোমারি তবু, আদরে তুলিয়া ধর ;

ভাঙা চূড়া প্রাণের বাঁশী, তেমনি কোরে আজ রে ;

নাথের করে, মধুর স্বরে, বাজ রে—বাজ রে ।

গৌতম । অভাগিনী—এ বেশ !—এ দশা !—

অহল্যা । অভাগিনী !

সত্য, অভাগিনী আমি ! বড় অভাগিনী,

বড় কলঙ্কিনী, বড় পাপীয়াসী, বড়

পাতকিনী আমি প্রভু !—

গৌতম । হায় শ্রিয়তমে !

অহল্যা । “শ্রিয়তমে !” আজি যোবে এই সন্তাষণ ?

একি উপহাস ! কিম্বা এখনো মহর্ষি

চিন না আমাবে বুঝি ?

গৌতম । চিনি প্রাণেশ্বর !

অহল্যা । না চিন না—ডাকিতেছ তাই সে মধুব,

সে স্নেহগঙ্গাদম্বরে ! তাই প্রেমভাবে

প্রসারিছ বাহু ।—যদি চিনিতে, স্বপ্নায়

ফিরাইতে মুখ, মোরে কহিতে কর্কশ,

কিম্বা দিতে খেদাইয়া দূবে পদাঘাতে ।

গৌতম । অহল্যা—

অহল্যা । অহল্যা নহি ;—পাষাণী—পাষাণী,

দ্বিচারিনী, পুত্রহন্ত্রী, বাতিকা, পিশাচী

—শোন ইতিহাস—এমনি সে ইতিহাস—

তার ছত্রে ছত্রে গাঢ় কলঙ্কেব রাশি ;

অক্ষবে অক্ষরে তার পুঞ্জীভূত পাপ ।

—পূর্বে শোন ইতিহাস—

গৌতম । শুনিতে চাহি না,

সব জানি !—প্রতারিতা, প্রলুকা, পতিতা,

প্রেমসী আমাব !—তব এই শীর্ণ তনু,
এ পাণ্ডুর মুখ, এই কোটর-নিহিত
চক্ষুর অপাঙ্গে ঘন গভীর কালিমা,
কহিছে সে ইতিহাস !—

অহল্যা ।

নবকের জালা —

নরকের জালা, প্রভু, কতবর্ষ ধরি',
সহিয়াছি দিবাবাজ ; তীব্র যন্ত্রণায়
পাষাণী হইয়া গেছি অন্তরে অন্তবে ।
একদা সহসা শেষে বিফুব রূপায়,
হইল চৈতন্য । শুষ্ক পাষণ ভেদিয়া,
ঝবিল নির্ঝর, বজ্রদণ্ড দৌর্ণ তরু
মুঞ্জবিল পত্রপুষ্পে ।—কি আব বলিব !
যদি জানো সব নাথ, কি আর বলিব !
—জীবন-সর্বস্ব মোর ! বুঝিয়াছি ভ্রম
এতদিনে ! ক্ষমা কর ।—ধর্মের প্রতিমা,
পুণ্যেব কাহিনী তুমি, দয়ার সাগর,
স্বর্গের দেবতা ।—আব আমি পাপীয়াসী,
মূঢ়, ক্ষুদ্র, ঘৃণ্য নরকেব কীট ।—আমি
ভাজিয়াছি বিশ্বাস ; চরণে ঠেলিয়াছি
কর্তব্য ; প্রেমের পাত্রে ঢালিয়াছি বিষ ।
—আজি বুঝিয়াছি ভ্রম ।—ক্ষমা কর ।

শতানন্দ ।

—ক্ষমা !

যে নারী বিনাশ করে বিশ্বাস, প্রণয়,
সে ক্ষমার যোগ্য নহে ।—হায় পিতৃদেব !

যে দাম্পত্য-প্রেম ভিত্তি সমাজের, মূল
সর্ব কর্তব্যের, যেই সে দাম্পত্য প্রেম
স্বহস্তে নিম্ন ল করে, সেই পাপীয়সী
ক্ষমাযোগ্য নহে । পিতা—ভৃগুর বিধান—
যোগ্য শাস্তি, প্রাণদণ্ড, কুলটা নাবীর ;—
হোক সে স্বকীয় পত্নী অথবা জননী ।

গৌতম । ক্ষান্ত হও প্রিয়তম ! শাস্তি দিব ?—হায় !
আকষ্ট নিমগ্ন পাপে আমি মুঢ়মতি,
দুর্বল মনুষ্য নিজে, সাধ্য কি আমাব,
কর্তব্যস্থগিত, মূঢ়, মনুষ্য উপরি’
বসিব বিচারাসনে ।

[অহল্যা-প্রতি]—এস অভাগিনী !
বিধিব সুরিধি এই,—আজি পাইলাম
বাহা পূর্বে কভু পাই নাই—প্রিয়তমে !
তোমাবে প্রথম দিন হৃদয় ভিতরে ।
এস প্রপীড়িতা পবিত্রতা প্রাণেশ্ববি !
এস বাণ-বিক্রম মম পিঞ্জরের পাখা,
হৃদয়পিঞ্জবে ফিরে এস ! [অহল্যাকে বক্ষে ধারণ]

বিশ্বামিত্র

এত উচ্ছে ?

এত উচ্ছে তুমি ? এত পবিত্র, মহৎ ?
এত ক্ষমামূল ? এত উদার ?—ব্রাহ্মণ !
অবনত কবি শিব ।—বাজসি জনক !
ব’লেছিলে অতি সত্য কথা, বুঝিয়াছি,
লভি নাই ব্রাহ্মণত্ব ! ছেনেছি তাহার

বহু নিয়ে পড়ে' আছি । বিশ্বামিত্রে ধিক্,
লক্ষ ব্রাহ্মণে ধিক্ ! তপস্তায় ধিক্ ।

জনক । ধন্ত এ চরিত্র, যার সংস্পর্শ কুহকে,—

বাবাঙ্গনা সতী হয় ; দম্য সাধু হয় ;

পঙ্কিল পবিত্র হয় ; কামুক লম্পট

• জিতেদ্রিয় হয় ; গবর্ষী নত করে শিব ।

যে, স্পর্শমণিব মত, পথের কর্দমে

স্বর্ণে পরিণত করে ; পাবকেব মত

• ভস্ম করে আবিল হর্গন্ধ ; পুণ্যতোয়া

জাহ্নবীর মত, ধোত কবে আবর্জনা ।

অহল্যা । নাথ ! তব পুণ্যতেজে আজি অন্ধ আমি,

কোথা তুমি ? কতদূর ? সঙ্গে কোবে লও ।

[সকলে নিষ্ক্রান্ত]

পঞ্চম দৃশ্য

স্থান—অলৌকিক প্রমোদ-মণ্ডপ । কাল—নিশা ।

[বামসীতার যুগলরূপ]

সম্মুখে অঙ্গরাদিগের নৃত্যগীত

যাচ্ছে বোয়ে প্রেমের সিদ্ধু উঠছে পড়ছে প্রেমের ঢেউ ;— ,
কেউবা খাচ্ছে হাবুডুবু, ভেসে চোলে যাচ্ছে কেউ ।
কারো বক্ষে এ প্রেম আনে অবিচ্ছিন্ন পরম স্নেহ ;
নন্দ্যদাহে রহে এ প্রেম কারো বক্ষে জাগরুক ।
প্রেমে লিপ্সা, প্রেমে ঈর্ষা, প্রেমে পুণ্য পরিণয় ;—
কারো ভাগ্যে বিষের ভাণ্ড, কারো ভাগ্যে সুধাময় ;
প্রেমের টানে টেনে আনে জনার্দনে ধরায় জীব ;
পাগল, উদাস, শ্মশানবাসী প্রেমে ভোলা সদাশিব ।
কেউবা প্রেমে সর্বব্যত্যাগী, কেউবা চাহে উপভোগ ;
কারো পক্ষে প্রেম আসক্তি, কারো পক্ষে মহাযোগ ;
প্রেমে জন্ম, প্রেমে মৃত্যু, প্রেমে সৃষ্টি, প্রেমে নাশ ;
প্রেমের শব্দ উঠে মর্ত্যে, প্রেমে স্তব্ধ নীলাকাশ ।

[স্ববনিক্য]

